




通考

自二百八十九至二百九十四

四十七

112  
100  
47





112  
100  
47



文獻通考卷之二百八十九

象緯考

宋鄱陽 馬端臨 貴  
明蘄陽 馮天馭 雁



月五星凌犯

唐高祖武德元年六月丙子熒惑犯右執法占曰執法大臣象  
二年七月戊寅月犯牽牛凡月與列宿相犯其宿地憂牽牛吳  
越分九月庚寅太白晝見冬熒惑守五諸侯六年七月癸卯熒  
惑犯輿鬼西南星占曰大臣有誅

七年六月熒惑犯右執法七月戊寅歲星犯畢占曰邊有兵  
八年九月癸丑熒惑入太微太微天廷也冬太白入南斗斗主  
爵祿

九年五月太白晝見六月丁巳經天巳未又經天在秦分丙寅  
月犯氐氐為天子宿宮巳卯太白晝見七月辛亥晝見甲寅晝

象緯

文獻通考卷之二百八十九

卷之二百八十九

見八月丁巳書見太白上公經天者陰乘陽也

太宗貞觀三年三月丁丑歲星逆行入氐占曰人君治宮室過度一曰饑

五年五月庚申鎮星犯鍵閉占為腹心喉舌臣

九年四月丙午熒惑犯軒轅十年四月癸酉復犯之占曰熒惑主禮禮失而後罰出焉軒轅為後宮

十一年二月癸未熒惑入輿鬼占曰賊在大人側

十二年六月辛卯熒惑入東井占曰旱

十三年五月乙巳犯右執法六月太白犯東井北轅井京師分也

十四年十一月壬午月入太微占曰君不安

十五年二月熒惑逆行犯太微東上相

十六年五月太白犯左股畢為邊將六月戊戌晝見九月己未

熒惑犯太微西上將十月丙戌入太微犯左執法

十七年三月丁巳守心前星癸酉逆行犯鈞鈴熒惑

常以十月入太微受制而出伺其所守犯天子所誅也鍵閉為

腹心喉舌臣鈞鈴以開闔天心皆貴臣象

十八年十一月乙未月掩鈞鈴

十九年七月壬午太白入太微是夜月掩南斗太白遂犯左執

法光芒相及箕斗間漢津高麗地也太白為兵亦罰星也

二十年七月丁未歲星守東壁占曰五穀以水傷

二十一年四月戊寅月犯熒惑占曰貴臣死十二月丁丑月食

昴占曰天子破匈奴

二十三年五月丁亥犯右執法七月太白晝見乙巳鎮星守東

井占曰旱閏十二月辛巳太白犯建星占曰大臣相譖

高宗永徽元年二月己丑熒惑犯東井占曰旱四月己巳月犯

五諸侯熒惑犯輿鬼占曰諸侯凶五月己未太白晝見

二年六月己丑太白入太微犯右執法九月甲午犯心前星十

二月乙未太白晝見

三年正月壬戌犯牽牛牽牛為將軍又吳越分也丁亥歲星掩

太微上將二月己丑熒惑犯五諸侯五月戊子掩右執法

四年六月己丑太白晝見

六年七月乙亥歲星守尾占曰人主以嬪為后己丑熒惑入輿

鬼八月丁卯入軒轅

顯慶元年四月丁酉太白犯東井北轅占曰秦有兵

五年二月甲午熒惑入南斗六月戊申復犯之南斗天廟云復

來者其事大且久也

龍朔元年六月辛巳太白晝見經天九月癸卯犯左執法

二年七月己丑熒惑守羽林羽林禁兵也三年正月己卯犯天

街占曰政塞姦出六月乙酉太白入東井占曰君失政大臣有

誅

麟德二年三月戊午熒惑犯東井四月壬寅入輿鬼犯質星

乾封元年八月乙巳熒惑入東井

二年五月庚申入軒轅

三年正月乙巳月犯軒轅大星

咸亨元年四月癸卯月犯東井占曰人主憂 七月壬申熒惑

入東井占曰旱 丙申月犯熒惑占曰貴人死十二月丙子熒

惑入太微

二年四月戊辰復犯太微垣將相位也

五年六月壬寅太白入東井

上元二年正月甲寅熒惑犯房占曰君有憂一曰有喪

三年正月丁卯太白犯牽牛占曰將軍凶

儀鳳二年八月辛亥太白犯軒轅左角左角貴相也

三年七月戊寅熒惑犯鈎鈴

四年四月戊午入羽林占曰軍憂

調露元年七月辛巳入天困

永隆元年五月癸未犯輿鬼丁酉太白晝見經天是謂陰乘陽陽君道也

永淳元年五月丁巳辰星犯軒轅 九月庚戌熒惑入輿鬼犯

質星十一月乙未復犯輿鬼去而復來是謂句已

垂拱元年四月癸未辰星犯東井北轅辰星為廷尉東井為法

令失道則相犯也十二月戊子月掩軒轅大星二年三月丙辰

復犯之

萬歲通天元年十一月乙丑歲星犯司怪占曰水旱不時

聖曆元年五月庚午太白犯天關天關主邊事

二年熒惑入輿鬼

三年三月辛亥歲星犯左執法

久視元年十二月甲戌晦熒惑犯軒轅自乾封二年後月及熒

惑太白辰星凌犯軒轅者六

長安二年熒惑犯五諸侯渾儀監尚獻甫奏臣命在金五諸侯

太史之位火克金臣將死矣武后曰朕為卿禳之以獻甫為水

衡都尉水生金又去太史之位卿無憂矣是秋獻甫卒

四年熒惑入月鎮星犯天關

睿宗神龍元年三月癸巳熒惑犯天田占曰旱七月辛巳掩氏

西南星占曰賊臣在內

二年閏正月丁卯月掩軒轅後星

九月壬子熒惑犯左執法

巳巳月犯軒轅後星

十一月辛亥犯昴占曰胡王死戊午熒惑入氏十二月丁酉犯天江占曰旱

三年五月戊戌太白入輿鬼中占曰大臣有誅

景龍三年六月癸巳太白晝見在東井京師分也

四年二月癸未熒惑犯天街五月甲子月犯五諸侯

景雲二年三月壬申太白入羽林八月己未歲星犯執法三月

壬申熒惑入東井

玄宗先天元年八月甲子太白襲月占曰太白兵象月大臣體

二年十一月丙子熒惑犯司怪

開元二年七月己丑太白犯輿鬼東南星

七年六月甲戌太白犯東井鉞星占曰斧鉞用

八年三月庚午犯東井北轅五月甲子犯軒轅

十一年十一月丁卯歲星犯進賢

十四年十月甲寅太白晝見

二十五年六月壬戌熒惑犯房

二十七年七月辛丑犯南斗占曰貴相凶

天寶十三載五月熒惑守心五旬餘占曰主去其宮

十四載十二月月蝕歲星在東井占曰其國亡東井京師分也

肅宗至德二載七月己酉太白晝見經天至于十一月戊午不

見歷秦周楚鄭宋燕之分十二月歲星犯軒轅大星占曰女主

謀君

乾元元年五月癸未月掩心前星占曰太子憂六月癸丑入南

斗魁中占曰大人憂

二年正月癸未歲星蝕月在翼楚分也一日饑二月丙辰月犯

心中星占曰主命惡之

上元元年五月癸丑月掩昴占曰胡王死八月己酉太白犯進

賢十二月癸未歲星掩房占曰將相憂

三年建子月癸巳月掩昴出昴北八月丁卯艾掩昴

代宗寶應二年四月巳巳月掩歲星占曰饑

永泰元年九月辛卯太白晝見經天

大曆二年七月癸亥熒惑入氐其色赤黃乙丑鎮星犯水位占

曰有水災乙亥歲星犯司怪八月壬午月入氐丙申犯畢九月

戊申歲星守東井占皆為有兵乙丑熒惑犯南斗在燕分十二

月丁丑犯壘壁占曰兵起

三年正月壬子月掩畢入月巳未復畢辛酉入東井九月壬申

歲星入輿鬼主死喪

丁丑熒惑入太微二旬二出巳卯太白犯左執法

四年二月壬寅熒惑守房上相丙午有芒角三月壬午逆行入

星占曰大臣相譖

五年二月乙巳歲星入軒轅六月丁酉月犯進賢庚子犯氐庚

戌太白入東井

六年七月乙巳月掩畢入畢中壬子月犯太微八月甲戌熒惑

犯鄭星庚辰月入太微九月壬辰熒惑犯哭星庚子犯泣星是

夜月掩畢丁未入太微十月丁卯掩畢巳巳熒惑犯壘壁甲戌

月入軒轅占曰憂在後宮十一月壬寅入太微丙午掩氐十二

月巳巳入太微

七年正月乙未犯軒轅二月戊午掩天關占曰亂臣更天子法

令巳巳熒惑犯天街四月丁巳入東井辛未歲星犯左角占曰

天下之道不通壬申月入羽林五月丙戌入太微

八年四月癸丑歲星掩房占曰將相憂又宋分也甲寅熒惑入

壘壁五月庚辰入羽林七月巳卯太白入東井留七日非常度



也占曰秦有兵乙未月入畢中癸未入羽林己丑太白入太微  
占曰兵入天廷八月晝見十一月丁巳月掩畢壬戌入輿鬼掩  
質星庚午月及太白入氐中占曰君有哭泣事十一月己卯月  
入羽林癸未太白入房占曰白衣會不曰犯而曰入蓋鈞鈔間  
癸丑月掩天關甲寅入東井癸酉入羽林

九年三月丁未熒惑入東井四月丁丑月入太微五月己未太  
白入軒轅占曰憂在後宮六月己卯月掩南斗庚辰入太微七  
月甲辰掩房辛亥入羽林壬戌入輿鬼九月辛丑太白入南斗  
占曰有反臣又曰有赦甲子熒惑入氐宋分也十月戊子歲星  
入南斗占曰大臣有誅十二月戊辰月入羽林

十年三月庚戌熒惑入壘壁四月甲子入羽林八月戊辰月入  
太微

十一年閏八月丁酉太白晝見經天

十二年正月乙丑月掩軒轅癸酉掩心前星宋分也丙子入南  
斗魁中二月乙未鎮星入氐中占曰其分兵喪李正巳地也三  
月壬戌月入太微四月乙未掩心前星五月丙辰入太微戊戌  
入羽林七月庚戌入南斗乙亥熒惑入東井十月壬辰月掩昴  
庚子入太微十一月乙卯入羽林十二月壬午復入羽林自六  
年至此月入太微者十有二入羽林者八熒惑入東井再入羽  
林三八壘壁月太白歲星皆南斗魁中

十四年春歲星入東井  
德宗建中元年十一月月食歲星在秦分占曰其國亡是月歲  
星食天尸天尸輿鬼中星占曰有妖言小人在位君王失樞死  
者大半

三年七月月掩心中星

貞元四年五月丁卯月犯歲星在營室六月癸卯熒惑逆行入

羽林占曰君有憂

六年五月戊辰月犯太白間容一指占曰大將死十年四月太白晝見

十一年七月熒惑太白相繼犯太微上將

十三年二月戊辰太白入昴三月庚寅月犯太白

十九年三月熒惑入南斗色如血斗吳越分色如血者旱祲也

二十一年正月己酉太白犯昴趙分也

順宗永貞元年十二月丙午月犯畢己酉歲星犯太微西垣將相位也

憲宗元和元年十月太白入南斗十二月復犯之斗吳分也

二年正月癸丑月犯太白于女虛二月壬申月掩歲星占曰大臣死四月丙子太白犯東井北轅己卯月犯房上相

三年三月乙未鎮星蝕月在氐占曰其地主死

四年九月癸亥太白犯南斗

七年正月辛未月掩熒惑五月癸亥熒惑犯右執法六月己亥月犯南斗魁

八年七月癸酉月犯五諸侯十月己丑熒惑犯太微西上將十二月掩左執法

九年二月丁酉月犯心中星七月辛亥掩心中星占曰其宿地

凶心豫州分壬辰月掩軒轅是月太白入南斗至十月出乃晝

見熒惑入南斗中因留犯之南斗天廟又丞相位也

十年八月丙午月入南斗魁中

十一年二月丙辰月掩心是月熒惑入氐因逆行三月己丑月

犯鎮星在女齊分也四月丙辰太白犯輿鬼占曰有僂臣六月

甲辰月掩心後星是月熒惑復入氐是謂旬已十一月戊寅月

犯歲星十二月甲午犯鎮星在危亦齊分也

十二年三月丁丑月犯心

十三年正月乙未歲星逆行犯太微西上將三月熒惑入南斗因逆留至于七月在南斗中大如五升器色赤而怒乃東行非常也八月甲戌太白犯左執法乙巳熒惑犯哭星十月甲子月犯昴趙分也

十四年正月癸卯月犯南斗魁占曰相凶五月丙戌月犯心中星七月乙酉掩心中星

十五年正月丙申復犯中星四月太白犯昴七月庚申熒惑逆行入羽林八月己卯月掩牽牛吳越分也十一月壬子月犯東井城轅

穆宗長慶元年正月丙午月掩東井鉞遂犯南轅第一星二月乙亥太白犯昴趙分也丁亥月犯歲星在尾占曰大臣死燕分也三月庚戌太白犯五車因晝見至于七月以歷度推之在唐

及趙魏之分占曰兵起七月壬寅月掩房次相九月乙巳太白犯左執法

二年九月太白晝見熒惑守天囷六旬餘乃去占曰天囷上帝之藏耗祥也十月熒惑犯鎮星于昴甲子月掩牽牛中星占曰吳越凶十一月丁丑掩左角十二月復掩之占曰將死甲寅月犯太白于南斗

四年三月庚午太白犯東井北轅遂入井中晝見經天七日而出因犯輿鬼京師分也五月乙亥月掩畢大星六月丙戌鎮星依曆在觜觴羸行至參六度當居不居失行而前遂犯井鉞占曰所居宿父國福厚易福薄又曰羸為王不寧鉞主斬刈而又犯之其占重癸未熒惑犯東井丁亥入井中己丑太白犯軒轅右角因晝見至于九月占曰相凶十月辛巳月入畢口十一月熒惑逆行向參鎮星守天關十二月戊子月掩東井

敬宗寶曆元年四月壬寅熒惑入輿鬼掩積尸七月癸卯犯執法甲辰鎮星犯東井甲子月掩畢星癸未太白犯南斗丙戌月犯畢十月辛亥犯天囷十一月庚辰鎮星復犯東井癸未月犯東井

二年正月甲申犯左執法戊子入于氏三月丙午犯畢五月甲午熒惑犯昴六月太白犯昴七月壬申月犯畢八月庚戌熒惑犯輿鬼

文宗太和元年正月庚午月掩畢三月癸丑入畢掩大星月變于畢者自寶曆元年九月及茲而五五月掩熒惑在太微西垣丙戌熒惑犯執法

太和二年正月庚午月掩鎮星七月甲辰熒惑掩輿鬼質星十月丁卯月掩東井北棘三年二月乙卯太白犯昴壬申熒惑掩右執法七月入于氏十月入于南斗

四年四月庚申月掩南斗杓次星十一月辛未熒惑犯右執法五年二月甲申月掩熒惑三月熒惑犯南斗杓次星六年四月辛未月掩鎮星于端門巳丑太白晝見七月戊戌月掩心大星辛丑月掩南斗杓次星

七年五月甲辰熒惑守心中星六月丙子月掩心中星遂犯熒惑七月甲午月掩心中星丙申掩南斗口第二星九月丁巳入于箕戌辰入于南斗癸酉太白入南斗冬鎮星守角

八年二月始去七月戊子月犯昴十月庚子熒惑鎮星合于亢十二月丙戌月掩昴是歲月入南斗者五占曰大人憂

九年夏太白晝見自軒轅至于翼軫六月庚寅月掩歲星在危而暈十月庚辰月復掩歲星在危開成元年正月甲辰太白掩建星占曰大臣相譖六月丁未月掩心前星八月乙巳入南斗

二年正月壬申月掩昴二月巳亥月掩太白于昴中六月甲寅月掩昴而暈太白亦有暈六月巳酉太白星晝見庚申太白入東井七月壬申月入南斗丁亥掩太白于柳八月壬子太白入太微遂犯左右執法九月丙子月掩昴  
三年二月巳酉掩心前星二月戊午熒惑入東井三月乙酉入輿鬼五月辛酉太白犯輿鬼庚午月犯心中星甲寅太白犯右執法七月乙丑月掩心前星十月辛卯太白犯南斗  
四年二月丁卯月掩歲星于畢三月乙酉掩東井七月乙未月犯熒惑占曰貴臣死八月壬申熒惑犯鉞遂入東井十月戊午辰星入南斗魁中占曰大赦  
五年春木當王而歲星小闇無光占曰有大喪二月壬申熒惑入輿鬼四月太白入輿鬼五月辰星見于七星色赤如火七月乙酉月掩歲星

武宗會昌元年閏八月丁酉熒惑入輿鬼中占曰有兵喪十二月庚午月犯太白于羽林  
二年正月壬戌掩太白于羽林六月丙寅太白犯東井十月丙戌月掩歲星于角  
三年三月丙申又掩歲星于角七月癸巳熒惑入東井色蒼赤動搖井中八月丁丑犯輿鬼十月壬午晝月蝕太白于亢  
四年二月歲星守房掩上相熒惑逆行守軒轅四旬乃去庚申月掩畢大星十月癸未太白與熒惑合遂入南斗  
五年二月壬午太白掩昴五月辛酉入畢口八月壬午犯軒轅大星九月癸巳熒惑犯太微上將  
六年二月丁丑犯畢大星丁亥月出無光犯熒惑于太微頃之乃稍有光遂犯左執法丙申掩牽牛南星遂犯歲星牽牛揚州分

宣宗大中十一年八月熒惑犯東井

懿宗咸通十年春熒惑逆行守心

僖宗乾符二年四月庚辰太白晝見在昴

三年七月常星晝見

四年七月月犯房

六年冬歲星入南斗魁中占曰有反臣

光啓二年四月熒惑犯月角

文德元年七月丙午月入南斗八月熒惑守輿鬼占曰多戰死

昭宗龍紀元年七月甲辰月犯心

乾寧二年七月癸亥熒惑犯心

光化二年鎮星入南斗

三年八月壬申太白應見在氐不見至九月丁亥乃見是謂當  
出不出十一月丁未太白犯月因晝見

天復元年五月自丁酉至于己亥太白晝見經天在井度十月  
大角五色散搖煌煌如火占曰王者惡之

二年五月甲子太白襲熒惑在軒轅後星上太白遂犯端門又  
犯長垣中星占曰賊臣謀亂京畿大戰十月甲戌太白夕見在  
斗去地一丈而墜占曰兵聚其下又曰山摧石裂大水竭庚子  
辰星見氐中而不明占曰負海之國大水是歲鎮星守虛

三年二月始去虛十一月丙戌太白在南斗去地五尺許色小  
而黃至明年正月乃高十丈光芒甚大是冬熒惑徘徊于東井  
間久而不去京師分也

天祐元年二月辛卯太白夕見昴西色赤炎燄如火壬辰有三  
角如花而動搖占曰有反城有火災胡兵起六月甲午太白在  
張芒角甚大癸丑句巳水位自夏及秋大角五色散搖煌煌然  
占同天復三年八月丙午歲星在哭星上生黃白氣如李狀

梁太祖開平二年夏四月辛丑熒惑犯上將

三年正月熒惑犯房第二星戊申月犯心大星四月甲寅月掩

心大星五月壬戌熒惑犯心大星去心四度順行心帝王之星

其年六月五日帝崩

正明四年十二月鎮星犯文昌上將

後唐莊宗同光三年八月熒惑犯星九月熒惑在江東犯第一

星是年大水

三年丙申熒惑犯上相四月甲子熒惑犯左執法六月丙寅歲

星犯右執法

明宗天成元年四月庚戌金犯積尸七月己未月犯太白乙丑

月入南斗魁八月癸卯太白犯心大星乙巳月犯五諸侯辛亥

熒惑犯上將九月丁巳月犯心大星己巳月犯昴庚午熒惑犯

右執法己卯熒惑犯左執法十月戊子熒惑犯上相丙午月掩

左執法十一月丁丑月暈匝火木戊寅月犯金木土十二月熒

惑犯氐乙巳月掩庶子

二年二月辛卯熒惑犯鍵閉三月月掩鬼巳巳熒惑犯上相乙

亥月入羽林四月丁亥月犯左執法癸卯月入羽林六月辛丑

熒惑犯房庚子月犯五諸侯九月壬子歲犯房庚申月入羽林

壬申月犯上將十月壬午月犯五諸侯十二月乙卯月入羽林

三年四月丁酉月犯五諸侯五月丁巳月掩房距星六月乙酉

月掩心庶子癸巳月入羽林七月月入南斗魁閏八月熒惑犯

上將戊申月犯南斗乙卯熒惑犯右執法庚戌太白犯右執法

十一月月掩軒轅大星乙未太白犯鎮月掩房十二月熒惑犯

房

四年正月癸巳月入南斗魁二月月及火土合于斗三月歲犯

牛七月丁丑月入南斗九月丙子熒惑入哭星

長興元年六月乙卯太白犯天鐔八月己亥月犯南斗乙卯月犯積尸十一月熒惑犯氐十二月熒惑犯天江

二年正月太白犯羽林庚辰月犯心距星二月丁未月犯房四月熒惑犯羽林八月丁巳辰犯端門十一月丙戌太白犯鍵

三年四月庚辰熒惑犯積尸九月庚寅太白犯哭星十一月己亥太白犯壁壘九月辛巳太白犯右執法六月甲戌太白犯右

執法

晉高帝天福元年三月熒惑犯積尸

三年五月壬子月犯上將

四年四月辛巳太白犯東井北轅甲午太白犯五諸侯五月太

白犯輿鬼中星九月癸未月掩畢

六年八月辛卯太白犯軒轅九月己卯熒惑犯上將

八年八月丙子熒惑犯右掖十月丙辰熒惑犯進賢十一月月

犯房

出帝開運元年二月壬戌太白犯昴己巳熒惑犯天鐔四月太

白犯五諸侯丁巳太白犯五諸侯七月月犯熒惑壬午月入南

斗庚寅太白犯東井八月甲辰熒惑入南斗九月丙子月入南

斗庚寅月犯五諸侯十月癸卯月入南斗十一月辛巳月犯昴

二年七月月犯角壬寅月犯心前大星庚戌歲犯井鉞八月甲

戌歲犯東井九月己酉月犯昴甲寅太白犯南斗魁十一月太

白犯哭星癸丑月掩距星戊午月犯心後星

漢高帝天福十二年十月己丑太白犯元距星十一月月犯昴

乙亥月掩心大星己卯月犯南斗

乾祐元年四月月犯南斗乙未月入南斗七月月掩心庶子星

八月鎮犯太微西垣戊戌歲犯右執法九月月掩鬼十月歲犯

左執法



六年六月壬午月犯心丙戌月犯天關八月乙亥月犯房次將九月壬寅太白犯右執法辛酉鎮犯右執法甲寅月犯昴三年二月月犯昴六月鎮犯左掖七月熒惑犯司怪八月太白犯房庚戌太白犯心大星十月月犯心大星

周太祖廣順元年二月歲犯咸池己未熒惑犯五諸侯三月歲守心己卯熒惑犯鬼壬午熒惑犯天尸四月歲犯鈞鈴

二年七月熒惑犯井鉞八月熒惑犯天罇九月熒惑犯鬼庚辰太白掩右執法十月太白犯進賢二年四月熒惑犯靈臺五月熒惑犯上將丙申熒惑犯右執法七月月犯房

世宗顯德六年六月熒惑與心大星合度光芒相射其月帝崩先是熒惑句已於房心間凡數月至上臨崩之前一夕與心大星合度是夜方順行

宋太祖太宗真宗三朝月犯五緯

建隆二年十一月癸未犯歲星

開寶三年九月乙卯犯鎮星

太平興國三年七月己亥掩熒惑八月甲戌與太白合

八年七月辛亥凌犯歲星

端拱元年二月戊申犯鎮星辛亥犯歲星六月丁卯掩鎮星

淳化元年十一月丙申與熒惑合二年六月己丑犯歲星

三年三月癸亥與太白合九月戊午掩熒惑十二月甲申與熒

惑合

四年十月癸未與辰星合

五年十月己亥犯歲星

至道三年八月戊申犯鎮星十二月癸丑犯歲星

咸平元年三月乙丑犯熒惑五月己巳掩歲星十一月甲午犯

鎮星

二年二月戊子犯太白十一月乙未犯熒惑

三年二月壬子犯太白

四年十月辛酉掩熒惑

五年二月癸巳犯歲星

六年十一月癸卯犯鎮星七月庚午犯歲星

大中祥符二年十一月丙子又犯

三年十月丙辰犯熒惑

四年正月丁丑犯太白二月壬辰犯鎮星八月丙寅犯太白

五年三月癸未犯鎮星

六年二月丙戌犯歲星十二月丁丑犯鎮星

七年四月丙辰掩熒惑八月癸未犯鎮星

九年五月己巳犯歲星十月戊戌犯太白十二月丙戌犯熒惑

天禧元年正月戊申犯歲星

三年四月乙未犯熒惑相距五十許九月己卯犯歲星七月辛

亥犯太白八月庚子犯熒惑

五年五月辛卯犯鎮星

三朝太陰五星凌犯

建隆元年正月甲子太白犯熒惑十月壬申又犯于軫占

曰荆楚有兵時李重進以揚州叛討平之癸卯熒惑犯進賢十

一月又犯氏占曰後宮災明年昭憲皇太后崩

三年十月熒惑犯氏占曰後宮災明年李明皇后崩十二月熒

惑入天鑰月入南斗魁占曰大臣憂踰年宰相范質王溥魏仁

浦罷

開寶五年二月熒惑退入太微犯上相明年宰相趙普出鎮

太平興國八年三月己巳熒惑犯歲星占云有

九年七月月犯五諸侯第三星占曰諸侯有誅九月丁未月

犯南斗魁甲子又犯昴占曰胡不安十一月戊戌太白入氐占曰有兵次年河北用兵

端拱元年十二月癸惑犯亢第二星占云大臣憂又曰鄭旱明年京輔少雨

淳化元年七月月犯畢占曰陰國憂又主霖雨

二年正月丙戌癸惑犯房第一星占曰大臣憂其年宰相呂蒙正樞密使王顯參政王沔陳恕罷

四年四月癸惑入羽林占云主有兵明年李繼隆擒趙保忠王繼恩平李順十月太白犯南斗魁占云將相憂明年右驍衛大將軍張遜卒其年冬宰相李沆參政賈黃中同知樞密院溫仲舒罷

五年十月癸惑入氐犯西南星占云后妃大臣憂明年孝章皇后崩十一月乙卯月犯畢大星占云五日內有雨雪之應

至道三年九月癸未月入軒轅占曰宮中有憂明年秦國成聖繼明夫人薨

咸平元年六月壬辰月入太微占曰大臣有憂是年冬宰相呂端參政溫仲舒罷庚戌歲星入氐占曰氐為路寢王者宿宮歲星三入天子當將兵於野明年契丹犯塞車馬幸河北七月癸酉太白犯角左星占曰有兵戰不勝將軍憂踰年虜寇河間副都部署康保裔戰死

二年正月巳卯月入南斗魁占曰吳分饑疫明年兩浙大饑民疫死十月癸亥月犯昴占曰匈奴受兵明年范廷召大破契丹於黃州東八月甲子癸惑犯輿鬼占曰執法憂明年御史中丞趙昌言等貶十月丙午太白入南斗占曰丞相憂明年宰相向敏中罷乙卯月犯五車占曰主兵起路壅塞其年遷賊大擾靈州陷閏十二月月犯角大星占曰主大戰明年遷賊圍麟州擊

敗之

五年八月熒惑犯房占曰將相憂明年宰相呂蒙正罷十二月甲申月掩心前星占曰月數犯心後星復掩前星皇太子憂明年周王薨又皇太子生兩月不育

六年正月辛亥月犯房上將次將心小星占曰將臣死其年戎寇南牧副都部署王繼忠戰沒四月太白犯輿鬼占曰大臣有薨黜者是秋充王薨十一月甲辰熒惑犯太微上相占曰上相憂明年宰相李沆卒

景德元年六月月犯昴占曰匈奴受兵戊寅又犯五車東南星占曰兵起七月乙巳熒惑犯氏占曰天子親征是冬契丹來寇上勞軍于澶州閏九月太白犯南斗占曰外國有使至又曰有赦令其年契丹使來求和赦河北

二年六月月犯南斗占曰大臣死其年宰相畢士安薨九月丁

未熒惑太白犯太微上相占曰丞相有免者明年宰相寇準薨

三年九月戊子辰星晨見東方在亢太白又見西方在尾占曰

金水各出一方主有兵不戰

大中祥符元年七月己未歲星在太微占曰將相憂明年殿前

指揮使劉謙卒

二年九月月入東井占曰有大水明年夏京師大水壞廬舍十

月鎮星犯進賢占曰卿相憂明年節度使同平章事石保吉安

定郡公惟吉卒丁酉月犯畢占曰北國憂踰月契丹母卒

三年三月鎮星犯進賢占曰卿相憂明年參政馮拯罷四月歲

星退行入氏丙午又守氏占曰主饑疫明年江淮饑壬戌太白

犯建星占曰大臣有出者明年參政趙安仁罷

五年十月太白犯箕占曰後宮有大慶其年立皇后閏月熒惑

在諸王北占曰侯王憂踰年舒王薨

六年四月甲辰昏度月犯南斗占曰大臣憂明年樞密使王欽若陳堯叟副使馬知節罷

八年二月癸惑犯五諸侯占曰侯王憂其年榮王元儼降封端王閏六月月犯鍵閉占曰將相災明年天平節度周瑩卒樞密使同平章事陳堯叟罷

九年十二月月入太微占曰大臣憂明年參政王曾罷

天禧元年二月鎮星犯建星占曰大臣憂其年太尉王旦薨八月太白犯房次相占曰將相有大憂明年徐王薨十月月入太微端門占曰大臣憂明年參政張知白罷十一月又犯太微上相踰年宰相王欽若罷

二年正月月犯南斗距星占曰德令下其年立皇子大赦六月月犯房占曰房中道也月行中道天下和平

三年五月鎮星犯牽牛占曰有土功其年河決滑州大興後徒

塞之十月太白犯進賢占曰卿相有憂明年宰相向敏中卒十一月月入太微占曰大臣憂明年宰相李迪罷

四年二月月犯箕占曰有大風其年四月西北大風起飛沙折木晝晦數刻四月月掩房次將占曰臣下有憂宜察邪亂之臣不然有暴兵戍戍又掩南斗魁占曰將相有憂其年宰相寇準罷五月癸亥又掩日後星占曰臣下災有陰謀是年周懷政謀亂覺伏誅

仁宗英宗兩朝月五星凌犯

乾興元年三月木犯房占云秋立雨水四月月犯南斗魁第二星占曰宜謹關梁察姦詐將帥有憂十一月月犯五車占曰有兵疫事

天聖元年五月月掩房占曰次將災九月火犯壘壁陣占曰將兵者有災

二年二月月犯鬼因掩積尸十一月火犯房

三年正月火犯天籥五月金犯太微上將七月月犯房十一月

火犯外屏

四年二月火犯天高十月月犯東井占曰冬多雨雪春多雨水

五年九月金犯靈臺占曰日官失職水旱失時乙巳金犯明堂

占曰天子易宮宜避正殿正寢以順天道十月月犯牽牛中星

占曰牛疫犧牲之官有憂

六年正月甲寅日官言熒惑行近天街當犯而不犯請宣付史

館從之六月月犯氐占曰兵饑刑失中八月木犯鉞十月月犯

東井

七年六月月掩畢八月木犯輿鬼

八年正月火犯東井占曰秦分小兵廿四月木犯鬼尸九月木

犯軒轅十月月掩畢第二星

九年九月火犯輿鬼十一月月掩畢

明道元年二月庚午金犯五庫六月金犯東井光相接八月金

掩軒轅左角十一月月犯謁者

二年二月月入畢口九月月入太微本月金犯南斗

景祐元年正月木犯東咸五月火犯右執法七月月犯南斗十

一月月犯房

二年正月金犯東井四月犯五諸侯七月火犯靈臺十一月金

入氐

三年正月火犯進賢六月月犯氐八月月犯南斗

四年六月金犯東井七月金犯軒轅大星十月土犯左執法

寶元元年正月火犯房四月月犯角九月火犯天雞

二年五月月犯心大星十月犯南斗

康定元年正月火犯建星六月木犯井鉞七月木犯東井十一

月月犯軒轅御女

慶曆元年正月月犯房次將六月犯東井七月月掩斗天相十

一月木退犯輿鬼占曰秦分饑

二年二月月犯輿鬼四月木犯鬼尸

三年五月金犯軒轅大星九月木犯左執法

四年二月木犯左執法七月月犯東井

五年二月火犯東井五月犯軒轅大星十二月月犯房上相

六年七月金犯左角十一月月犯畢距星

七年正月火犯五諸侯六月土犯建八月月犯畢大星

八年二月金犯五車東南星六月月犯畢八月火犯鬼尸十一

月月掩畢

皇祐元年二月又掩畢五月火犯右執法九月金犯斗天相十

一月月掩畢

二年三月月犯軒轅大星八月月入東井十一月月犯畢入氏

占曰水虫多死

三年三月月犯畢四月月入太微占曰貴臣失勢八月火犯天

江

四年正月月犯東井占為風雨之候及水官有黜者八月犯輿

鬼十月金犯南斗占曰兵起

五年六月金犯井鉞閏七月火犯天江占曰旱饑

至和元年十一月火犯亢

二年九月犯壘壁陣

三年二月月犯氏占曰氏為宿宮月犯之郎將有咎四月金犯

畢占畢為邊兵七月月犯南斗占南為天廟丞相太宰之位今

月宿魁中犯之大臣其有咎風雨則解

嘉祐元年十月金入氏占曰天下疫

二年三月火犯壘壁陣占曰有兵四月月犯心占大臣有憂八月木犯氏占曰有赦令

三年二月月入魁占曰大臣辱又曰宮中有盜賊四月月犯五諸侯東星占曰將相憂九月月掩箕占曰箕為後宮亦曰天雞主八風今月犯之宜明號令及後宮政教亦主大風十一月月犯鈞鈴占曰大臣有咎

四年正月木犯建占曰建六星在南斗東北天之都宮主謀議木犯之大臣相譖宜察臣下之不和者四月月掩昴占曰胡地有災七月火犯畢距星占曰刑罰用趙分有冤獄又主戰事十月火犯月星占曰主兵亂

五年三月月犯南斗距占曰風雨不時四月掩輿鬼西北星占曰鬼天目也以視察姦謀其西北星為金玉之積今月掩之寶貨出糺彈之官災秦地侯王有憂七月木退犯十二諸國代星

占曰主其地有兵災十月土退犯東井距星占曰民多疾病六年正月月掩心大星六月金犯畢距星占曰邊兵動大將危屬趙翼之分宜備河北七月月掩心大星占曰心大辰海內之主宜寅奉天道崇德以禳之十月火退犯五諸侯占曰大謀變不成

七年三月火犯輿鬼西北星占曰天下有兵喪忠臣憂五月火犯靈臺占曰日官有咎八月土入鬼占曰大臣憂十一月金犯罰星占曰刑罰有所未中

八年二月月犯東井占曰為水事六月火犯諸王占曰宗室諸王有咎七月月犯牽牛占曰牛多死將軍有憂馬暴貴十二月火犯軒轅占曰後宮有憂

治平元年正月月掩天關占曰司關津者有罪邪臣有欲更變天子法令者閏五月木入東井占曰暴雨害黍稷及有川瀆之



事七月金犯輿鬼占曰兵革動孕婦多損屬秦分十月金入氏占曰霜不時春糴貴宋分疫

二年正月月犯左角占曰鄭分兵旱四月木犯天鐔占云主憫育孤民憐給衣食之事七月火犯鬼鑽占曰主兵賊動秦分災十月月犯牽牛中星

三年三月火犯太微西垣上將占曰將相有憂四月犯右執法九月木犯靈臺占曰候天文災變者當其咎十月犯太微西垣上將占曰不利總兵者

仁宗英宗兩朝月犯五緯

天聖三年正月丁未月犯火

五年七月己未犯木八月丁亥犯火十一月戊申掩木

六年九月己酉犯土

明道元年九月戊子又犯土

景祐二年四月丁巳掩金

五年三月戊申入太微犯土四月庚寅犯木

慶曆元年八月庚子掩土十月丙申犯土

四年七月壬午犯火

六年三月丙申犯木七月乙酉又犯木

皇祐元年七月丙午又犯木

二年六月壬申犯土

四年十月己丑犯木

至和二年五月庚辰犯土十月己酉犯木十二月辛卯犯土光

芒相接甲辰掩木

三年三月丙寅又掩土閏三月癸巳又掩木五月戊子犯土

嘉祐二年四月庚申犯火六月戊申犯金乙卯犯火

四年五月丁酉犯星占曰疆國作難十月甲戌犯火十二月庚

午掩火

五年三月甲午掩火在井七度半占曰憂在宮中又輔相死  
六年閏八月辛丑犯土在井十七度占曰女主憂後宮有出者  
十一月癸亥又犯土占曰後宮憂秦分民流  
十八年七月壬戌掩木在畢五度十一月辛亥又掩木

文獻通考卷之二百八十九

文獻通考卷之二百九十

象緯考

宋 鄒陽 馬 端臨 貴與 著  
明 靳陽 馮 天馭 應房 校刊

月五星凌犯

神宗哲宗徽宗欽宗四朝月五星凌犯

治平四年正月庚申月入東井主風雨又犯軒轅大星主歲饑  
母后親屬劓罰五月甲申月犯左執法主執法官憂八月癸惑  
犯軒轅大星主女主災十二月癸惑犯亢主民疫

熙寧元年正月庚辰鎮退犯上相主大臣有劓八月甲寅癸惑  
犯天江第二星主木壞城邑饑民十月丙戌歲入氏主后有喜  
亦主赦

二年正月戊寅月入東井主風雨七月辛巳太白犯輿鬼東南  
星主兵十一月丙子鎮犯亢距星主逆臣有謀五穀傷民流亡

象緯

文獻通考卷二百九十

乙

盧江寫

三年二月辛卯癸惑入天籥主防姦盜或火五月癸巳癸惑退  
犯天江主旱九月月掩天關主有亂臣更天子法令或典司關  
津者有罪十月戊午癸惑犯壘壁陣西北星主兵  
四年正月乙未月犯天關主有亂臣更法令亦主掌關津者有  
罪四月犯天江主津梁不通八月甲子犯壘壁陣西第一星主  
軍兵憂十一月丁亥辰犯罰南一星宜察獄  
五年正月乙丑癸惑犯天江東第一星主大旱或大水六月巳  
酉太白犯畢距星主兵起將有劄七月癸巳月犯羽林軍西第  
一星主兵出十一月戊午癸惑犯外屏西第二星主民不安  
六年正月甲子月犯東減西南第二星主陰謀及民饑六月癸  
未太白犯東上相主相有劄亦主兵喪七月丙寅太白犯南斗  
距星主國有兵事亦主外國有使來十月辛巳御外屏西第五  
星主人民不安

七年正月丁未填犯天江東北第一星主江河決溢土功興六  
月月犯天江北星主邊遠道路阻塞十一月癸惑犯左執法又  
入太微垣主大臣有憂

八年正月癸卯月犯司恠北第一星主有恠異事閏四月甲戌  
太白犯輿鬼西北星主大將憂民多疫七月庚午月犯徇國西  
南星主三韓鮮卑烏丸獫狁之屬有劄十月戊戌月犯外屏西  
第三星主民憂

九年正月辛未犯長垣第一星主胡夷兵動六月辛卯歲入東  
并有軍在外亦有川瀆之事七月丁丑歲犯天鑄西星主貧餒  
闕食十月庚子月犯五諸侯西第四星主將相憂十月乙亥月  
犯箕東北星主暴風雨四月丙戌癸惑犯輿鬼東北星主魚鹽  
貴九月巳酉太白入太微垣主廷尉丞相御史有黜者十二月  
辛卯月掩輿鬼西北星主將有劄或大臣黜

元豐元年四月庚申月入南斗主大臣辱女主災七月戊戌熒惑犯天鐔西北星主秦分民饑十二月壬戌太白犯建西第二星主大臣互譖毀外國有使至

三年二月壬戌熒惑入犯輿鬼東北星主兵馬出四月己卯月犯日星下主下不順宜以赦宥應之七月癸未月犯雲雨東北星主多雨十二月庚戌犯軒轅太民主大臣當黜

三年六月癸巳太白犯畢第二星主邊兵敗七月丁卯熒惑入東井主無兵兵起有兵兵罷十二月癸未月犯建西第三星主大臣相譖

四年三月壬辰月入東井主責臣死七月庚戌熒惑入氐主有賊臣宜宮中慎火十月壬戌八月犯雲雨西北星主多雨水

五年二月辛酉月犯水位第一星主水流溢七月乙巳熒惑入輿鬼主金玉用有大赦秦公沒軍殺將十月丁巳月入犯雲雨

西南星主雨澤成萬物

六年三月己亥熒惑犯東上相主大臣有劾六月戊戌熒惑入犯氐東南星主慎火八月癸未熒惑犯天江南第二星主旱十月

二月庚辰月掩犯畢距第二星主邊兵動女主憂  
七年二月壬寅月犯畢距星主多雨四月丁亥歲犯羅堰主糧  
貴十月甲午月犯心太星主王者憂

八年二月乙酉熒惑犯東咸主人民疾疫旱災六月丙子月犯建第四星主大臣相譖八月甲戌太白犯軒轅軒轅黃帝之神黃龍之體后妃之主士職今太白行犯以所主占之十一月癸卯月犯畢大星主大將死又主有邊兵若七日有風雨即解之  
祐宗元祐元年二月甲戌月犯左執法主大臣有憂又主大臣有免者四月辛丑月犯罰主掌罰者憂八月月犯畢大星主多雨十月丙午月入太微垣犯右執法主大臣有憂將相有免者

二年三月月犯建主有兵又主大臣相譖五月戊辰月犯羅堰星主水溢十一月甲戌月犯罰主罰贖平

三年七月甲子歲星犯天鑄主給濟貧乏十二月甲寅癸惑犯天籥主掌管籥官有劾宜察關鍵

四年三月丁亥月犯天江主河津不通四月犯氐主兵起將臣有憂七月乙亥犯罰星主罰贖平九月辛卯月入太微垣軌道

吉

五年正月辛巳月入太微垣犯內屏主輔臣有免者四月庚寅月掩畢爲女主有憂當以赦令除劾十月庚子月犯羽林軍主大臣有憂亦主兵將黜

六年三月庚辰填星犯東井主水旱不時四月己亥填星入太微行軌道吉

七年三月戊戌月入氐主政令行臣下忠孝四月癸亥月犯進

賢宜舉俊賢搜遺逸七月辛未月犯司惟主惟異事十二月壬戌太白犯雲雨主有雨澤萬物成

八年正月丙申月犯進賢主進賢之官有憂六月己酉太白犯諸王東第二星主宗臣憂七月甲申月犯心距星主大臣憂十月月犯外屏主民人憂

紹聖元年三月月犯斗主風雨不時四月丙午月犯五諸侯第二星主大臣憂八月丙午月犯箕東北星主多風及糴貴十一月丙午太白犯咸西南第一星主兵

二年正月甲寅月犯角距星主大臣誅有獄事五月己酉犯箕東北星主多風又主后憂災八月犯外屏西第一星主民不安十一月犯輿鬼東北星主民多疾

三年二月庚辰太白入昴主大赦七月癸巳太白入東井將軍惡之先起兵者敗又主有大水十一月壬戌月犯鉤星主多盜

四年二月己亥月犯天門東星陰陽不調四月庚子犯西星主盜賊劫掠人民七月丁巳熒惑掩犯積薪主大旱兵起十月癸巳填犯進賢主賢者得罪黜免

元符元年正月丙辰填犯進賢占同上六月乙未月犯雲雨主多雨澤七月乙丑熒惑犯氐宜言臣下及脩火禁十月甲午辰入氐主貴臣暴憂法官有獄事

二年正月壬戌犯天門東星主陰陽不順四月丁丑月犯井東扇北第三星主水官有黜刑政不平又主風雨七月壬子犯建西第三星主大臣相譖十月己未熒惑犯進賢主賢臣退黜

三年正月辛未熒惑犯氐東南星主君憂又主將相有憂四月壬寅熒惑退行犯亢南第一星主亂兵疾疫九月太白犯南斗西第二星主小人在位兵革欲興十二月丙辰月入氐主天下兵起

徽宗建中靖國元年二月癸卯月犯軒轅右角太民主大饑人流女主有憂四月乙巳月犯罰星主法令曲八月丁酉月犯建第二星主大臣相譖十月甲辰熒惑犯平道西第一星主隱士升又主天下大亂

崇寧元年正月己巳月犯水位西第四星主水溢流閏六月庚辰太白犯進賢主賢者黜十月乙丑月入畢口主君臣憂兵

二年二月壬戌熒惑犯昂主胡人聚中國匈奴兵起五月己亥月犯雲雨東北主雨不時八月丙子太白入氐主糴貴十月甲子熒惑犯亢南第一星主有亂臣

三年三月癸亥太白犯昂距星主胡王死又主臣有謀易政令四月壬子熒惑犯壘壁陣西第五星主兵大起七月戊戌太白犯積薪主大旱民流十一月己丑月入太微垣主有姦人在主側

四年三月壬寅熒惑犯井鉞主斧鉞用七月庚辰太白犯罰主賞罰失平十二月鎮星建第二星主臣下相譖

五年正月戊申入太微垣主四夷兵盛五月辛丑入氐主兵動八月丁卯熒惑犯天街南主邊兵動十月乙丑熒惑犯昂東南星主饑疫

大觀元年正月丁未太白犯外屏主障蔽四月戊午太白入井主政急民流五月甲午月犯進賢主蔽賢九月己丑月犯天籥主關籥不禁十二月丁未月犯建主大臣相譖

二年二月癸巳月入太微垣犯內屏主姦人在國四月癸巳月犯壁壘陣主用兵七月癸酉熒惑犯司恠主水旱不時九月壬申月入太微垣主四夷兵盛

三年二月己丑月入太微垣犯內屏主上下失禮輔臣免五月辛亥太白犯天狗主陰謀十二月丙申歲犯外屏主障蔽

四年正月戊申月犯天街主邊兵動六月乙亥月犯進賢主賢人退閏八月丙午填犯泣主喪十月庚寅太白犯天江主水政和元年二月乙卯月犯南斗主大臣后妃憂六月己酉月入羽林軍主兵起七月壬申月犯狗主守禦不嚴

二年六月辛亥熒惑入井主先舉兵者將死九月丁卯歲犯鬼主君憂民饑

三年正月乙亥熒惑犯太微垣內屏主上下失禮輔臣免六月戊午太白入太微垣犯右執法凶九月庚寅熒惑犯天江主旱十月乙丑月犯鬼主秦分有兵

四年十一月庚寅熒惑犯進賢主賢人得罪貶死

五年正月乙亥熒惑犯亢主有亂臣疾疫六月壬子月犯狗主守禦臣憂九月甲申月犯昂主匈奴憂十月丙辰月入鬼主君臣憂

六年閏正月歲犯亢主佞臣用六月辛未月犯心大星主人主  
憂七月辛亥歲犯亢主臣為亂十二月癸亥入氏主賊臣在內  
七年正月丁酉災惑犯鍵閉宜戒行幸七月乙未災惑犯天江  
主旱十月丙辰填星犯畢主兵起西北而不戰

八年正月丁亥災惑犯外屏主蔽障六月己巳月犯雲雨主雨  
澤九月癸亥災惑犯進賢主賢者得罪十月戊申災惑入氏主  
宮中火災

宣和元年九月災惑犯壁陣主兵作十一月己未月犯鬼主將  
軍死大臣黜國有憂三年正月己酉月犯畢主天下變今十月  
庚辰災惑犯亢主有亂臣民多疾

三年正月戊申災惑犯南斗主破軍殺將暴兵起十一月丙戌  
月犯罰主刑罰用  
四年三月甲戌歲犯昂主北征胡

五年正月壬戌月犯畢主天下有變今五月甲寅太白犯鬼主  
有兵謀九月己未災惑犯司恠主水旱不時十一月太白犯房  
主人君將相憂

六年正月己巳月入氏主兵大作十月丁巳月犯畢主天下有  
變今刑急臣叛

七年五月壬辰太白犯畢主邊兵起民饑六月丁巳月入羽林  
軍主兵興十二月丙辰月入太微垣主君弱臣疆四夷兵盛

欽宗靖康元年三月庚戌月入太微垣主君弱臣疆四夷兵盛  
五月壬申太白入鬼犯積尸氣主亂臣在內兵起大臣將軍誅  
七月己卯月入羽林軍主兵起十月丙辰月入太微垣主四夷  
兵盛十一月庚午太白犯亢主君自將兵

二年二月丁卯月入太微垣主大國破亡

神宗哲宗徽宗欽宗四朝月犯五緯



治平四年正月辛亥月犯辰主上卿憂八月辛未犯太白主將  
二心癸酉掩歲主邊兵九月壬寅犯太白主酈楚分兵十月戊  
辰掩填星主楚分民流又犯熒惑主荆楚兵

熙寧元年二月丁巳犯填主宮女出楚分民流四月壬子犯歲  
主楚分兵或饑

五年四月癸亥犯填占同閏七月庚申犯熒惑主察讒臣或貴  
人有咎

六年九月甲辰掩太自主燕分兵

十年九月庚午犯歲主周分饑十二月壬辰犯歲占同仍有邊  
兵

元豐七年十月甲午犯辰主兵廷尉有憂

八年八月戊寅犯鎮主後宮有出者十一月戊戌犯歲主衛分  
饑民流亦為邊兵庚子犯填主後宮有憂及民流土功興

元祐三年七月庚午犯太自主秦分兵十月壬辰犯歲

四年三月丙子又犯皆主秦分兵饑七月辛卯犯填十月癸丑  
掩之皆主後宮有出者

六年九月癸卯犯熒惑主有兵十二月甲戌掩歲主酈分饑邊  
兵動

八年十二月丁巳犯熒惑主有兵戰小吏憂

紹聖元年六月甲戌犯太白主秦分兵九月辛酉犯填十二月  
癸未又犯皆主後宮宜崇福及主民流

二年正月庚戌又犯主周分下陵上及後宮憂四月壬申又犯  
主民流

三年九月戊戌犯歲主齊分饑有邊兵

四年七月丁丑犯熒惑主兵戰小吏憂

元符二年八月壬辰歲十一月辛巳十二月戊申又犯皆主晉

分民流饑

三年六月癸卯月犯熒惑主小吏死貴人出大將亡

建中靖國元年五月辛未犯填主下犯上后災民流

崇寧元年七月丁亥犯太白主疆侯作難國戰不勝天下民靡

散

五年二月戊子犯熒惑主兵大將死貴人出

大觀二年十二月戊子犯熒惑占同

四年七月戊午犯歲主邊兵動民饑流

政和元年正月己巳犯歲占同

宣和元年正月乙卯犯填主下犯上人民流

三年八月戊申犯熒惑主兵起小吏死大將亡貴人出

四年八月庚戌犯鎮主下犯上後宮災民流亡

七年十一月乙酉犯熒惑主貴人出兵起將亡

高宗建炎三年三月乙未月入氐占曰兵動是夜土犯亢占曰  
臣有謀是月苗傅劉正彥作亂至秋伏誅五月丙午歲星逆行  
犯房占將相有憂於是呂頤浩相杜充降虜七月辛巳太白入  
太微垣占邪臣伏誅次年張浚奏誅范瓊癸巳歲星犯鈞鈴占  
曰王者失政近臣起亂是冬上將謀航海避狄禁兵謀作亂伏  
兵誅之八月癸丑熒惑入鬼犯積尸占賊在君側又軍死將亡  
於是虜大入浙西殺人如麻閏八月丙戌太白犯心占兵興殃  
在貴人又主王者惡之次逼明堂繞一舍上甚懼壬寅稍北歸  
黃道甲子熒惑犯太微垣西上將為天子所誅丙寅熒惑入太  
微垣占天下不安草澤天文耿靜言熒惑行當在巳今超過午  
入太微於法為凶十一月乙巳熒惑出太微垣東左掖門巳酉  
犯垣東上相徘徊不去是歲虜大入江浙湖南上航海幸温台  
來春始還越

四年正月癸亥太白犯建星占大臣相譖八月辛卯犯五諸侯  
占將相憂九月趙鼎罷

紹興元年正月乙亥朔熒惑入羽林占有叛臣起是春李成叛  
二月癸卯月犯五諸侯西第五星占將相憂四月癸酉月犯權  
星占主有逆賊火災冬越州火辛巳月犯心占大臣有憂未幾  
范宗尹罷相八月辛未月復犯心未幾張浚罷秦檜相癸酉月  
犯昴占胡王死期不出五年應在四年吳乞買殂九月乙巳日  
入羽林占兵起巳巳月犯太白占疆國以戰敗十月吳玠大敗  
兀术于和尚原十月丁丑熒惑犯執法占大臣憂庚辰順行出  
太微垣東北掖門十一月辛丑熒惑犯進賢占賢者得罪免黜  
先是婁寅以言宗社大計擢監察御史秦檜惡之諷言者論而  
黜之

二年正月丙申熒惑入氐占天子失其宮是月上移蹕臨安二

月辛未月犯五諸侯第四星占將相有憂於是呂頤浩與秦檜  
不協檜罷相五月乙亥熒惑犯氐東南星占將相有憂又有火  
災未幾臨安火七月甲戌熒惑犯天江占曰大旱次年旱

三年七月癸亥月入南斗行魁中占大臣憂其後呂頤浩罷十  
一月丁巳月犯壘壁陣西第六星占兵起是月偽齊引兵寇淮

兀术聚兵寇蜀吳玠擊却之辛未熒惑犯氐占多火災於是臨  
安四月有火十二月辛未月犯昴占胡王死應在次年丙申月  
犯鬼占秦分有兵次年春兀术犯大散關吳玠破之辛丑熒惑

犯房北第一星占將相憂又曰馬貴於是吳玠始通西馬

四年二月壬戌月犯東諸侯第一星占將相憂其秋朱勝非罷  
五月辛亥熒惑犯輿鬼占有兵謀斧鉞用十月丙子熒惑犯壘  
壁陣西北戌戌又犯第六星占兵大起是日上親征發臨安以  
殿前司及神武中軍從十二月丙戌月犯昴西北星占胡王死

天子破匈奴不出三年於是金主吳乞買殂曹代立

五年二月庚戌填犯建星太白四月壬子歲星犯井鉞占斧鉞用十一月巳丑太白犯壘陣占兵起甲午月入井占亦如之於是大舉伐劉豫十二月巳卯熒惑犯天江占旱次年旱五月辛卯太白犯畢上謂輔臣曰金星犯畢占邊有敗兵當諭張浚令諸帥戒飭守邊者雖自有分野我亦不得不戒也明年六月酈瓊殺呂祉以其軍降劉豫六月巳未月犯昴占胡王死明年粘罕死十二月辛酉歲星入鬼占大臣災相黜於是趙鼎罷

七年正月癸亥月逆行入鬼犯積尸占王者憂國有兵喪三月壬午亦然於是徽宗寧德計至三月辛巳月犯牛宿西第一星占臣將黜又曰大臣將兵於是冬張浚罷趙鼎復相呂頤浩守建康四月甲午營惑入井占兵旱是秋旱五月丁丑月犯建星占大臣相諧時張浚與趙鼎不協上䟽毀之癸酉

月犯牛南星占下有憂將軍死厥應在九年吳玠薨十年岳飛被譖死也八月丙申月犯房北第二星占次相憂於是張浚以酈瓊叛罷相俄貶永州十二月戊午金入羽林軍占天子以軍自守其夜月犯房北第一星占將相憂於是始議講和

九年正月辛卯月入東井其四月癸丑六月乙亥八月丙申十月甲子十二月巳未皆復犯井占諸侯貴人死是歲呂頤浩吳玠李綱相繼薨二月巳巳月入氏其四月癸亥六月戊午八月癸丑亦如之占兵動於是金人始歸河南陝西俄復興兵取之四月癸亥月犯氏占天下兵起六月戊午復入氏是歲金人既敗盟諸將各出師敗之九月壬戌月犯天膏占將死臣誅十二月丁巳復犯天高次年趙鼎再貶岳飛下獄死

十年正月戊子木入氏占有赦甲辰留其七月辛未復入氏占

當有善令其歲太平年豐立后有喜後二年立后吳氏三月辛卯月入氏其六月七月八月十二月皆入氏同占兵起是歲元木再入寇諸將進取大捷

十一年十一月乙卯月入太微垣占大臣有憂將相有免者若期三年有為天子所誅於是岳飛下獄死韓世忠罷丙辰月犯進賢占賢者得罪明年胡銓貶張戒勤停自此賢者多貶黜死亡不可勝數

十二年月犯氏并畢入太微者相仍於是張浚罷劉光世薨十四年正月庚申月入畢掩大星占陰國有憂是歲金人伐蒙不克乃冊之為帝

十七年五月壬戌木順行入東井占天下有川瀆之事於是浙西建康同日大水九月巳卯金入太微垣占屬楚地於是漳州盜起

十九年正月辛丑火犯亢占大人多疾有不臣其年秦檜始以病告七月戊申火星犯南斗占丞相有事次年施全刺秦檜不中而誅八月戊午月入南斗十月辛未火順行犯壘壁陣次年信州建州皆有盜起

二十年七月己卯月犯角宿距星占大人憂有獄事是時連起大獄八月癸亥月犯畢宿距星占胡王死

二十一年十一月戊申月犯昂星占胡王死將軍死皆為完顏亮將亡之兆

二十二年正月丙辰月犯心宿東星占大臣有憂是歲八月韓世忠薨

二十三年三月戊申月犯南斗是歲浙西水

二十四年六月丙午月犯羅堰是秋大水十月乙未月掩建星占大臣相諧

二十九年正月乙亥月犯氐距星占女后後宮災是秋顯仁太后崩二月癸卯入氐方口內占兵動是歲凡四於是金主亮遷汴謀叛盟七月辛亥火星入鬼宿犯積尸氣占兵喪旱災兵在西北軍死將亡次年逆亮兵五十萬屯宿泗謀入寇

三十年正月戊戌月入氐占兵動二月乙丑亦如之是歲凡五六月壬申金星順行入東井占先起兵者敗將軍犯罪政急民流明年虜亮入寇

三十一年正月甲申月犯東井是歲凡七二月入氐是歲凡三皆兵兆也七月壬辰金星順行犯角宿距星占天下大戰道路不通

三十二年正月戊寅歲星退行入太微垣占軌道吉又曰天下喜或有赦其年五月乙未木順行入太微垣占同是年孝宗受禪庚申月入井是歲凡八

孝宗隆興元年二月己巳月入東井是歲凡三癸卯月入羽林軍為兵起是歲凡三

二年正月戊子月入羽林軍是歲凡八其冬虜犯淮南辛亥榮惑犯房宿占將軍亂國君將相憂於是張浚罷未幾洪适罷己巳月犯長垣其閏十一月戊辰亦如之占長垣四星占主邊界城墻以備胡兵於是金人使來欲割四郡卒與之

乾道元年三月辛未月入羽林軍是年凡八

二年六月乙酉月入斗八月庚辰亦如之占女后憂太子辱九月庚戌月犯哭星主悲泣事十一月戊午月犯權星占曰女后憂明年皇后夏氏崩太子愾薨

三年四月壬申月犯五諸侯占將相憂是年吳璘薨癸丑月掩南斗占大臣太子辱風雨不時丁丑月犯房占為將相憂庚辰月復入南斗魁是歲兩浙水旱其冬葉顥魏杞罷相

四年二月丁巳月入羽林軍是歲凡十

六年二月丁未月入羽林占為兵起是歲凡三

九年六月癸亥火星犯太微垣西扇右執法星占大臣有憂十月庚午木犯太微垣右執法占將相執法臣憂十二月亦如之明年虞允文以帥蜀薨于興元

淳熙二年七月戊子月犯房宿占將相執法憂次年葉衡貶

四年七月辛酉火犯氐宿占將相憂明年龔茂良罷貶

五年正月壬戌土星留守諸王星明年魏王愷薨

六年十一月己未月犯木占齊分歲饑荒民流亡明年江浙淮

西湖北旱除民賦賑恤之

八年正月己未月入東井是歲凡六閏三月丁未月入太微垣

是歲凡六

十三年七月甲申月掩心宿八月己卯月掩大星

十四年三月戊午月行犯心宿距星十口大臣有憂是冬劉克家

薨四月辛卯月入羽林軍是歲凡三五月月犯心宿大星又犯

中央星占人主有憂是年冬高宗上仙六月庚寅月行入斗宿

內占大臣太子憂是冬太子參決辭不許十月庚辰火星留守

五諸侯占諸侯貴人死次年思平郡王璩薨

十五年正月壬子木星行犯房宿北第一星占將相憂二月己

巳木星留守房宿占有赦天下和平次年光宗受禪大赦六月

己丑太陰犯昴占胡王死明年正月金主雍殂

十六年正月辛丑土星留守氐宿方口內占守氐有德令土功

興又云皇后太子喜歲安於是二月立后

光宗紹熙元年五月己未太陰行在斗宿距星西北占風雨不

時臣將黜死女后憂

二年八月庚寅火星入鬼宿犯積尸兵在西北軍將死亡

三年正月巳酉火星入太微垣內留守十日占太微在翼軫之宿北天子之庭五帝之座十二諸侯之府今熒惑入中留天子惡之是時上有疾久不視朝四月丁巳火星犯太微垣右執法星占有逆賊宮中不安八月甲辰金星行犯權星左角少民星占女后宗族災又云大臣當之

四年十月丁酉火星入太微垣內徘徊內屏者凡四閱月占宮中不安歲饑又曰有喪次年六月孝宗上仙十一月巳巳火星犯上相星占上相有罪次年留正出

五年八月壬辰火星犯房宿占將相憂於是羅點卒次年趙汝愚貶死十一月庚戌木犯諸王星占諸侯宗臣災

寧宗慶元元年六月丁卯金入東井占元起兵者敗將軍死政急民流九月丙戌火入太微垣占有逆賊

二年八月乙亥木犯權星次年慈福太皇太后崩

三年二月辛亥月入畢占陰國有憂天子用誅罰急臣叛將相災或邊兵入

四年三月乙巳木星入太微垣犯右執法六月乙丑土星犯壁壘陣星西方第五星占爲兵起十月戊午月行入太微垣內至次年凡四並同此爲四夷姦人來聽伺之象

嘉泰元年五月丁丑火星細行不行黃道爲死占爲變色有喪是歲臨安大水三日乃息

三年七月戊子木星行入羽林軍

四年三月壬申月犯權星占有逆賊并火災六月戊申入羽林軍七月丙子又入羽林軍時出師北伐

開禧元年正月巳卯火星留守五諸侯星從西第四星占諸侯兵死是歲吳曦反於蜀俄伏誅三月巳巳月入太微垣四月戊申月入羽林軍



二年六月丙寅月入羽林軍內占為兵起七月乙未木星犯

宿井

鉞星占為斧鉞用又為亂兵起

三年二月癸丑月犯五車東南星占兵起駕道不通巳未火星

退留守權星占女后有憂於是成肅太皇太后崩九月乙亥木

星順行入鬼宿在積尸氣鑽星西南占大臣災又犯鑽星兵喪

王者疾斧鉞用是冬侂冑誅斬蘇師旦

嘉定元年二月丙午月犯昂占胡王死次年金人戕其主允濟

二年二月乙酉火星退行犯太微垣上相星三月巳酉火星留

守太微垣中占為大臣有憂於是五月有羅日愿謀變六月甲

申月行掩土星是為月蝕土星占月犯土星則其地下犯上又

曰凡月蝕五星其分有災或亡地於是李元礪反於郴州連破

數縣十月乙丑月犯掩食以暉食火星其地亂

五年正月丁巳月入東井於是久雨

八年正月辛未月入東井占水旱不時是夏大旱蝗

九年正月丙寅月入東井於是兩浙江東有水災

十年七月乙酉金星行犯角占天下大戰道路不通是冬金虜

寇四川明年山東李全來歸

隨棗陽

十一年八月巳丑木星留守東井占為三軍大起於是金人犯

十二年四月壬申土退行入氏宿方口內占天下有兵期不出

四年又曰將有亡地者於是金人陷興元六月庚辰金星順行

入井占大水先起兵者敗將軍犯罪政急民流是歲莫簡反於

蜀

十三年二月庚寅木星順行犯鬼占民饑人君憂是歲秋景獻

太子薨

十六年正月戊申木星留守氏宿距星占歲豐后有喜甲寅降

生皇子

雜星變

秦末項羽救鉅鹿枉矢西流枉矢所觸天下之所伐射滅亡象也物莫直於矢今蛇行不能直而枉者執矢者亦不正以象項羽執政亂也羽遂合從阬秦人屠咸陽凡枉矢之流以亂伐亂也

漢孝文後二年正月壬寅天撓夕出西南歲星之精占曰為兵喪其六年十一月匈奴入上郡雲中漢起三軍以衛京師八月天狗下梁壁

孝景三年七月天狗下占為破軍殺將狗又守禦類也天狗所降以戒守禦其年吳楚反攻梁梁堅城守遂伏尸流血其下中三年六月壬戌蓬星見西南在房南去房可二丈大如二斗赤色白癸亥在心東北可長丈所甲子在尾北可六丈丁卯在

箕北近漢稍小且去時大如桃壬申去凡十日占曰蓬星出必有亂臣房心間天子宫也是時梁王欲為漢嗣使人殺漢爭臣袁盎漢按誅梁大臣斧鉞用梁王恐懼布車入關伏斧鉞謝罪然後得免

孝昭始元中蓬星出西方天市東門行過河鼓入營室中梁成恢曰蓬星出六十日不出三年下有亂臣戮死於市詳見五

元鳳五年四月燭星見奎婁間占曰有土功胡人死邊城和其六年正月築遼東玄菟城二月度遼將軍范明友擊烏桓還

王莽地皇四年王尋王邑圍昆陽有營頭星墮軍上詳見雲

漢靈帝熹平二年四月有星出文昌入紫微宮蛇行有首尾無身赤色有光焰垣牆占曰文昌為上將貴相後六年司徒劉群為中常侍曹節所譖下獄死

光和中國皇星東南角去地一二丈如炬火狀十餘日不見占

曰國皇星為內亂外內有兵喪其後黃巾賊張角燒州郡朝廷遣將討平斬首餘萬級中平六年宮車晏駕大將軍何進令司隸校尉袁紹招募兵千餘人陰踣雒陽城外竊呼并州牧董卓使將兵至京都共誅中官對戰南北宮闕下死者數千人燔燒宮室遷都西京及司徒王允與將軍呂布誅卓卓部曲將郭汜李催旋兵攻長安公卿百官吏民戰死者且萬人天下之亂皆自內發

晉惠帝永康元年三月妖星見南方占曰妖星出天下大兵將起是月賈后殺太子趙王倫尋廢后殺張裴又廢帝自立於是三王並起迭摠大權

元康四年九月甲午枉矢東北行竟天

六年六月景午夜有枉矢自斗魁東南行按占曰以亂伐亂北斗主執殺出斗魁居中執殺者不直之象也是後趙王殺張裴

廢后因自篡盜以至屠滅以亂伐亂之應也一曰氏帥齊萬年反之應也

光熙元年五月枉矢西南流時司馬越西破河間兵奉迎大駕尋收繆胤何綏等肆無君之心天下惡之及死而石勒焚其屍柩是其應也

元帝太興三年四月壬辰枉矢出虛危沒翼軫占曰枉矢所觸天下之所伐翼軫荊州之分野太寧二年王敦殺譙王承及甘卓而敦又梟夷是其應也

穆帝升平二年十二月枉矢自東南流于西北其長半天四年十月庚戌天狗見西南占曰兵流血

孝武太元二十年九月有蓬星如粉絮東行南歷女虛至哭星占曰蓬星見不出三年必有亂臣戮死於市時王國寶交構朝廷二十一年帝崩

安帝隆安四年王恭等興兵朝廷殺國寶

梁武帝普通元年九月乙亥有星晨見東方光爛如火占曰國

皇見有內難有急兵反叛其三年義州刺史文僧朗以州叛

陳後主至德元年正月壬戌蓬星見占曰必有亡國亂臣後帝

於太皇寺捨身作奴以祈冥福不恤國政用施文慶等以至亡

國

隋文帝仁壽四年六月庚午有星入于月中占曰有大喪有大

兵亡國破軍殺將七月帝崩

煬帝大業十二年九月戊午有柱矢出北斗魁委曲蛇形注于

南斗占曰主以兵去天之所伐亦曰以亂伐亂後二年宇文化

及弒帝僭號

唐武后光宅元年九月二十九有星如半月見西方

肅宗上元元年閏四月二十一日妖星見於西方長數丈至五

月滅

昭宗乾寧元年七月妖星見非彗非孛不知其名時人謂之妖

星或曰惡星

天復元年五月有三赤星各有鋒芒在南方既而西方北方東

方亦如之頃之又各增一星凡一十六星少時先從北滅占曰

濛星也見則諸侯兵相攻已巳夕有星當箕下如炬火炎炎上

衝人初以為燒火也高丈餘乃隕占曰機星也天下有亂

天祐元年四月有星狀如人首赤身黑在北斗下紫微中占曰

天衝也天衝抱極泣帝前血濁霧下天下寃後三日而黑風晦

暝

二年四月庚子夕西北隅有星類太白上有光似彗長三四丈

色如赭辛丑夕色如縞或曰五車之水星也一曰昭明星也

三年十二月昏東方有星如太白自地徐上行極緩至中天如

彗

上弦月乃曲行頃分之為二占曰有大彗

後唐明宗天成元年三月惡星入天庫流星犯天棊

宋高宗紹興三十一年六月巳巳北斗天權星東北有一小星

出光似彗太史指以為含譽非也

孝宗淳熙十四年五月有星出濁際大與日等入時與日相摩

蕩高宗在德壽宮登臺見之召能天文者脩武郎王道問之道

跪奏曰是謂蓬星見則有兵然分非中國夷狄應之耳出語所

親曰非兵也喪爾某不敢言是冬高宗不豫遂上仙於是金人

亦有大喪虜亦應天道云

按雜星變者出於五緯彗孛客星之外前史間載之至

宋天文志則失於紀錄而所書流星最多往往錯見於

流星條下矣獨中興志有此二則故載之於此而餘則

見流星門云

卷之二百九十終

文獻通考卷之二百九十一

宋鄱陽 馬 端臨 貴與 著

明蘄陽 馮 天馥 應房 校刊

流星星隕

星槎

春秋魯莊公七年夏四月辛卯夜恒星不見恒常也謂常見之

月光先尚微蓋時無夜明也夜中星隕如雨如而也夜半乃有

雲日光不以昏及數多皆記異也日光不匿恒星借俱與雨借也公羊傳恒星者

不見而云夜中者以水漏知之也

何列星也列星不見則何以知夜之中星反也反者星如雨者

何非雨也非雨則曷為謂之如雨不脩春秋曰雨星不及地尺

而復不脩春秋謂史記言春秋君子脩之曰星實如雨明其狀似雨

星不言尺者實則為何以書記異也穀梁傳恒星者經星也常

異不以尺寸錄之也謂常 曰入至於星出謂之昔不見者可以見也夜中星隕如

雨如而也星既隕而復雨其隕也如雨是夜中與星既隕而雨

隕云敏反復扶又反必晦冥安知

夜中乎與音春秋著以傳著疑以傳疑明實錄也傳真事反中之幾也而

曰夜中著焉耳幾微也星既墮而雨中微難知而曰夜何用見

其中也失變而錄其時則夜中矣失星變之始而錄其已墮其

不曰恒星之墮何也我知恒星之不見而不知其墮也我見其

墮而接於地者則是雨說也言我見從上來接於下然後可以

見之見音如字註言雨星今唯見在下故曰墮星我

之墮豈雨說哉解經不得言雨星而言墮星也鄭君曰衆星列

也劉向曰墮者象諸侯墮隊失其所也又

僖公十六年春王正月戊申朔墮石于宋五墮落也聞其墮視

其間見先後而記之莊七年星墮如雨見星之墮而隊於四遠

若山若水不見在地之驗此則見在地之驗而不見始墮之星

史各據事而書之也墮星也但言星則無星使

秦始皇王十六年焚惑守心有墜星下東郡至地為石或刻其

石曰始皇死而地分始皇聞之遣御史遂問莫服盡取石旁人

誅之燔其石

漢惠帝三年墮石縣諸一縣諸道也屬天水郡

孝武帝元光中天星盡搖上以問候星者對曰星搖者民勞也

後伐四夷百姓勞於兵革

征和四年二月丁酉墮石雍二天晏無雲聲聞四百里雍扶風

昭帝始元中流下星燕萬載宮極東去李奇曰極屋梁也或極

謂之堂前闌楯也法曰國恐有誅詳見五星

元平元年二月甲申晨有大星如月有衆星隨而西行乙酉祥

雲如狗赤色長尾三枚夾漢西行大星如月大臣之象衆星隨

之衆皆隨從之象也天文以東行為順西行為逆此大臣欲行

權以安社稷占曰太白散為天狗為卒起卒起見禍無時臣運

柄祥雲為亂君到其四月昌邑王賀行淫辟立二十七日大將

柄祥雲為亂君到其四月昌邑王賀行淫辟立二十七日大將

柄祥雲為亂君到其四月昌邑王賀行淫辟立二十七日大將

柄祥雲為亂君到其四月昌邑王賀行淫辟立二十七日大將

軍霍光白皇太后廢賀 三月丙戌流星出翼軫東北于太微入微宮始出小旦入大有光入有頃聲如雷三鳴止占曰流星入紫宮天下大凶四月癸未宮車晏駕

元帝建昭元年正月戊辰隕石梁國六

成帝建始元年九月戊子有流星出文昌色白光燭地長可四丈大一圍動搖如龍蛇形有頃長五六丈大四圍所詘折委曲貫紫宮西在斗西北子亥間後詘如環北方不合留一刻許占曰文昌為上將貴相時帝舅王鳳為大將軍其後宣帝 子王商為丞相皆貴重任政鳳妬商譖罷商自殺親屬皆廢黜

四年正月癸卯隕石藁四肥累一皆縣名屬真定

陽朔三年二月壬戌隕石白馬八東都之縣名

四年閏月庚午飛星大如缶出西南入斗下占曰漢使匈奴明年單于死漢遣使往吊

鴻嘉二年五月癸未隕石杜衍三南陽之縣名

永始二年二月癸未夜過中星隕如雨長一二丈繹繹未至地

滅師古曰繹繹至雞鳴止谷永對曰日月星辰燭臨下土其有石隕之異則遐邇幽隱靡不咸睹星辰附離于天猶庶民附離者也王者失道綱紀廢頓下民將叛去故星叛天而隕以見其象

春秋記異星隕最大自魯嚴以來至今再見臣聞三代所以喪亡者皆繇婦人群小湛酒於酒沈沈讀曰沈又書云乃用婦人之言四方之逋逃多罪是信是使師古曰周書秦誓也言紂惑於

詩曰赫赫宗周褒姒滅之師古曰小雅正月之詩及顛覆厥德荒沈于酒師古曰大雅抑之詩也刺王及秦所以二世而亡者養

生大奢奉終大厚方今國家無而有之社稷宗廟之大憂也京房易傳曰君不任賢厥妖天雨星

元延元年三月隕石都關山陽縣名四月丁酉日蝕時天曠晏殷

殷如雷聲有流星頭大如缶長十餘丈皎然赤白色從日東南去四面或大如孟或如鷄子燿燿如雨下至昏止郡國皆言星隕春秋星隕如雨為王者失勢諸侯起伯之異也其後王莽遂專國柄王氏之興萌於成帝時是以有星隕之變後莽遂篡國緩和元年正月辛未流星從東南入北斗長數十丈二刻所息占曰大臣有繫者其年十一月庚子定陵侯淳于長坐執左道下獄死

哀帝建平元年正月丁未隕石北地十其九月甲辰隕石虞二

梁國縣名

平帝元始二年六月隕石鉅鹿二

自惠盡平隕石凡十一皆有光耀雷聲成哀尤屢見

光武建武十年三月癸卯流星如月從太微出入北斗魁第六星色白旁有小星射者十餘枚滅則有聲如雷食頃止孟康曰流星光

去為飛也流星為貴使星大者使大星小者使小太微天子廷北斗魁主殺星後太微出抵北斗魁是天子大使將出有所伐殺古今註曰正月壬戌月犯心後星閏月庚辰十二月巳亥大流星如缶出柳西南行入軫且滅時分為十餘如遺火狀

須史有聲隱隱如雷柳為周軫為秦蜀大流星出柳入軫者是大使從周入蜀是時光武帝使大司馬吳漢發南陽卒三萬人乘船泝江而上擊蜀

十一年十一月丁丑敗公孫述兵殺述明日漢人屠蜀城誅述大將公孫晃延岑等所殺數萬人夷滅述妻宗族萬餘人以上是大將出伐殺之應也其小星射者及如遺火分為十餘皆小將相隨之象有聲如雷隱隱者兵將怒之徵也

十二年正月古今註曰丁丑月乘軒轅大星已未小星流百枚以上或西北或正北或東北二夜止古今註曰二月辛亥月入氏暈珥圍角亢房六月戊寅晨小流

正北或東北二夜止古今註曰二月辛亥月入氏暈珥圍角亢房六月戊寅晨小流



星百枚以上四面行小星者庶民之類流行者移徙之象也或西北或東北或四面行皆小民流移之徵是時西討公孫述北征盧芳匈奴助芳侵邊漢騎將軍馬武騎都尉劉納闔輿軍下曲陽臨平澤沱以備胡匈奴入河東中國未安米穀荒貴民六萬餘口置常關居庸關以東以避胡寇是小民流移之應 十月丁卯大星流有光發東井西行聲隆隆郝萌占曰流星出東井所之國水

中元二年十月戊子大流星從西南東北行聲如雷流星為使中郎將竇固揚虛侯馬武等將兵西征也

孝明永平元年四月丁酉流星大如斗起天市樓西南行光照地流星為外兵西南行為西南夷是時益州發兵擊姑復蠻夷大牟梓陵斬首詣洛陽

七年流星大如杯從織女西行光照地織女天之真女流星出之女主憂其月癸卯光烈皇后崩

孝章建初元年二月甲寅流星過紫宮中長數丈散為三滅為大人忌後四年明德皇后崩

六年七月丁酉夜有流星起軒轅大如拳歷文昌餘氣正白句西如文昌久久乃滅

孝和永元元年正月辛卯有流星起參長四丈古今註曰大如奉起參東南

有光色黃白古今註曰癸亥鎮在參又有流星大如桃色二月

流星起天棓東北行三丈所滅色青色壬申夜有流星起太微

東蕃長三丈三月古今註曰戌丙辰流星起天津古今註曰星

津東至斗黃壬戌有流星起天將軍東北行古今註曰參為邊

兵天棓為兵太微天廷天津為水天將軍為兵流星起之皆為

兵其六月漢遣車騎將軍竇憲執金吾耿秉與度遼將軍鄧鴻

家章

出朔方並進兵臨私渠北鞬海斬虜首萬餘級獲生口牛馬羊  
百萬頭日逐王等八十一部降凡三十餘萬人追單于至西海  
是歲七月又雨水漂人民是其應也

二年二月丁酉有流星大如桃起紫宮東蕃西北行五丈稍滅

古今註曰三月甲子火在亢南四月丙辰有流星大如瓜起文

昌東北西南行至少微西滅有頃音如雷聲已而金在軒轅大

星東北二尺所古今註曰丁丑火八月丁未有流星如雞子起

太微西東南行四丈所消十月癸未有流星大如桃起天津西

行六丈所消十一月辛酉有流星大如拳起紫宮西行到胃消

三年九月丁卯有流星大如雞子起紫宮西南至北斗柄間消

星紫宮占曰有流星出紫宮天子使也色赤言兵色白言義  
色黃言蟲色青言憂色黑言水出皆以所之野命東西南紫

宮天子宮文昌少微為貴臣天津為水北斗主殺流星起歷紫

宮文昌少微天津文昌為天子使出有兵誅也實憲為大將軍

與其第篤景女弟婿郭舉等坐謀不軌伏誅

六年六月己丑流星大如桃起參北西至參肩南稍有光

七年正月丁未流星起天津入紫宮中滅色青黃有光

八年九月辛丑夜有流星大如拳起婁

十一年五月丙午流星大如瓜起氏西南行稍有光白色古今

六月庚辰占曰流星白為有使客大為大使小亦小使疾期疾

遲亦遲大如瓜為近小行稍有光為遲也又正王日邊方有受

王命者也明年二月蜀郡旄牛徼外夷白狼樓薄種王唐繒等

率種人口十七萬歸義內屬賜金印紫綬錢帛

十四年十一月丁丑有流星大如拳起北斗魁中北至閭道稍

有光色赤黃滙更西北有雷聲

十六年十月辛亥流星起鉤陳北行三丈有光色黃

元興元年二月庚辰有流星起角亢五丈所四月辛亥有流星

起斗東北行到須女七月巳巳有流星起天市五丈所光色赤  
亞咸曰辰星守辰多水災海中占曰天  
閏月辛亥水金俱在辰下大旱所在不收荆州星占太白守辰  
國君流星起斗東北行至須女須女燕地天市為外軍水金會  
大哭流星起斗東北行至須女須女燕地天市為外軍水金會  
為兵誅其年遼東貊人反鈔六縣發上谷漁陽右北平遼西烏  
桓討之

殤帝延平元年九月隕石陳留四傳曰隕星也董仲舒以為從  
高反下之象或以為庶人惟星隕民困之象也

順帝永和三年二月辛丑有流星大如斗從西北東行長八九  
尺色黃亦有聲隆隆如雷

桓帝延熹七年二月癸亥隕石右扶風一鄂又隕石二皆有聲  
如雷

靈帝光和元年四月癸丑流星犯軒轅第二星東北行入北斗  
魁中流星為貴使軒轅為內宮北斗主殺是天子大使將出有

伐殺也至中平元年黃巾賊起上遣中郎將皇甫嵩等征之斬  
首十餘萬級

中平中夏流星赤如火長三丈起河鼓入天市抵觸宦者星色  
白長三丈後尾再屈食頃乃滅狀似枉矢占曰枉矢流發其宮  
射所謂矢當直而枉者操矢者邪枉人也

六年大將軍何進謀盡誅中官中官覺於省中殺進俱兩破滅  
天下遂大壞亂

蜀後主建興十三年諸葛亮率大衆伐魏屯于渭南有長星赤  
而芒角自東北西南流投亮營三投再還往大還小占曰兩軍  
相當有大流星來走軍上反墜軍中者皆破敗之徵也九月亮  
卒于軍焚營而退群帥交怨多誅殘

魏明帝景初二年宣帝圍公孫文懿於襄平八月景寅夜有大  
流星長數十丈白色有芒鬣從首山東北流墜襄平城東南占

曰圍城而有流星來走城上及墜城中者破又曰星墜當其下有戰場又曰凡星所墜國易姓九月文懿突圍走至星墜所被斬屠城坑甚衆

元帝景元四年六月有大流星二並如斗見西方分流南北光炤地隆隆有聲按占流星爲貴使星大者使大是年鍾鄧剋蜀二星蓋二帥之象二帥相背又分流南北之應鍾會旣叛三軍憤怒隆隆有聲兵將怒之徵也

晉武帝泰始四年七月星墜如雨皆西流占曰星墜爲百姓叛西流吳人歸晉之象也二年吳夏口督孫秀率部曲二千餘人來降

大康九年八月壬子星墜如雨劉向傳言下去其上之象後三年帝崩而惠帝立天下自此亂矣

惠帝太安二年十一月辛巳有星晝墜中天北下光變白有聲

如雷按占曰營首營首所在下有兵流血明年劉石攻畧并州多所殘滅王浚起燕代引鮮卑攻掠鄴中百姓塗地有聲如雷怒之象也

永興元年七月乙丑星墜有聲

二年十月星又墜有聲占同上是後遂亡中夏

懷帝永嘉元年九月辛卯有星大如日自西南流于東北小者如斗相隨天盡赤聲如雷占曰流星爲貴使星大者使大是年五月汲桑殺東燕王騰遂據河北十一月始遣和郁爲征北將軍鎮鄴西田甄等大破汲桑斬于樂陵於是以甄爲汲郡太守弟蘭鉅鹿太守小星相隨者小將副帥之象也司馬越忿魏郡以東平原以南皆黨於桑以賞甄等於是侵掠桑地有聲如雷忿怒之象也十二月丁亥星流震散按劉向說天官列宿在位之象其衆小星無名者衆庶之類此百官衆將流散之象也是

後天下大亂百官萬姓流移轉死矣

四年十月庚子火星西北墜有聲尋而帝蒙塵于平陽

元帝永昌元年七月甲午有流星大如彗長百餘丈青赤色從西方來尾分爲百餘岐或散特王敦亂百姓流亡之應也

成帝咸康三年六月辛未流星大如二斗魁色青赤光耀地出奎中沒婁北按占爲饑五穀不藏是月大旱饑

六年二月庚午朔有流星大如缶光耀地出天市西北入太微占曰大人當之八年六月成帝崩

穆帝永和八年六月辛巳日未入有流星大如三斗魁從辰巳上東南行晷度推之在箕斗之間蓋燕分也按占爲營首營首之下流血滂沱是時慕容儁僭稱大燕攻伐無已

十年四月癸未流星大如斗色赤黃出織女沒造父有聲如雷占曰燕齊有兵百姓流亡其年十二月慕容儁遂據臨漳盡有

幽并青冀之地緣河諸將奔敗河津備絕慕容恪攻齊

海西公太和四年十月壬申有大流星西下有聲如雷明年遣使免袁真爲庶人桓溫征壽春真病死息瑾代立求救於符堅溫破符堅軍六月壽春城陷

孝武太元六年十月乙卯有彗星東南經翼軫聲如雷占曰楚地有兵軍破百姓流亡十二月符堅荊州刺史梁成襄陽太守閻震率衆伐竟陵桓石虔擊大破之生擒震斬首七十獲生口萬人聲如雷將帥怒之象也

十三年閏月戊辰天狗東北下有聲占曰有大戰流血自是後慕容垂翟遼姚萇符登慕容永並阻兵爭疆十四年正月彭城妖賊又稱僞號於皇丘劉牢之破滅之三月張道破合鄉泰山向欽之擊走之

安帝隆安五年三月甲寅流星赤色衆多西行經牽牛虛危天

津閭道貫太微紫宮占曰星庶人類衆多西行衆將西流之象  
經天子庭主弱臣疆諸侯兵不制其年五月孫恩侵吳郡殺內  
史六月至京口於是內外戒嚴營陣屯守劉裕追破之元興元  
年七月大饑人相食浙江以東流亡十六七吳郡吳興戶口減  
半又流奔而西者萬計十月桓玄遣將擊劉軌破走之軌奔青  
州

石勒末年星隕于鄴東北六十里初赤黑黃雲如幕長數十  
丈交錯如雷震聲墜地氣熱如火塵起連天時有畊者往視  
之土猶然沸見一石方尺餘青色而輕擊之聲如磬未幾石  
勒死虎殺其子而自立

宋文帝元嘉十年十二月有流星大如甕尾長二十餘丈

梁武帝天監十年九月丙申天西北隆隆有聲赤氣下至地占  
曰天狗也所徃之鄉有流血其君失地其年十二月馬仙壇大

破魏軍斬馘十餘萬克復岫山

中大通四年七月甲辰星隕如雨占曰星隕陰失其位災害之  
象萌也星隕如雨人民叛下有專討大人憂其後侯景狡亂以  
憂崩人衆奔散皆有應也

太清三年有流星長三十丈墮武庫

元帝承聖元年十二月星隕吳郡

三年十一月周人圍江陵有流星墜城中

陳文帝天嘉六年三月丁卯日入後衆星未見有流星白色大  
如斗從太微間南行尾長尺餘占曰有兵與喪明年帝崩少帝  
廢

後魏道武帝登國四年三月丁未有大流星東南行尾屬地六  
七丈有聲

九年有星墜於河北聲如雷震光明燭天地

文成帝興安元年五月辛亥流星大如五斗許西南爲六七段有聲

獻文帝大安元年十一月乙酉有流星照地啾啾有聲

孝靜帝武定四年九月丁未高祖圍玉壁城有星墜於營衆驢皆鳴占曰破軍殺將高祖不豫次年崩

周武帝天和三年二月庚午有流星大如斗出在攝提流至天津滅有聲如雷

建德六年十二月癸丑流星大如月西流有聲蛇行屈曲光焰地占曰兵大起下有戰場戊辰平旦有流星大如三斗器色赤出紫宮疑著天乃北下占曰人主去其宮殿是月營州刺史高寶寧反其明年帝總戎北伐後年帝崩

宣帝大成元年六月丁卯有流星大如雞子出氏中西北流有尾迹長一丈所入月中卽滅占曰不出三年入主憂又曰有亡

國靜帝幽閉之應已丑有流星一大如斗色青有光明照地出營室抵壁入濁

三年四月乙丑有星大如斗出天厨流入紫宮抵鈞陳乃滅占曰有大喪兵大起將軍戮又曰臣犯上主有憂其五月帝崩隋公執國政大喪臣犯主之應趙王越王以謀執政被誅又荆豫襄三州諸蠻反尉廻王謙司馬消難各舉兵畔不從執政終以敗亡皆大兵起將軍戮之應也 五月甲辰有流星一大如三斗器出太微端門流入翼色青有光明焰地聲若風吹幡旗占曰有立王若徙王又曰國失君其月巳酉帝崩劉昉矯制以隋公受遺詔輔政終受天命立王徙王失君之應也 七月壬子歲星太白合於張有流星大如斗出五車東北流光明燭地隋文帝開皇元年十一月巳巳有流星聲如墮墻光燭地占曰流星有光有聲名曰天保所墜國有喜其九年平陳天下一統

五年八月戊申有流星數百四散而下占曰小星四面流行者  
庶人流移之象其九年平陳江南士人悉播遷京師十九年十  
二月乙未星實於勃海占曰王失其位災害之萌也又曰大人  
憂

煬帝大業十一年十二月戊寅大流星如斛墜賊盧明月營破  
其衝朝壓殺十餘人占曰奔星所墜破軍殺將其年王充擊盧  
明月城破之

十二年五月癸巳大流星墜于吳郡為石占曰有亡國有死王  
有大戰破軍殺將其後大軍破逆賊劉元進于吳郡八月壬子  
有大流星如斗出王良閣道聲如墮墻癸丑大流星如甕出羽  
林

十三年五月辛亥大流星如甕墜於江都占曰其下有大兵戰  
流血破軍殺將明年帝遇弒

唐高祖武德三年十月己未有星墜於東都隱隱有聲

太宗貞觀二年天狗墜于夏州城中

十四年八月有星墜于高昌城中

十六年六月甲辰西方有流星如月西南行三丈乃滅占曰星  
甚大者為人主

十八年五月流星出東壁有聲如雷占曰聲雷者怒象

十九年四月己酉有流星向北斗杓而滅

永徽二年十月有流星貫北極

四年十月十日睦洲女子陳石直反婺州刺史崔義玄討之有  
星墜于賊營

乾封元年正月癸酉有星出太微東流有聲如雷

咸亨元年十一月西方有流星聲如雷

調露元年十一月戊寅流星入北斗魁中乙巳流星燭地有光



使星也

神龍三年三月丙辰有流星聲如頽墻光燭天地

景龍二年二月癸未有大星墮于西南聲如雷野雉皆雊

景雲元年八月己未有流星出五車至上台滅 九月甲申有

流星出中台至相滅

太極元年正月辛卯有流星出太微至相滅

延和元年六月幽州都督孫佺討奚契丹出師之夕有大星墮

於營中

開元二年五月乙卯晦有星西北流或如甕或如斗貫北極小

者不可勝數天星盡搖至曙乃止占曰星民象流者失其所也

漢書曰星搖者民勞

十二年十月壬辰流星大如桃色赤黃有光燭地占曰色赤爲

將軍使

天寶三載閏二月辛亥有星如月墜于東南墜後有聲

至德二載賊將武令珣圍南陽四月甲辰夜中有大星赤黃色

長數十丈光燭地墜賊營中 十一月壬戌有流星大如斗東

北流長數丈蛇行屈曲有碎光迸出占曰是謂枉矢

廣德二年六月丁卯有妖星墮于汾州 十二月丙寅自乙夜

至曙星流如雨

大曆二年九月乙丑晝有星如一斗器色黃有尾長六丈餘出

南方没于東北東北于中國則幽州分也

三年九月乙亥有星大如十北流有光燭地占爲貴使

六年九月甲辰有星西流大如一斗器光燭地有尾迸光如珠

長五丈出婺女入天市南垣滅

八年六月戊辰有流星大如一升器有尾長三丈餘入太微十

二月壬申有流星大如一升器有尾長二丈餘出紫微入濁

十年三月戊戌有流星出于西方如二升器有尾長二丈入濁

十二年二月辛亥有流星如桃尾長十丈出匏瓜入太微

建中四年八月庚申有星隕于京師

興元元年六月戊午星或什或伍而隕

貞元三年閏五月戊寅枉矢墜于震危

十四年閏五月辛亥有星墜于東北光燭如晝聲如雷

元和二年十二月己巳西北有流星亘天尾散如珠占曰有貴

使  
四年八月丁丑西北有大星東南流聲如雷鼓

六年三月戊戌日晡天陰寒有流星大如一斛器墜于交鄆間

聲震數百里野雉皆雊所墜之上有赤氣如立蛇長丈餘至夕

乃滅時占者以為日在戌魯分也不及十年其野主殺而地分

九年正月有大星如半席自下而升有光燭地群小星隨之四

月辛巳有大流星尾迹長五丈餘光燭地至右攝提西滅

十二年九月己亥甲夜有流星起中天首如甕尾如二百斛船

長十餘丈聲如群鴨飛明若火炬過月下西流須臾有聲襲襲

墜地有大聲如壞屋者三在陳蔡間

十四年五月己亥有大流星出北斗魁長二丈餘南抵軒轅而

滅占曰有赦赦視星之大小

十五年七月癸亥有大星出鉤陳南流至婁滅

長慶元年正月丙辰有大星出狼星比色赤有尾迹長三丈餘

光燭地東北流至七星南滅四月有大星墜于吳聲如飛羽七

月乙巳有大流星出參西北色黃有尾迹長六七丈光燭地至

羽林滅八月辛巳東北方有大星自雲中出色白光燭地前鏡

後大長二丈餘西北流入雲中滅

二年四月辛亥有流星出天市光燭地隱隱有聲至郎位滅市

者小人所聚郎在天建中主宿衛六月丁酉有小星隕于房心

間閏十一月丙申有流星大如斗抵中台上星

三年八月丁酉夜有大流星如數斗器起西北經奎婁東南流去月甚近迸光散落墜地有聲

四年四月紫微中星隕者衆七月乙卯有大流星出天船犯斗魁樞星而滅占曰有舟楫事丙子有大流星出天將軍東北入

濁

寶曆元年正月乙卯有流星出北斗樞星光燭地入濁占曰有

赦

二年五月癸巳西北有流星長三丈餘光燭地入天市中滅占爲有誅七月丙戌日初入東南有流星向南滅以畧度推之在箕斗間八月丙申有大流星出王良長四丈餘至北斗杓滅王良奉車御官也

大和四年六月辛未自昏至戊夜流星或大或小觀者不能數

占曰民失其所王者失道綱紀廢則然又曰星在野象物在朝象官

七年六月戊子自昏及曙四方流星大小縱橫百餘

八年六月辛巳夜中有流星出河鼓赤色有尾迹光燭地迸如散珠北行近天棊滅有聲如雷河鼓爲將軍天棊者帝之武備九年六月丁酉自昏至丁夜流星二十餘縱橫出沒多近天漢開成二年九月丁酉有星大如斗長五丈自室壁西北流入大角下没行類枉矢中天有聲小星數百隨之十一月丁丑有大星隕于興元府署寢室之上光燭庭宇

三年五月乙丑有大星出于柳張尾長五丈餘再出再没

四年二月巳亥丁夜至戊夜四方中天星流大小凡二百餘並西流有尾迹長二丈至五丈八月辛未流星出羽林有尾迹長

八丈餘有聲如雷羽林天軍也十二月壬申蚩尤旗見

會昌元年六月戊辰自昏至夜小星數十縱橫流散占曰小

星民象七月庚午北方有星光燭地東北流經王良有聲如雷

十一月壬寅有大星東北流光燭地有聲如雷

四年八月丙午有大星如炬火光燭天地自奎婁掃北方七宿而隕

六年二月辛丑夜中有流星赤色如桃光燭地有尾迹貫紫微入濁

咸通六年七月乙酉甲夜有大流星長數丈光燦如電群小星隨之自南徂北其象南方有以衆叛而之北也

九年十一月丁酉有星出如匹練亘空化為雲而沒在楚分是謂長庚見則兵起

十三年春有二星從天際而上相從至中天狀如旌旗乃隕九

月蚩尤旗見

乾符二年冬有二星一赤一白大如斗相隨東南流燭地如月漸大光芒猛烈

三年晝有星如炬火大如五升器出東北徐行隕于西北

四年七月有大流星如盂自虛危歷天市入羽林滅占為外兵

中和元年有異星出于輿鬼占者以為惡星八月己丑夜星隕

如雨或如杯如椀者交流如織庚寅夜亦如之至丁酉止

三年十一月夜星隕于西北如雨

光啓二年九月有大星隕于揚州府署延和閣前聲如雷炎光

燭地十月壬戌有星出于西方色白長一丈五尺屈曲而隕占

曰長庚也下則流血

三年五月秦宗權擁兵于汴州北郊晝有大星隕于其營聲如

雷是謂營頭其下破軍殺將

乾寧元年夏有彗隕于越州後有光長丈餘狀如蛇或曰枉矢也

三年六月天暴雨雷電有星大如椀起西南墜于東北色如鶴練聲如群鴨飛占為姦謀

光化元年九月丙子有大星墜于北方

三年三月丙午有星如二十斛船色黃前銳後太西南行十一月中天有大星自東緩流如帶屈曲光疑著英食頃乃滅是謂枉矢

天復三年二月帝至自鳳翔其明日有大星如月自東濁際西流有聲如雷尾迹橫貫中天三夕乃滅

天祐元年五月戊寅乙夜雨晦暝有星長二十丈出東方西南向首黑尾赤中白枉矢也一曰長星

二年三月乙丑夜中有大星出中天如五斗器流至西則去十

丈許而止上有日  
炎如火赤而黃長丈五許而蛇行小星皆少頃沒後有蒼白氣如竹叢上衝天中色

曹曹占曰亦枉矢

梁太祖乾化元年十一月甲辰夜東方有流星如數升器出畢宿口曳光三丈餘有聲如雷

後唐莊宗同光三年六月甲申衆星交流丙戌衆星交流六月庚寅夜一鼓西南有流星約七十餘皆有尾迹西南流其年七月皇太后崩辛卯衆小星流于西南九月丁未天狗墮有聲如

雷野雉皆雊

明宗天成元年六月乙未衆小星交流

二年三月庚申衆小星流于西北

三年自正月至于六月宗人宗正搖不止

長興元年九月辛酉衆小星交流而隕丙戌夜二鼓初東北方

有小流星入北斗魁滅至五鼓初西北方次北有流星狀如半升器初小後大速流入奎滅尾迹凝天屈曲似雲而散光明燭地又東北有流星如大桃出下台星向西北速流至斗柄第三星旁滅五鼓後至明中天及四方有小流星百餘流注交橫六月庚午衆星交流七月乙亥朔衆星交流

閔帝應順元年二月丁酉衆星流于西北

末帝清泰元年九月辛丑夜五鼓初有大星如五斗器西南流尾迹長數丈色赤移時盤屈如龍形蹙縮如二鐸相闐而散又一星稍小東流有尾迹疑成白氣食頃方散

晉高祖天福三年三月壬申夜四鼓後東方有大流星狀如三升器其色白尾迹長二尺餘屈曲流出河鼓星東三尺東流丈餘滅

周世宗顯德元年正月庚寅有大星墜有聲如雷牛馬皆逸京

城以爲曉鼓皆伐鼓應之

三年正月癸亥五鼓後有大星出南斗東北流丈餘滅

宋太祖太宗真宗三朝流星

建隆元年正月戊午有星出東北方如半升器青赤色北行初小後大尾迹斷續光燭地九月癸亥有星出昴大如缶十二月戊辰有星如半升器青赤色出參旗西南慢行而沒蒼光燭地三年五月乙丑天狗墮西南占曰其地有兵後王師討西蜀孟昶既降草寇連年方定

四年二月丙午有星如桃色赤如弧矢東南沒有光明

乾德二年二月乙丑有星如三升器黃白色出太微五帝南速行至外厨沒其體散落光燭地

三年六月丁巳有星如桃色黃赤出北斗魁經太微垣北過角西漸大行五尺餘沒尾迹凝天有光明十二月丁巳有星出天

河青白色南行至天倉没初小後大如半升器光燭地  
四年正月乙未星出社星青白色速行尾迹三丈餘初小後  
大没有光明四月甲寅有星出天乳青赤色如升器東南行貫  
房没光燭地閏八月己丑有星出天船如升器青白色西北速  
行没於文昌

五年七月戊子有星出大角如升器青白色北行没明燭地  
六年六月己卯有星出河鼓如升器慢行明燭地

開寶三年九月庚午廣州民見衆星皆北流知星者言劉氏當  
舉國以歸中原明年廣南平

四年八月辛卯有星出織女西北行尾迹三丈餘没久有聲  
五年八月乙巳有星出王良西北行四丈有聲而散占云有聲

怒也主使出  
七年九月甲午有星出室西北行星體散落有聲明燭地

太平興國二年三月丙午有大星出天棓光燭地

三年十月甲寅有星出天船赤黃色如二升器至天棓星體散  
落明燭地七月辛巳有星如稱權没于婁八月壬寅有星出紫

微鈎陳東如益大赤黃色向北速行近北極没占曰外國有使  
至是冬三佛齊吐蕃山後兩林蠻來貢

雍熙元年十月丁酉有星出昂赤色東南蛇行二丈餘没占曰  
外國使又為姦邪之象

二年正月壬戌有星出東其大倍於金星至輿鬼没占云四夷  
來貢是歲占城印部川蠻西南蕃來貢

四年六月庚戌酉初有星出西北色青白入濁當戌地有聲如  
雷占曰戌地兵饑流血是後李繼遷擾西鄙八月乙亥有星出

天關東色赤黃尾貫月  
端拱元年四月辛亥時有星出天津大如醯赤黃色蛇行有

聲明燭地犯天津東北星占云杜矢見逆臣誅其年陳廷山謀反礮於市閏五月辛亥丑時有星出奎如半月北行而没占云有溝瀆事乙卯有星出紫微鉤陳西大如醜色青尾迹短赤光照地北行而没九月癸丑有星出西南如太白有尾迹至中天旁出一小星行丈餘又出一小星相隨至五車没占主兵戰賊敗

二年四月辛亥戌時有星出東南如升器色白墜于氏房間占云宰相出明年春趙晉留守西京壬申有星出漸臺大如盆色赤東南急行掩左旗過河鼓没

淳化元年九月辛巳有星出羽林色青南行光奪月占曰禁兵出十一月壬午流星出天關如半月南行歷東井即位攝提至大角東北墜於地光芒四照聲如墮墻占曰秦燕分兵疫水旱三年正月丙申有星出水府西大如杯色赤黃經參其分爲三

星相從至天苑東没光燭地七月癸酉有星出雲雨側大如杯色青白緩行三尺餘没占云爲大風發屋折木

三年三月巳酉未時西北方有星西北速行大如杯色青白有尾迹占云有陰謀將不和刑傷兵疫之象屬燕分四月巳卯有星出文昌西南速行至柳分爲二星而没六月巳丑有星出天市垣屠肆東色青白西北慢行丈餘分爲三星從而没

四年五月乙未平明有星東南出南斗大如杯色青白西北行而没云衆星没流星出者爲警動衆庶之象色青白主兵急流事速

五年八月巳酉常星未見有星出東方色青白東北慢行入濁没約出奎婁間占爲兵衆之象九月庚午有星出昴北大如杯緩行過卷舌至礪石没占云星大事大緩行事緩爲候兵討賊殺將之象



至道元年四月乙巳常星未見有星出心北大如杯色青赤急行而墜占云兵象七月癸丑有星出危大如杯色青白入羽林沒占云爲兵大起將軍出

二年五月辛丑有星出紫微北尾迹丈餘彗而有聲墜于室壁間占云所墜之地破軍殺將今墜北方主北蕃君長災五月己未日未及地五尺間有星出中天大如杯色赤黃有尾迹東北速行二丈餘沒占云動衆之象荆楚有兵疫六月己卯有星出牽牛西歷狗國光芒丈餘墜東南及地無聲又有星出翼貫天廟墜于穆星東光燭地占云胡戎狂亂又云兵起命將宜告廟九月丁酉平明有星出北方大如杯東行三丈餘分爲三星從而沒占云皇王欲發使慰四方

之許

咸平五年二月丙午有星晝出心至南斗沒赤光丈餘八月辛巳有星出營室大如杯色白有光九月丙申有星出東方西南行大如斗有聲若牛乳小星數十隨之而墜戊戌又有星手數入輿鬼至中台凡一大星偕小星數十隨之其間兩星如升器大至狼星一至南斗沒占曰燕朔民流徙又曰有兵不戰踰年契丹擾河朔請盟而去壬子有星出中天如缶尾迹數道如迸火西流至狼弧沒

六年五月乙未有星出王良西又出北極稍東北至垣外沒有聲如雷占曰遠邦有歸伏者其年高麗三佛齊大食蒲端國並朝貢七月壬辰有星出昴尾迹丈餘色白隱隱有聲至狼沒占曰有赦明年改元大赦二月乙酉威虜軍有星大如斗歷城西北尾迹長數里光炤地落蕃帳有聲如雷者三占曰有敗兵流血殺將伏尸明年春李繼遷劫西涼府爲潘羅友所敗中流矢

死

景德元年十月戊申天雄軍有星出北方大如斗墮于西北赤光丈餘

二年正月丙子日未沒有星速流西南大如杯占曰外國大使至是冬契丹使來四月癸卯有星北流入天市如升器尾迹丈餘十一月壬子有星出胃南聲如雷光燭地

三年五月乙卯有星出天津東北至紫微垣北分爲四星隨而沒赤黃有尾迹丁酉有星出胃北入天困逆爲數星光燭地七月庚申有星出虛旁有短彗聲如雷至東北沒赤光照地占曰秦楚有暴兵明年宜賊叛荆楚發兵十一月辛丑有星出中台東北速流有聲光燭地

四年六月丙辰有星出北方慢流至八穀逆爲數星沒光燭地七月辛卯有星出敗瓜南大如杯慢流歷河鼓入天市至宗人

東北逆爲一星沒色赤黃有尾迹十二月癸巳有星出弧矢赤黃色尾迹丈餘光燭地速流入濁占曰燕趙饑

大中祥符元年二月戊申有星十餘急流入濁色赤黃有尾迹五月辛未星如太白出天市垣宗人東南尾迹丈餘闊三寸向北慢流至女牀西分爲數星沒九月乙丑有星出天倉急流東南星體散落

二年三月己未有星如升器出天津南至離珠沒尾迹五尺餘照地明占曰后宮憂四月丙申有星出八穀如升器有尾迹速流西至五車東逆爲數星而沒八月丙申有星北斗杓西南急行至郎將西分爲數段占曰燕分饑

三年三月丁未有星出天市宗人東比如升器尾迹二丈至旗逆爲數星沒光燭地五月丁亥有星出北斗魁如桃色青白尾迹二丈餘乙丑有星出傳舍如桃色赤黃至紫微沒壬申有星

出建星如升器入南斗没赤黃有尾迹七月庚辰有星出宗人  
西如升器北流入濁光燭地八月丁未有星出貫索如升器至  
帝席没尾迹光明九月庚辰有星出軒轅如半升器入太微垣  
没十月甲戌有星出東方赤黃無尾迹分爲數星稍南没  
四年二月辛亥有星出東方尾迹赤黃二丈餘占爲天保星所  
見吉四月乙丑有星出柳如升器色赤黃至翼没六月壬戌有  
星出紫微宮如升器速流至天皇没十月戊午有星出東北如升  
器流入濁又星出七星南大如杯至天稷没尾迹丈餘  
五年二月戊申有星出貫索經庫樓迸爲數星没八月戊午有  
星大小二十餘皆有尾迹北流又一星如升器光燭地出紫微  
垣外尾丈餘闊三寸許東北流至傳舍没占有大慶大赦是冬  
聖祖降赦常所不原者

六年十一月丁巳有星出太微即位東大如杯色赤黃有尾迹  
至軫北迸爲數星没占曰大臣憂

七年三月丙戌有星出南河大如杯至玉井没占曰秦齊饑四  
月辛酉有星出鈞陳大如杯尾迹赤黃占曰發大使宣急令是  
歲遣巡撫江淮兩浙

八年二月丁卯有星出郎將北迸爲三星四月癸丑有星出亢  
西至右攝提迸爲數星隨而没五月乙酉有星大如杯青白色  
出人星至騰蛇没光燭地八月己亥有星出參大如杯南流入  
濁

天禧元年四月己巳有星出軫大如杯至器府北没光燭地十  
二月癸巳有星出東北大如杯尾迹赤黃急流西南没  
二年八月乙卯有星二大如杯尾迹赤黃一出五車一出狼北  
入濁九月戊子有星如二升器出西南河色赤黃至柳没

三年六月乙巳有星出昂大如杯急流至天倉沒十二月壬寅有星出軒轅大如杯尾迹黃慢流至太微垣久之有聲如雷占曰女主之慶  
四年正月丁巳有星出王良大如杯明照地至騰蛇沒占曰有大水其年秋京師大雨河渠壅溢壞廬舍  
五年四月巳未有星出南方如二升器北流入濁尾迹三丈餘十月乙巳有星出天津西大如杯

文獻通考卷之二百九十一

文獻通考卷之二百九十二

宋鄱陽 馬端臨 貴與 著  
明蘄陽 馮天馭 應房 校刊

象緯考

仁宗英宗兩朝流星  
乾興元年五月壬午星出危大如杯赤黃色有尾迹速行而東炸如迸火隨至羽林軍南沒明燭地占曰北夷兵動九月巳丑星出天市垣旁緩行經天過天市垣至營室沒占曰大臣出使土功起十月丁酉星出右旗如太白西南速行至天弁沒明燭地占曰兵動將軍勝  
天聖元年閏九月甲辰常星未見星出營室至外屏沒占曰主屋室修營事  
四年五月辛巳星出天市垣市樓側東北流入濁占曰有街肆之事

五年九月丁未星出北辰没于天珠側占曰宮中不安宜審察之

六年四月甲申夜漏欲盡有星大如斗器自北方至於西南光

焰地有聲如雷曳尾跡長數丈久之散為蒼白雲

八年二月丁酉星出軒轅大星側如杯速行至器府没占曰憂

火災

十年三月癸巳星出中台貫北河入東井没炸烈有聲明燭地

食頃又有星出天市垣宗人側東流入濁八月癸亥星出天船

近鈎陳没明燭地乙丑星出胃大如杯有尾迹西北緩行進為

六七小星相隨于大陵明燭地九月丙子星出婁没於雲雨側

尾跡久方散食頃又有星出天大將軍近奎没尾迹久方散明

燭地續又星出北辰西北速行至內階没又有星出天苑没于

天園明燭地

景祐元年八月己卯星出東井行至厠星没尾迹久方散明燭

地占曰井秦地主有水災没于厠為兵象九月己丑星出東井

如太白赤黃色有尾迹向東速行至柳没光照地占曰使出有

火令其夜星出婁至奎没明燭地占曰有溝瀆之事

二年八月庚申星出大陵如太白赤黃色東南緩行没于昂尾

迹久方散明燭地占曰四夷有兵

四年六月壬申星出王良如太白青白色有尾迹東南速行至

婁没明燭地占曰兵出及倉庫官有憂七月戊申有星數百皆

西南流其最大者一星至東壁没光燭地久之不散占曰衆庶

流移之象

五年四月壬申有星出中台如太白青白色有尾迹向北速行

入濁明燭地占曰將相憂又星出大江如太白有尾迹西南速

行至房没占曰有大水

寶元二年三月癸丑星出右旗赤黃有尾迹向南速行没于建  
星明燭地占曰兵爲亂下有謀

康定元年三月癸丑星出北斗北行入濁明燭地占曰使出北  
方

二年九月巳酉有星出奎如太白赤黃有尾迹西行没于東壁  
明燭地占曰天下文章之士用

慶曆二年三月庚戌星出鈎陳側如太白赤黃有尾迹西北緩  
行至天棒没明燭地占曰天棒至忿爭刑罰藏兵禦難備非常  
也今流星入之主爭地七月乙丑星出西北方大如釃西北行  
丈餘没色赤黃有尾跡明燭地十二月庚申有星出弧矢南行  
入濁赤黃有尾迹明燭地占曰秦分兵動及土功事起

五年六月星出奎如太白西行至天倉没有尾迹明燭地占曰  
有瀆事及兵起壬戌星出營室如太白赤黃色東南速行過危

及虛有尾迹明燭地占曰北狄交兵齊分民有災

六年六月丁巳星出營室大如杯光燭地有聲北行至王良没  
占曰兵出

七年六月巳巳星出天田赤黃色有尾跡西南緩行至折威没  
占曰邊將憂九月星出天苑如太白南行至天園没有尾迹明  
燭地占曰牛馬禽獸多死

八年六月巳卯星出北斗至即位没有尾跡明燭地占曰兵出  
八月乙亥星出東壁赤黃色東北速行至濁没占曰天下文章  
之士用

皇祐元年六月巳巳星出匏瓜赤黃有尾跡向南速行至建星  
没占曰吳分有謀

二年四月癸未星出氐赤黃色東南速行至心没有尾跡明燭  
地占曰内使出外使來德令宣布國人有喜

四年九月星出紫宮北辰側赤黃色西南速行至貫索沒尾跡  
疑天明燭地占曰有赦宥

五年九月乙亥星出參如太白西北速行至昴沒有尾跡明燭  
地占曰兵出以禦胡寇

至和元年七月壬戌星出王良色赤黃向北速行至天船沒有  
尾跡明燭地占曰兵涉津梁

三年九月壬午星出東井如太白赤黃色向北速行至文昌沒  
占曰秦晉分有水將兵者還

嘉祐二年七月丁丑星出王良如太白赤黃色西南緩行至亢  
沒有尾跡明燭地占曰中官有咎

三年七月乙酉星出北河如太白赤黃色東南緩行散為數道  
至狼沒尾跡疑天占曰北河胡漢之界狼為盜賊侵掠宜警邊  
河備兵革

四年五月癸丑星出營室大如杯赤黃色西南速行至羽林軍  
沒炸烈有聲占曰軍行炸而有聲者戍兵不安六月辛未星出  
胃沒于鈞陳又有星出天船至王良沒占曰倉廩官災津梁有  
阻策馬者憂九月己亥星出紫宮鈞陳側大如盃東北速行曳  
尾長五尺初直後曲流至北辰東沒沒後尾跡疑結如盤食頃  
散占曰流星大者事大曲行者姦事也色赤兵象北行其事在  
北方今形體異于常而小星十數南北分流眾庶流行之象宜  
審察姦謀以備未萌

五年正月辛卯星出畢大如盃赤黃色速行至天倉沒明燭地  
尾迹炸烈而散有聲如雷占曰流星大者事大有聲如雷怒之  
象出於畢主邊事兵爭不利入天倉粟以兵出八月庚申星出  
東壁東行入濁占曰文學之士有憂

六年八月丁未星出狼大如杯至天社沒明燭地尾迹疑天良

久散占曰國多盜賊風雨不時

七年十月庚寅星出南河至天社沒明燭地占曰邊兵不安風雨失序

八年七月乙丑星數百縱橫西流占曰流星無名衆庶之象皆西流民勞役

治平元年二月星出紫宮鈞陳側西北入濁沒明燭地尾迹炸烈有聲占曰后妃有憂

二年八月乙未星出河鼓大如醜色赤黃速行至天市垣內宗星沒占曰有兵

三年四月癸巳星出房至濁沒明燭地尾迹炸而散占曰卿相有逐者

四年正月壬子星出亢西如太白東南急行至氐東沒赤黃有尾迹主國有使清獄領恩流於氐主上卿憂四月巳酉星出房

東如孟口西南慢行至亢沒赤黃有尾迹明燭地聲如擺旗王有使出恤民或外國有使來八月星出柳東如太白東急行入濁赤黃有尾迹主宗廟有喜賢臣任用十一月星出五車東如杯口西南急流至昴北沒赤黃照地明主天子遣使恤民五谷成亦主西夷交兵

神宗熙寧元年二月壬戌星出角東大如太白急行至翼沒赤黃有尾迹主天子發使外國四夷受賜六月庚申星透雲出天棊西如太白北急行至天市垣西墻沒赤黃有尾迹主藏兵以備難非常八月癸亥星出壘壁障如太白緩行至狗國沒赤黃照地

二年二月星出平星南急行入濁沒狀如前主有執法正紀綱使出四月辛酉星出閣道如太白東南速行至東壁沒青白有尾迹主文章士用天子好道賢臣在位遠國來賓七月丁卯星



出危南西南急行至壘壁陣沒狀如前主天下安五穀熟土功興十月巳卯星透雲出大陵比如太白西南急行至東壁如前星而沒青白有尾主用故臣亦主文章士為用遠國來賓

三年二月巳丑星出太微垣西上將南如孟西急行入濁沒狀如前明燭地主大臣於楚分有外事六月壬申星出紫微垣西垣墻北東北慢流至濁沒狀如前主天子之使言兵事十二月星出外屏西南速行入濁沒狀如前主人多不安

四年三月星出天市垣內斗星西北逆行至貫索西沒狀如前主倉庫盈溢五穀豐六月星出營室西南流至壘壁陣沒狀如前主天子行禮出賞國樂民安九月甲午星出紫微垣西墻東北速行入濁沒狀如前主兵或土功之事

五年七月巳丑星出七公南西南急行至天市垣西墻沒狀如前主五穀豐成倉庫盈溢十月戊寅星出紫微垣內後宮東如

杯北慢行入濁沒主使出外夷亦主地動

六年四月丙子星出貫索如杯慢行至紫微垣墻上率沒青白照地明主外國有使入六月辛卯星出營室比如杯東南急行至壘壁陣沒赤黃有尾迹照地明主使出言兵八月壬辰星出羽林軍西如杯南緩行入濁沒青白尾迹分逆照地明主軍出邊鄙亦主軍中不和

七年二月壬申星出天棊北東北緩行至造父沒狀如前主兵出備邊鄙四月丙戌星出天市垣東北慢行至候星沒狀如前主萬物貴八月癸未星出羽林軍內如杯北慢飛至大陵沒赤黃有尾迹主大軍出十月庚子星出天倉西西南慢流至敗臼沒如杯赤黃尾迹分裂照謂主藏五穀待邦用亦主歲饑粟出八年三月丁酉星出積水東如太白速行至五車東沒赤黃有尾迹主糴貴九月丙寅星透雲出河鼓比如太白東南緩行至

危沒赤黃主天下民安五穀熟土功興十月乙未星出弧矢西北如杯東南緩行至濁沒青白有尾迹照地明主南夷來貢國有賢臣

九年三月甲子星透雲出天市內宗正西北慢至太微垣五帝座沒狀如前主執政憂人多死五月丁丑星出尾北東南急行入濁狀如前主後宮有子孫之喜六月丙午星出東壁北如杯南急流至羽林軍沒赤黃有尾迹主天子用故臣八月壬寅星出危北西南急流至濁狀如前昭地明主天下不安十月丁未星出柳東速行入濁狀如前主宗廟有喜賢臣任用亦主多雨十年正月辛巳星出參西南速行至天苑沒主穀賤牛馬多傷四月甲辰星出郎位北急流至下台南沒狀如前主大臣有咎六月乙巳星出王良東西北急流至紫微垣內鈞陳沒狀如前主兵將出十月己亥星出霹靂北西南急行至濁沒狀如前主

陽氣大盛擊碎萬物

元豐元年閏正月甲辰星出柳北西急行至天廩沒狀如前照地明主穀熟六月甲辰東南方光燭地有星如孟出瓠瓜至內階沒分裂有聲如雷主兵喪八月甲子星隔雲照地明東北急行至濁沒主有大使出東北方其方流血十一月丙寅星出北河北東南急行至弧矢沒狀如前主使出十二月壬子星出輿鬼東北速行至軒轅沒狀如前主后有喜

三年二月辛丑星出弧矢南東南速行至濁沒狀如前主西戎有兵賊五月辛未星出中昴東南緩行至江沒狀如前主水泛溢民饑十一月丙辰星出厠星東東南慢流至濁沒狀如前主

晉分民疾  
四年正月戊戌星出五車北如杯西南急流至天囷沒赤黃尾迹分裂主分國來貢六月戊寅星出紫微垣內厨南如太白慢

流至大角没赤黃有尾迹主將出九月巳酉星出天街北急行  
穿五車没狀如前主粟麥貴十一月乙未星出鉤陳北東北慢行至  
濁没狀如前主後宮有喜

五年四月庚申星出角東南急行至濁没狀如前主發使外國  
七月辛巳星出天市垣內列肆西北急行至濁没狀如前主人  
主憂

六年閏六月丙子星出貫索東北西南急行至濁没狀如前主  
貴女憂九月癸卯星出五車東北急行至濁没狀如前主有兵  
車出

七年四月辛未星出平星東西南慢行至濁没狀如前主臣黜  
期半年

八年二月庚辰星出太微北左執法北東南急行入濁没狀如  
前主大臣執法者憂七月庚申星出胃宿急流至天困没狀如

前主外國來降倉庫盈實大臣及有憂恤事十月庚寅星出昂  
南急流至濁没主有赦令恤民

拓宗元祐二年二月丙戌星出上台北向西北急流至土良南  
没赤黃有尾迹明燭地主遣使安撫四方搜揚草澤招賢集德  
七月丁巳星出墳墓東慢流至壁南没狀如前主大臣有喪十  
一月戊申星出紫微垣北西北急流至濁没狀如前主使出

二年正月辛巳星出軫南向南急流至濁没狀如前主大臣忠  
諫賢來國昌萬物賤九月甲寅星出天市垣中山北西急流至  
天紀西没狀如前主有赦令賞賜

三年三月巳酉星出亢南向南慢行至濁没狀如前主天子遣  
使清姦獄頒赦令六月庚子星出壁南東南急流入羽林軍內  
没狀如前主文章士為用亦為兵起八月癸巳夕有星自中天  
向東急流至濁没狀如前主其下兵戰

四年三月戊戌星透雲出織女東速行至天津西沒狀如前主  
布帛貴亦主大衆九月壬午星透雲出天棊北速行至濁沒狀  
如前主脩兵備十一月己酉星出司恠西南如杯慢流至參旗  
沒赤黃有尾迹主使出其方亦主兵起

五年正月己丑星出司恠西南行至濁沒狀如前主遣使七月  
辛未星出危如太白東南急流至濁沒青白有尾明燭地主國  
安民豐及土功興十月己未星出車房急流至天津西南沒狀  
如前主兵軍動大衆行及主河事

六年二月辛丑星出翼東南急流至濁沒狀如前主國人皆受  
恩賜七月癸亥透雲星二皆出太白一出天槍東南急流至亢  
東沒一出奎東南急流至壘壁陣東沒赤黃有尾迹主有兵  
起侯王受賜十月丁卯星出土良南東南急流至濁沒狀如前  
主多風雨亦主遣將

七年二月戊午星出販瓜東南急流至虛東沒狀如前主遣使  
或冢宰憂四月甲子透雲星出天市垣燕星南急行至濁沒狀  
如前主倉庫盈溢五穀豐八月辛未星出奎距星西南急流至  
濁沒狀如前主天下安寧遠人來貢

八年正月甲申星出天市垣內候南東南急流至濁沒狀如前  
主民流十月戊申星出天棊東南北流至濁沒狀如前主有赦  
及宥大臣罪

紹聖元年二月丙午透雲星出壁東慢流入濁狀如前主天下  
文章士登用賢臣在位遠國來賓六月星出人星南急流至牛  
沒狀如前主牛馬昌盛關梁入貢十月甲申星出天槍南慢行  
至上台沒狀如前主賑貸亦主兵及大將憂

二年三月丙辰星出天津東北向東慢流至室北沒狀如前主  
使出及外國使至五月甲寅星出閣道北東北急行至濁沒狀

如前主風雨十月庚寅透雲星出張南東南急流至濁沒狀如前主天子社稷昌

三年二月丙子透雲星出太微垣慢流至濁沒狀如前主使出五月己未星出平星西如杯大急流至濁沒青白有尾迹明燭地主臣有黜者

四年六月甲申星出亢西南酌急流至濁沒狀如前主使出清行獄頒恩赦九月乙卯星出天囷東之南急流入濁沒主帝王布德令外國貢異寶及賞大臣市有火災十二月丁未星出天槍西南急流至濁沒狀如前主大兵起斧鉞用亦主賑及遠方賢人至

元符元年三月甲戌星出天乳北急流至羽角沒狀如前主禮義教興遣使及隣國使入貢六月星出室如杯至壁東沒青白有尾迹主軍糧豐五穀成文士入賢人用

二年二月癸卯星出靈臺北向西慢行至軒轅沒狀如前主賢臣在位天子有子孫之喜十月辛丑星出女西北急流至牛西北沒狀如前主五穀貴有水災

容齋洪氏隨筆曰國朝星官曆翁之伎殊媿漢唐故其占測荒茫幾於可笑偶讀四朝史天文志云元祐八年十月戊申星出東壁西慢流至羽林軍沒主擢用文士賢臣在位紹聖元年二月丙午星出壁室東沒主文士入國賢臣用二年二月癸卯星出靈臺北行至軒轅沒主賢臣在位天子有子孫喜按是時宣仁上仙國是不變一時正臣以次竄斥章子厚在相位蔡卞輔之所謂四星之占豈不可笑也子孫之說蓋誚劉后云

按容齋言星曆之學無傳故其占不驗然愚嘗攷之五緯行天其常也流星飛星之變非常也故前史所

書或數年一見或謂一歲頻見今宋史所書則無月無之而四朝志尤甚至有一月而四五見或同日而數流者今姑摭其畧每季僅一書而猶覺繁夥夫其紀載之冗雜如此則其占驗之茫昧固宜矣

徽宗建中靖國元年正月星出西南如孟東北急流入尾距星没青黑無尾迹明燭地主舊來歸后族進祿亦曰風雨時稼穡成

崇寧元年三月星出張如金星西南急流至濁没狀如前主諸侯受賜天子宗廟社稷昌十月壬子星出天船如孟急流至五車没青黑有尾迹聲隆隆然主大水或曰水旱不時

二年正月戊申星出水位如金星急流至北河没狀如前主大水六月戊午星出亢西南急流入濁没狀如前主天子遣使清獻頌恩九月辛巳星出牛西南慢流至狗國没狀如前主民流

亡十二月丁未星出大陵如金星至騰蛇没狀如前主其下有積尸一曰水旱兵喪

三年四月戊申星出軫西北慢流入太微垣內屏星没狀如前主外國有急使期不出年十二月甲子星出天大將軍西北急流入王良没狀如前主大兵將出

四年正月甲申星出角如孟西南慢流入濁没青白無尾迹主天子發使外國五月庚申星出河鼓西北急流入濁没狀如前主諸侯作亂一曰兵起十二月甲午星出參如杯東南慢流入

軍市没狀如前主大將出一曰有赦又云饑

五年六月庚午星出西東急流入天市垣內没狀如前主王者有憂一曰閹臣出六月乙酉星出庫樓向西急流入濁没狀如前主鄭分受兵九月癸卯星出天船慢流至諸王没狀如前主水旱不時十二月壬戌星出奎向南急流入天倉没青白有尾迹

及三丈明燭地聲散如裂帛主天子用文偃武一曰歲熟

大觀元年二月丁卯星出參如杯西南急流入濁沒狀如前主

天子遣使安邊一曰米賤有赦

二年十二月癸卯流星出奎如盃西北急流入造父沒青白有

尾迹照地明有聲主有溝瀆事

政和元年四月丙辰星出亢如盃西北急流至右攝提沒赤黃

有尾迹照地明主兵來入計於王庭五月辛巳日未中星隕東

南主下有兵流血

二年九月乙卯星出斗如杯西南急流入濁沒亦黃有尾迹照

地明主大臣死

四年九月庚子星出危墳墓如盃東南急流入羽林沒青白有

尾迹照地明主人民安土功興一曰有喪諸侯憂

七年十二月甲子星出胃東南如盃西北急流至天大將軍沒

赤黃有尾迹照地明主天子以金玉賞大臣外國有來降者一

曰趙分五穀熟

八年九月庚辰星出斗魁南如盃東南急流至天淵沒赤黃有

尾迹照地明主不出其年兵起一曰大臣死江河溢

宣和元年三月丁卯星出柳如盃東北急流入太微垣赤黃有

尾迹照地明主多雨水一曰周分憂兵起外國或有急使十月

戊子星出雲雨如盃西南慢流入羽林軍內沒青白照地明主

后憂疾大風雨

二年十二月辛巳星出奎西南如杯西南慢流至壁沒赤黃有

尾迹照地明主其下破軍殺將一曰天子好道用故臣

四年十一月丙寅星出王良北如杯急流至紫微垣內上輔北

沒赤黃有尾迹照地明主匈奴兵起天下大亂上輔人君惡之

五年二月丙午星出北河東北如杯東南慢流至軫沒赤黃有

尾迹照地明主天下有難

六年七月丁酉星出太陽守如盂東北急流入濁沒赤黃有尾迹照地明主將相憂兵革興

七年十月戊子星出王良北如杯急流入紫微垣上輔北赤黃有尾迹照地明主大兵將起天下大亂人君惡之

靖康元年二月丙辰星出張如金星東南急流至濁沒青白有尾迹照地明主有赦令三月壬辰星出紫微垣內鈞陳東南如金星東北慢流至濁沒赤黃有尾迹照地明主兵起土功興一曰人君惡后妃憂六月癸丑星流大如五斗器衆光隨之明照地起東南隆西北有聲如雷庚申星出紫微垣內華蓋東南如金星向北急流至左樞沒主發使有赦人君惡之

二年正月乙未大星出建向西南急流至濁沒赤黃有尾迹照地明主吳秦有兵

高宗建炎四年十月辛未流星出壁占文章士用自是范冲等

紹興元年三月甲戌流星出東方晝隕占其下有急兵破軍殺將其地流血七月乙未朔流星出河鼓占兵出十一月丁巳流星出天槍北占兵大起斧鉞用於是命韓世忠提兵入建州討范汝爲平之明年岳飛大破曹成

二年三月甲午流星出紫微垣華蓋西南占主內使出戊午流星出自權星西南照地明占有使來論兵事未幾王倫自虜還乃遣潘致堯等使虜金人遣李永壽等來議事四月乙巳流星出太微垣西右執法星北占主大臣有外事出天庭之門天子使也次月呂頤浩出師

六年十月流星出壁西北占天下文章士與賢士並用於是胡安國尹焞召



七年八月有星隕於汴京是年金人廢偽齊

八年十一月乙巳流星出天囷東北占有賑發事於是以米二萬石付岳飛賑京西湖北饑民又以錢五十萬付吳玠犒軍

二十六年六月乙亥流星出東北方照地明占流星晝隕其北大戰流血千里分屬燕野在幽

二十八年六月癸巳有星從西北離地約高一丈至西北没

三十一年六月甲子飛星出氐宿入角宿赤黃色初小後大有小星相隨占爲兵八月壬午流星約長三丈晝隕占營頭也若晝見橫天明者臣下圖議誅罰善良

孝宗隆興元年七月丙申流星出天市垣內向西北慢流至右攝提西没臨没時炸散小星二十餘顆赤色有音聲有尾迹占天子欲有赦賜事庫倉盈溢五穀豐君喜入右攝提星則有外兵事來入計王庭炸散有聲皆爲怒氣天下不安急使馳驛色

赤爲兵旱火八月庚申流星出羽林軍向東南急流至濁没九月庚戌星出紫微外垣座鈎星向西北急流抵紫微垣內座尚書没十一月丁未飛星出天船星急流向紫微垣外座內厨西北没炸出二小星青白色

三年二月辛酉飛星出權星慢流至太微垣內五帝座大星西南没青白色微有尾大如木星占兵起外國當有急使爲大人憂

二年九月戊戌大角搖動十一月壬午朔流星晝隕占臣下圖議誅罰忠良癸未夜流星出犯孤矢急流至天廟東南没大如金星十二月壬午亦如之占胡兵起屠城殺將

乾道四年八月丙辰流星如蛇出自十二諸侯國代哭之間至師門之下没占哭泣之象

五年九月丙辰流星如蛇入天棊占流星如蛇行者姦事也夫而

光者其貴人且衆也入天棓星為天子之先驅分爭及刑罰  
六年九月辛巳有星出狼星穿入弧矢星至濁没如土星大赤  
黃有尾迹後化為緊細白雲九刻乃散占胡兵起當有屠城殺  
將尾迹化為白雲其名大渭流血積骨縵縵如秦野在雍戎  
狄將亡之兆

七年七月戊戌東北方蒼黑雲間有透雲流星如拳大急向西  
北方至濁没狀如前占大使也凡流星暉然有光白長竟天曰  
人主之星相從三軍於是次年春遣虞允文出蜀治兵事九月

甲午西南方流星急流至濁没狀如前主兵刑民饑  
淳熙七年五月乙亥流星出天市垣東海慢流炸作三小星青  
白色尾迹炤地如盞口占青為憂饑白為兵

十一年四月乙丑流星透雲出自中天慢流向東北方没有尾  
迹後炸作散小星從青白色有音聲大如金星是為流星夕墜

者占下有兵疫炸散有聲怒之象

十三年九月辛亥流星大如金星其色先赤後黃白尾約二尺  
委曲如蛇行有類枉矢占為以亂伐亂又云枉矢臣不忠不良  
天下恐又云政暴虐枉矢如蛇行姦事

寧宗慶元二年九月甲午流星晝墮

四年六月甲午亦如之七月壬寅流星如椀大出羽林軍之下  
青白色占為憂為兵

嘉泰二年四月辛巳流星晝墮占赤為兵旱是歲大旱

四年十一月庚午流星出天津急流天市垣占火災民疾

開禧元年十二月庚子流星赤色及金色星大出中天向濁没  
占為兵旱火

二年六月癸丑流星出招搖入庫樓色占同上

六年五月癸亥流星晝墮占其地大戰覆軍流血千里

九月癸卯流星夕隕占其下兵疫色赤為兵旱丁巳流星晝隕  
於是金國亂十月戊戌流星出自昴宿西南慢向天廩東南沒  
占兵起他國使來赦令入天廩色赤為旱火黃則大熟  
七年四月壬午流星出自軫宿距星東南慢流至濁沒有使出  
辛卯流星出自天津西南慢流宿西北沒占如前是秋金人使  
來索歲幣  
十六年十一月壬戌流星怒聲如雷

文獻通考卷之二百九十一

文獻通考卷之二百九十一

宋鄱陽馬端臨 貴與著  
明蘄陽馮天馭 應房校刊

象緯考 星畫見

漢安帝永初二年正月戊子太白晝見占為強臣前志曰太白晝見強國弱

小國強時鄧氏方盛五年六月辛丑太白晝見經天春秋漢高

女主昌時元初四年正月乙未太白晝見丙上皆太白晝見也

堪鉤命決曰天失仁太白經天

順帝永建二年二月癸未太白晝見三十九日閏月乙酉見東

南維四十一日

五年閏月庚子

六年十月乙卯

永和二年五月戊申

象緯

文獻通考卷之二百九十一

乙

盧江

三年二月辛巳戊子在熒惑西南光芒相犯 三月壬子 六月丙午 八月乙卯俱太白晝見 太白者將軍之官又為西州晝見陰盛與君爭明熒惑與太白相犯為兵喪是時大將軍梁商父子秉勢故太白常晝見也

漢安二年正月己亥太白晝見

七月甲申見韓揚占曰天下有喪一曰有白衣之會明年八月

順帝崩又明年冲帝崩

孝桓元嘉元年二月戊午太白晝見

永興二年閏月丁酉見時上幸後宮采女鄧猛後四年梁后崩

梁冀誅猛立為后恩寵甚盛

永壽元年九月己酉晝有流星長二尺所色黃白

延熹九年七月太白晝見經天為兵憂在太人後一年桓帝崩

太傅陳蕃大將軍竇武等謀誅宦官不克皆枉死

如文帝黃初四年六月甲申太白晝見按劉向五紀論曰太白少陰弱不得專行故以己未為界不得經天而行經天則為晝見其占為兵喪為不臣為更王強國弱小國強是時孫權受魏爵號而稱兵距守

五年十月乙卯見占同上

六年十一月丙寅見南斗遂歷八十餘日恒見占曰吳有兵明年孫權遣張彌等將兵萬人錫公孫淵為燕王淵斬彌等虜其眾

青龍三年五月丁亥見積三十餘日以晷度推之非秦魏則楚時諸葛亮據渭南宣帝與相持孫權寇合肥入淮沔天子親東征蜀本秦地則為秦魏楚兵悉起矣

四年三月己巳太白與月俱加景晝見月犯太白占同上

景初元年十月壬申見在尾歷二百餘日恒晝見占曰尾為燕

有兵時公孫淵自立為燕王置百官發兵距守宣帝討滅之

晉惠帝元康六年十月乙未太白晝見

永康元年見占曰為不臣是月賈后殺太子趙王倫廢殺后及張華明年倫篡位

永寧元年自正月至于閏月五星互經天縱橫無常傳曰日陽

君道也星陰臣道也日出則星亡臣不得專也晝而星見午上

者為經天其占為不臣為更王今五星悉經天天變所未有也

石氏說曰辰星晝見其國不亡則大亂是後台鼎方伯互執大

權二帝流亡遂至六夷更王迭據華夏亦載籍所未有也其四

月歲星晝見五月太白晝見占同前

二年四月癸酉歲星晝見占曰為臣強時齊王固定京都因留

輔政專傲無君成都河間長沙王討之固兵敗夷滅

成帝咸康四年四月己巳太白晝見在柳占為兵為不臣明年

石虎大寇沔南內外戒嚴

穆帝永和十年七月庚午太白晝見晷度推之災在秦鄭時桓

溫伐符健破其嶢柳軍十二月慕容恪攻齊

十二年六月庚子見在東井占如上

升平四年十二月景辰見

哀帝興寧元年十月太白晝見在亢占亢為朝廷有兵喪為臣

疆時桓溫方擅兵明年庾后崩

簡文咸安二年太白晝見在七星

孝武寧康二年十二月甲申太白晝見在氐氐兖州分野

太元元年八月癸酉見在氐

二年九月壬午見在角

六年九月丙子見在亢

七年十一月太白又晝見在斗占曰吳有兵喪

象章

文獻通考卷三百九十五

三

順

八年四月甲子又晝見在參占曰魏有兵喪是月桓冲征沔漢楊亮伐蜀並拔城畧地八月符堅自將百萬入寇攻沒壽陽劉牢之謝玄等破之堅衆大潰

九年六月太后褚氏崩八月謝玄出屯彭城經畧中州 九年七月景戌見十一月丁巳又見

十年四月乙亥又晝見於畢昴占曰魏國有兵喪是時符堅大衆奔潰趙魏兵連相攻堅爲姚萇所殺

十一年三月戊申見在東井占曰秦有兵臣彊六月甲申又見于輿鬼占曰秦有兵時魏姚萇符登連兵相征不息甲午歲星晝見在胃占曰魯有兵臣強十二年慕容垂寇東阿翟遼寇河上姚萇假號安定符登自立隴上呂光竊據涼土

十二年六月癸卯見在柳十月 卒見在斗

十三年正月景戌又晝見

十四年四月己巳太白晝見于柳六月辛卯又晝見于翼九月景寅又晝見于軫

十六年四月癸卯朔見

十七年七月丁丑見十月丁酉又晝見

十八年六月又晝見

十九年五月又晝見于柳六月辛酉又晝見于輿鬼九月又見于軫

二十年七月丁亥見在太微占曰太白入太微國有憂晝見爲兵喪

二十一年二月壬申太白晝見三月癸卯太白連晝在羽林占曰有彊臣有兵喪中軍兵起三月太白晝見于胃占曰中軍兵起

安帝隆安元年四月丁丑太白晝見在東井占曰秦有兵喪六

月姚興攻洛陽郗恢遣兵救之冬長死子泓代立

二年六月戊辰攝提移度失常歲星晝見在胃兗州分野是年

郗恢遣兵伐慕容寶於滑臺敗而還閏月太白晝見在羽林十

一月犯東上相

五年正月太白晝見自去年十二月在斗晝見至是月

元興元年三月戊子太白犯五諸侯因晝見占曰諸侯有誅

義熙元年七月庚辰見在翼軫占曰為臣彊荊州有兵喪

三年正月丙子見在奎五月己丑見在參占曰益州有兵喪臣

彊

六年六月甲午見七月太白犯少微而晝見

七年六月見在翼

九年五月壬辰太白犯右執法晝見

恭帝元熙元年七月己卯太白晝見自義熙元年至是太白經

天者九革代更王臣失君之象也

宋文帝元嘉五年十一月日食星晝見

梁武帝天監四年六月壬戌歲星晝見占曰歲色黃潤立竿影

見大熟是歲大穰米斛三十又曰星與日爭光武且弱文且彊

自此後帝崇尚文儒躬自謙說終於太清不修武備

普通四年十一月太白晝見

六年五月己酉太白晝見又六月癸未太白經天

太清三年太白晝見占曰有大喪天下革政更王彊國弱小國

彊其年帝為侯景所幽崩

陳廢帝光大二年九月戊午太白晝見占曰太白晝見國更政

易王其年十二月帝廢為臨海王

周武帝天和元年十月乙卯太白晝見經天

隋文帝開皇元年三月甲申太白晝見占曰為臣彊為革政四

月壬午歲星晝見占曰大臣彊有逆謀王者不安其後劉昉等謀反伏誅

二十年十月太白晝見占曰大臣彊為革政易王右僕射楊素熒惑高祖廢太子勇明年改元皆陽失位及革政易王之驗也

唐高祖武德元年五月庚午太白晝見占曰兵起臣彊

二年九月庚寅見 九年五月見六月丁巳經天 己未又經天在秦分 己卯見

七月辛亥晝見 甲寅晝見 八月丁巳晝見太自上公經天者陰乘陽也

太宗貞觀二十二年七月太白晝見

高宗永徽元年五月己未太白晝見又十二月乙未見

四年六月己丑見

龍朔元年六月辛巳太白晝見經天

永隆元年五月丁酉太白晝見經天是為陰乘陽陽君道也

中宗景龍三年六月癸巳太白晝見在東井京師分也

玄宗開元十四年十月甲寅太白晝見

肅宗至德二載七月己酉太白晝見經天至于十一月戊午不見歷秦周楚鄭宋燕之分

代宗永泰元年九月辛卯太白晝見經天

大曆八年八月己丑太白入太微晝見占曰兵入天廷

十一年閏八月丁酉太白晝見經天

憲宗元和九年七月太白入南斗至十月出乃晝見

穆宗長慶元年三月庚戌太白犯五車因晝見至于七月以歷度推之在唐及趙魏之分占曰兵起

二年九月太白晝見

四年三月庚午太白犯東井北轅遂入井中晝見經天七日而



出因犯輿鬼京師分也六月己丑太白犯軒轅右角因晝見至于九月占曰相凶

文宗太和六年四月己丑太白晝見

九年夏見自軒轅至翼軫

二年六月己酉見

僖宗乾符二年四月庚辰太白晝見在昴

三年七月常星晝見

昭宗光化三年十一月丁未太白犯月因晝見

天復元年五月自丁酉至于己亥太白晝見經天在井度

後唐莊宗同光三年六月甲子太白晝見又己巳見

明宗天成元年七月庚申太白晝見

長興二年五月癸亥見又閏五月己巳歲晝見八月戊子太白

晝見十月壬辰太白晝見

四年五月癸卯太白晝見

宋帝清泰元年五月己未太白晝見

漢高祖天福十二年四月丙子太白晝見

乾祐二年四月壬午太白晝見

周太祖廣順二年太白經天

宋太宗太平興國八年二月丙寅有星晝出西南當未地青白

尾迹二丈餘没于東南有光明占曰未地有兵是年西戎入寇

宥州擊敗之

淳化元年七月辛卯太白在角西南一尺許司天言據躔次當

行中道南乘左角主有謀不成按書太白形最大星中無比去

太陽四十五度內晝見則占臣今占候太白晝見蓋去日極遠

自然之理也

真宗咸平三年六月太白晝見占曰為兵喪

四年丙寅太白晝見在南斗

五年三月丙午有星晝出心至南斗没赤光丈餘 九月丁未

有星晝出紫微垣如半升器貫北斗没

六年六月庚午有星晝出東方色黃白有尾迹占曰兵偃民樂  
之象 甲午太白晝見 八月庚午太白晝見

景德元年六月戊午有星晝出西南方赤黃有尾迹速流丈餘  
没十一月太白晝見占曰秦有兵

二年四月甲辰太白晝見

四年三月庚申有星晝見出南方

三年七月乙巳太白晝見庚辰又晝見 十二月太白晝見

太中祥符元年七月庚申太白晝見 八月己丑有星晝出中

天如太白有尾跡急流東南近日没

二年五月己亥有星晝出東方如太白尾迹赤黃流至日比没

白蠻夷起兵其年兪州蠻擾

四年六月丙午太白晝見 八月乙巳太白晝見

六年五月乙巳有星晝出南方赤光迸溢若五升器照地明

壬午太白晝見

七年七月癸卯太白晝見 十一月癸未星晝出日西南大

如盃尾迹二丈餘闊三寸許青白色西流而没占為旱火明年

榮王宮火

九年五月庚午太白晝見

天禧三年六月辛卯太白晝見占曰女主昌 八月辛卯又晝

見

四年七月丁巳太白晝見

五年八月丙午太白晝見

仁宗天聖二年六月丁卯晝漏上星出中天赤黃色有尾迹西

南緩行入濁占曰大使以兵事出其方行緩事遲

嘉祐二年九月戊戌晝漏上中天有星出很大如杯東南速行至濁沒尾迹青白占曰流星大者使太令晝而星流主大使出狼星有盜賊侵掠之事

四年十月乙丑晝漏上星出天將軍西南行至濁沒色青白尾迹疑天良久散

六年十一月癸丑晝星出東北維去地五丈許大如盃向東北緩行入濁尾迹青白占曰流星晝出大臣災色青白為兵憂又主陰謀事以分野日辰推之在魯衛分及比狄鴈門

英宗治平二年六月己丑晝有星出中天大如盃西速行至濁沒尾迹赤黃占曰流星晝見明大民災兵革動速行入濁其下陰謀相奪七月庚申晝漏未上星出紫宮西行曳尾長二丈沒尾迹青白占曰有使出西方言兵事

仁宗英宗兩朝木晝見

嘉祐五年三月乙未占曰為臣疆為兵寇今推考木星在女度屬青齊分宜於其地嚴設警備

六年六月壬申見占曰日者陽君道也星者陰臣道也日出則星亡臣不得專也今晝而星見其占為不臣及兵賊事以分野占之在衛分

七年六月丙子見占曰臣有不忠者

八年七月癸亥見占曰臣疆屬趙冀分治平元年六月壬戌見占曰臣疆

金晝見

乾興元年十一月壬辰見占曰有兵兵罷無兵兵起不利先舉天聖三年六月壬戌見十二月戊寅見五年五月壬寅見明道元年七月見三十日慶曆三年八月甲寅見皇祐三年四月丙

午見至和元年五月壬辰見九月巳丑見十月辛卯見三年四月巳丑見占云太白少陰晝見於丙其占為兵為不臣嘉祐二年六月巳未見占如上四年正月庚戌見占曰太白少陰弱不得專行故以巳未為界不得經天而行經天則晝見其占為兵喪為不臣疆國弱小國疆以日宿推之屬秦魯分宜於其地謹備兵寇以應天象七月辛丑見占曰西戎秦地防邊事五年九月庚寅見六年六月乙丑見七年五月戊午見占皆如上七月巳酉經天復見占曰兵喪民災民不順命不救則四夷大動蠻貊來侵十月乙未見占曰為不臣為兵喪治平元年正月戊戌見占如上六月辛酉見占曰秦分兵喪二年七月丁丑見占曰為兵喪為不臣十二月辛亥見占如上

哲宗紹聖元年正月壬午晝星中天如太白西南急流入濁沒赤黃主兵 六月丁丑晝有飛星出東南如太白西北急流至

中天沒青白有尾迹明燭地主國有喜

四年三月巳未晝星出東南丙位如太白西南急流至未位沒赤黃有尾迹主秦分有兵及大疫

神宗哲宗兩朝太白歲星晝見

治平四年二月丁酉太白晝見主為兵為大臣大國弱小國疆閏三月癸未見主兵凶五月辛巳見七月癸卯見八月丁未見皆主有兵兵罷無兵兵起或大臣有咎熙寧元年十一月癸酉見占太白少陰弱晝見於午為兵喪為不臣二年六月壬戌見主秦分兵喪三年五月癸巳見九月壬子皆見主為兵為占同五月丙午見八年三月戊午見七月戊寅見皆主兵九年十月乙酉見十年五月甲戌見元豐元年四月癸亥見主秦分兵或喪三年七月戊子見占同四年七月巳丑見六年八月巳卯見七年十一月乙卯見主為兵為不臣元祐元年六月庚戌見主

無兵兵起有兵兵罷十月庚寅見主秦地疆三年二月辛丑見  
七年辛未見主秦分兵動六年四月壬寅見閏八月乙丑見七  
年十一月辛巳見八年四月己未見紹聖元年五月己酉見九  
月庚申見二年十一月丙申見主兵起三年五月壬子見四年  
六月己酉見元符二年五月甲辰見主秦地有兵八月癸巳見  
崇寧元年六月己酉見三年正月癸卯見大觀二年十一月丁  
未見四年十月戊戌見政和三年十二月辛酉見六年十月乙  
丑見五年三月辛未見八年十月己卯見宣和二年六月丁丑  
見六年十一月丙子見皆為大國弱小國疆女后昌  
元符二年八月癸巳歲畫見主天下偃武罷兵天子崇尚文學  
任用賢能

高宗建炎元年十月甲戌太白晝見  
紹興元年四月壬申太白晝見占為兵喪是月隆祐太后崩諸

路兵盜未息

四年五月庚子太白晝見經天於是金人及偽齊合兵入寇韓  
世忠敗之於大儀鎮十一月戊申太白晝見經天於是始下  
詔聲劉豫罪致討金人入光州陷滁州諸將退保逾月虜始退  
師

六年正月壬辰太白晝見經天於是諸將進攻劉豫豫以金人  
之師入寇諸將擊破之

計七年五月辛丑太白晝見占為兵喪為不臣大臣行毒不出  
三年於是秦檜醜殺牛皐

寇  
二十八年六月壬辰太白晝見時虜亮再營將徙都舉兵南

孝宗隆興元年七月丙申太白經天晝見  
二年六月戊辰七月庚子俱太白晝見

乾道元年三月甲寅乙亥太白俱晝見經天

二年二月庚子流星晝見四月甲申五月甲寅九月庚午太白俱晝見占不出三年有大喪

三年九月戊子太白晝見

四年五月及六月辛卯太白俱晝見

五年六月庚寅太白晝見十一月甲子五星晝見

淳熙三年五月癸酉太白經天晝見

四年十一月壬戌太白晝見

六年七月乙丑癸未太白俱經天晝見

九年六月庚申甲子九月癸巳太白俱晝見

十一年五月乙卯太白晝見

十二年六月戊寅七月丁酉太白晝見至八月壬申乃伏

十四年六月辛卯七月辛丑太白俱晝見

光宗紹熙元年五月丙子太白晝見

四年六月丙寅十一月甲戌俱太白晝見

寧宗慶元元年三月庚寅七月己亥太白俱晝見

四年九月壬寅癸卯太白俱晝見

嘉泰元年六月丙午十一月己巳十二月己卯太白俱晝見占為兵喪為不臣為秦彊

三年六月癸亥太白經天晝見

開禧元年三月庚申太白晝見

二年五月壬寅太白晝見

三年十二月乙巳太白晝見時金人陷隨州

嘉定元年五月甲子太白晝見時江西黑風峒為亂

四年七月壬戌太白晝見於是下詔攻金人甚急

五年九月丙午太白晝見

六年二月丁丑太白晝見於是金國亂

十二月壬辰流星晝隕

七年五月丁丑八月乙巳太白晝見是歲金虜遷都于汴

九年五月癸酉太白晝見明年金人入寇

十年六月乙丑癸酉十一月戊戌太白俱晝見於是下詔北伐

金虜寇四川山東李全來歸

十二年二月庚子三月丁亥六月辛未辛卯太白俱晝見經天

於是金人犯淮蜀

十三年九月甲午太白晝見

十四年三月甲午太白晝見

十五年五月庚戌九月辛未太白俱晝見

十七年六月丁卯太白晝見

文獻通考卷之二百九十三上

文獻通考卷之二百九十三下

宋鄴陽 馬 端臨 貴與 著

象緯考 明蘄陽 馮 天馭 應房 校刊

五星聚舍

周將代殷五星聚房

齊桓公將伯五星聚箕

漢高帝元年十月五星聚于東井以歷推之從歲星也李奇曰歲星得

其正度其四星隨比常正行故曰從也孟康曰歲星先至先至為正也客謂張耳曰東井秦地漢

王入秦五星從歲星聚當以義取天下

魏崔浩集諸歷家攷校漢元以來日月薄食五星行度并譏

前史之失別為魏曆以示高允允曰漢元年十月五星聚東

井此乃曆術之淺事今譏漢史而不覺此謬恐後人之譏今

猶今之譏古也浩曰所謬云何允曰按星傳太白辰星常附

日而行十月日在尾箕昏沒於申南而東井方出寅北二星  
何得背日而行是史官欲神其事不復推之於理也浩曰天  
文欲爲變者何所不可邪允曰此不可以空言爭也宜更審  
之坐者咸恠之唯東宮少傅游雅曰高君精於曆數當不虛  
也後歲餘浩謂允曰先論本不經心及更考究果如君言五  
星乃以前三月聚東井非十月也衆乃歎服

孝文後六年四月乙巳水木火三合于東井占曰內外有兵與  
喪改立王公東井泰分也是歲誅反者周殷長安市其七年六  
月文帝崩其十一月戊戌土水合于危占曰爲雍沮所當之國  
不可舉事用兵必受其殃一曰將覆軍危齊也

孝景元年正月癸酉金水合于婺女占曰爲變謀爲兵憂婺女  
粵也又爲齊其七月乙丑金木水三合於張占曰內外有兵與  
喪改立王公張周地今之河南又爲楚其二年七月丙子火與  
水晨出東方因守斗占曰其國絕祀至其十二月水火合於斗  
占曰爲萍不可舉事用兵必受其殃一曰爲北軍用兵舉事大  
敗斗吳分也又爲粵是歲立六皇子爲王王淮陽汝南河間臨  
江長沙廣川其三年七國反漢遣大將軍周亞夫討平之吳王  
亡走粵粵攻而殺之齊趙諸國兵皆敗

中三年正月丁亥金木合於觜觜爲白衣之會其五月甲午金  
木俱在東井戊戌金去木留守之二十日占曰傷成於戌木爲  
諸侯誅將行於諸侯也十一月庚午夕金火合於虛相去一寸  
占曰爲鏢爲喪虛齊也

四年四月丙申金木合於東井占曰爲白衣之會拜秦也其五  
年四月乙巳水火合於參占曰國不吉參梁也其六年四月梁  
孝王死五月城陽王濟陰王死六月成陽公主死出入三月天  
子四衣白臨卽第



後元年五月壬午火金合於輿鬼之東北不至柳出輿鬼北可  
五寸占曰為鏢有喪輿鬼秦也丙戌地大動鈴鈴然民大疫死  
棺貴至秋止

章帝建初五年二月戊辰木火俱在參五月戊寅木水在東井  
黃帝星經曰木守東井有生功之事一曰大水郝萌曰歲星守  
參后當之災惑守大人當之

和帝永元二年正月乙卯金水俱在奎丙寅水又在奎丞成曰  
多水火災亦為旱古奎主武庫兵三星會又為兵喪辛未水金  
今註曰土在東井水在婁亦為兵又為匿謀郝萌曰辰守婁有兵兵罷無兵兵起  
在奎土在東井金

五年四月癸巳太白熒惑辰星俱在東井黃帝星經曰五星及客  
日為旱又曰太白入東井東井秦地為法三星合  
乃占大臣當之期三月若一年遠五年內外有兵又為法令及水其六年七月水大漂殺人民傷五穀

九月遣兵征叛胡

七年二月癸酉金火俱在參丞成占曰熒惑守參多火災海中  
謂曰有攻戊寅金火俱在東井郝萌曰熒惑守井百川皆滿太

八月甲寅火土金俱在軫春秋緯曰五星有入軫者  
雜釋書又將相死星入軫者司其出日而數之期二十日皆為兵大起空成占曰五  
率一日期十日軍罷石氏星經曰辰星守軫歲水郝萌曰鎮星  
出入留舍軫二十日不下必有喪春秋緯曰十一月甲戌金  
火俱在心維書曰太白守十二月巳卯有流星起文昌入紫宮  
心後九年太白饑

消丙辰火金水俱在斗流星入紫宮金火在心皆為大喪三星  
合軫為白衣之會金火俱在參東井皆為外兵有死將三星俱  
在斗有戮將若有死相八年四月樂成王黨七月樂成王宗皆  
薨將兵長史吳禁坐事徵下獄誅

元興元年閏七月辛亥金水俱在氏

孝殤帝延平元年正月丁酉金火在婁金火合為燦為大人憂

是歲八月帝崩

孝靈光和三年十月歲星熒惑太白三合於虛相去各五六寸如連珠占曰火木金三合爲喪至中平六年宮車晏駕虛齊也明年琅邪王據薨

孝獻建安十八年秋歲星鎮星熒惑俱入太微逆行留守帝坐百餘日占曰歲星入太微人主改

魏明帝太和四年十一月壬戌太白犯歲星占曰有大兵五年三月諸葛亮以大衆寇天水宣帝爲大將軍距退之

青龍二年二月己未太白犯熒惑占曰大兵起有大戰是年四月諸葛亮據渭南吳亦起兵應之魏東西奔命

晉惠帝元康三年鎮星歲星太白三星聚于畢昴占曰爲兵喪畢昴趙地也後賈后陷殺太子趙王廢后又殺之斬張華裴頠遂篡位廢帝爲太上皇天下從此遘亂連禍

永寧二年十一月熒惑太白闚于虛危占曰大兵起破軍殺將

虛危又齊分也十二月熒惑襲太白于營室占曰天下兵起亡君之戒一曰易相初齊王罔之京都因留輔政遂專傲無君是

月成都河間檄長沙王又討之罔又交戰攻焚宮闕罔兵敗夷滅又殺其兄上軍將軍實以下二千餘人太安二年成都又攻長沙於是公私饑困百姓力屈

太安三年正月熒惑犯歲星占曰有戰七月左衛將軍陳曠奉帝伐成都六軍敗績

光熙元年九月鎮星犯歲星占曰鎮與歲合爲內亂是時司馬越專權終以無禮破滅內亂之應也十二月癸未太白犯鎮星占曰爲內兵有大戰是後河間王爲東海王越所殺明年正月東海王越殺諸葛政等五月汲桑破馮嵩殺東燕王八月苟晞大破汲桑

懷帝永嘉六年七月熒惑歲星太白聚牛女之間徘徊進退按占曰牛女揚州分是後兩都傾覆而元帝中興揚土

建武元年五月癸未太白熒惑合於東井占曰金火合曰爍為喪是時愍帝蒙塵于平陽七月崩于寇庭

元帝大興二年七月甲午歲星熒惑會于東井八月乙未太白犯歲星合於翼占曰為兵饑

三年六月景辰太白與歲星合于房占同上永昌元年王敦攻京師六軍敗績王敦尋死

成帝咸康三年十一月乙丑太白犯歲星于營室占曰為兵饑四年二月石季龍破幽州遷萬餘家以南五年季龍眾五萬寇

河南畧七千餘家而去又騎二萬圍陷邾城殺畧五千餘人六年十二月癸丑太白犯鎮星在箕占曰王者亡地七年慕容皝自稱燕王三月太白熒惑合于太微中犯左執法明年顯宗崩

八年十二月己酉太白犯熒惑于胃占曰大兵起其後庾翼大發兵謀伐石季龍專制上流

康帝建元元年八月丁未太白犯歲星在軫占曰有大兵是年石季龍將劉寧寇沒狄道

穆帝永和四年五月熒惑入婁犯鎮星占曰兵大起有喪灾在趙其年石季龍死來年冉閔殺石遵及諸胡十萬餘人其後褚

哀憊喪衆而薨六年三月戊戌熒惑犯歲星占曰為戰

七年三月戊子歲星熒惑合于奎其年劉顯殺石祗及諸胡帥中土大亂

十二年七月丁卯太白犯鎮星在柳占曰周地有大兵其年八月桓溫伐苻健退因破姚襄於伊水定周地

升平二年八月戊午熒惑犯鎮星在張占曰兵大起

三年八月庚午太白犯鎮星在太微中占曰王者惡之

五年十月丁卯熒惑犯歲星在營室占曰大臣有匿謀一曰衛地有兵時桓溫擅權謀移晉室

海西公太和元年八月戊午太白犯歲在太微中

三年六月甲寅太白掩熒惑在太微端門中六年海西公廢

簡文咸安二年正月己酉歲星犯鎮星在須女占曰為內亂七月帝崩桓溫擅權謀殺侍中王坦之等內亂之應

孝武寧康二年十一月癸酉太白掩熒惑在營室占曰金火合為爍為兵喪

太元元年七月符堅伐涼州破之虜張天錫

十年十二月己丑太白犯歲星占曰為兵饑是時河朔未平兵連在外冬大饑

十七年九月丁丑歲星熒惑鎮星同在亢氐十二月癸酉鎮星

去熒惑歲星猶合占曰三星合是謂驚立絕行內外有兵喪與饑政立王公

十九年十月太白鎮星熒惑辰星合于氐 十二月癸丑太白

犯歲星在斗占曰為亂饑為內兵斗吳越分至隆安元年王恭等舉兵顯王國寶之罪朝廷殺之是後連歲水旱饑

安帝隆安元年二月歲星熒惑皆入羽林占曰中軍兵起四月王恭等舉兵內外戒嚴

元興元年八月庚子太白犯歲星在上將東南占曰楚兵饑一曰灾在上將二年桓玄篡位三年劉裕盡誅桓氏

二年十月丁丑太白犯鎮星在婁占同上

三年二月壬辰太白熒惑合于羽林

三年二月劉裕起義兵桓玄逼帝東下

義熙二年十二月丁未熒惑太白皆入羽林又合于壁三年正

月慕容超寇淮北徐州至下邳八月遣劉敬宣伐蜀

三年二月癸亥熒惑鎮星太白辰星聚于奎婁從鎮星也徐州分是時慕容超僭號於齊兵連徐充連歲寇抄至于淮泗姚興譙縱僭號秦蜀盧循及魏南北交侵其五年劉裕北殄慕容超其六月辛卯熒惑犯辰星在翼占曰天下兵起八月己卯太白掩熒惑占曰有大兵其四年姚畧遣衆征赫連勃勃大爲所破五年四月甲戌熒惑犯辰星在東井占曰皆爲兵十二月辛丑太白歲星在奎占曰大兵起魯有兵是年四月劉裕討慕容超六年二月滅慕容超于魯地

七年七月丁卯歲星犯鎮星在參占曰歲鎮合爲內亂一曰益州戰不勝亡地是時朱齡石伐蜀後竟滅之明年誅謝混劉毅八年十月甲申太白犯鎮星在東井占曰秦有大兵

九年二月景午熒惑鎮星皆犯東井占曰秦有兵三月壬辰歲

星熒惑鎮星太白聚于東井從歲星也東井秦分十三年劉裕定關中其後遂移晉祚

十四年十月癸巳熒惑入太微犯西蕃上將仍順行至左掖門內留二十日乃逆行至恭帝

元熙元年三月五日出西蕃上將三尺許又順還入太微時鎮星在太微熒惑繞鎮星成鉤已其年四月景戌從端門出占曰熒惑與鎮星鉤已天庭天下更紀十二月安帝母弟琅邪王踐阼是曰恭帝來年禪于宋

宋文帝元嘉二十三年二月金火水合于東井

梁武帝普通七年正月癸卯太白歲星在牛相犯占曰其國君凶易政明年三月改元大赦

陳武帝永定三年六月庚子鎮星鉞與太白并占太白與鎮合爲疾爲內兵

文帝天嘉五年四月庚子太白歲星合在奎金在南木在北相去二尺許又壬寅太白歲星合在婁相去一尺許

六年正月己亥太白犯熒惑相去二寸占曰其野有兵喪改立

侯王九月乙巳太白又犯熒惑明年帝崩少帝廢

廢帝光大元年八月壬午鎮星辰星合于軫九月戊午辰星太

白相犯占曰改立侯王

二年九月庚戌太白逆行與鎮星合在角占曰為白衣之會又

曰所合之國為亡地為疾兵十二月廢帝為臨海王太建二年

薨

宣帝太建十一年四月己丑歲星太白辰星合于東井

十二年十二月癸酉辰星在太白白上甲戌辰星太白交相掩占

曰大兵在野大戰

魏道武天賜四年二月癸亥金水土聚

節閔帝普泰元年十月歲星熒惑鎮星太白聚於此當參色甚明

大占曰當有王者興其月齊高祖起於信都至中興二年破余

朱兆開霸業

齊文宣天保十年六月庚子鎮星犯井鉞與太白并占曰子為

玄枵齊之分野君有戮死者大臣誅鉞斧用其明年常山王誅

楊愔等廢少帝

武成河清四年正月己亥太白犯熒惑相去二寸在奎甲辰太

白熒惑歲星合在婁占曰甲為齊三星若合是謂驚立絕行其

分有兵喪改立侯王

後主武平三年八月癸未鎮星歲星太白合於氏宋之分野占

曰其國有內外喪改立侯王四年陳將吳明徹寇彭城右僕射

崔季舒等諫帝不宜北幸并州帝怒並誅之內外兵喪之應

周武帝保定二年十一月壬午熒惑犯歲星於危南

五年太白熒惑歲星合於婁

天和二年五月己丑歲星與熒惑合在井宿相去五尺井為秦分占曰其國有兵為饑旱大臣匿謀下有反者若亡地閏六月丁酉歲星太白合在柳相去一尺七寸柳為周分占曰為內兵又曰主人凶憂失城是歲陳相州刺史華皎率眾來附遣兵援之因而南伐衛公黜陳將戰于洮口王師失利遂沒陳天和六年六月庚辰熒惑太白合在張宿相去一尺占曰主人兵不勝所合國有殃

建德元年三月丙辰熒惑太白合壁占曰其分有兵喪不可舉事用兵必受殃改立侯王其月誅晉公護等及其黨詔以齊公憲為大冢宰又七月丙午辰與太白合於井相去七寸占曰其下之國必以重德致天下後半年平齊致天下之應二年十一月壬子太白掩鎮星在尾占曰鎮星為女主尾為後

宮明年皇太后崩

三年十一月丙子歲星與太白相犯光芒相及在危占曰其野兵人主凶失其城邑

宣政元年六月壬午癸丑木火金三星合在井占曰其國霸又曰内外有兵喪改立王侯七月丙辰熒惑太白合於七星相去二尺八寸占曰君憂又曰其國有兵改立侯王有德興無德亡後年改置四輔官傳位太子改立王侯之應也

宣帝大象元年四月戊子太白歲星辰星合在井占曰是謂驚立是謂絕行其國內外有兵喪改立侯王其五月趙陳越代滕五王並入國後二年隋受命宇文氏宗族相繼誅滅又十月乙酉熒惑在虛與鎮星合占曰兵大起將軍為亂大人惡之是月相州段德舉謀反伏誅明年杞公宇文亮舉兵反禽殺之

二年七月壬子歲星太白合于張九月甲申熒惑歲星合于翼

唐高祖武德元年七月丙午鎮星太白辰星聚于東井關中分也

二年三月丙申鎮星太白辰星復聚于東井

九年六月己卯歲星辰星合于東井占曰為變謀

太宗貞觀十八年五月太白辰星合于東井占曰為兵謀

十九年六月丙辰太宗征高麗次安市城太白辰星合于東井

史記曰太白為主辰星為客為蠻夷出相從而兵在野為戰

高宗永徽元年七月辛酉歲星太白合于柳在秦分占曰兵起

中宗景龍元年十月丙寅太白熒惑合于虛危占曰有喪

景雲二年七月鎮星太白合于張占曰內兵

睿宗太極元年四月熒惑太白合于東井

玄宗天寶九載八月五星聚于尾箕熒惑先至而又先去尾箕

燕分也占曰有德則慶無德則殃

十四載二月熒惑太白闕于畢昴井鬼間至四月乃伏

十五載五月熒惑鎮星同在虛危中天芒角大動搖占者以為

北方之宿子午相衝突在南方

肅宗至德二載四月壬寅歲星熒惑太白辰星聚于鶉首從歲

星也罰星先去而歲星留占曰歲星熒惑為陽太白辰星為陰

陰主外邦陽主中邦陽與陰合中外相連以兵 八月太白芒

怒掩歲于鶉火又晝見經天鶉火周分也

乾元元年四月熒惑鎮星太白聚于營室太史南宮沛奏其地

戰不勝衛分也

代宗大曆二年七月壬申五星並出東方占曰中國利

八年閏十一月壬寅太白辰星合于危齊分也

十年正月甲寅歲星熒惑合于南斗占曰饑旱吳越分也一曰

不可用兵 七月庚辰太白辰星合于柳京師分也



德宗建中二年六月熒惑太白闔于東井

四年六月熒惑太白復闔于東井京師分也金火罰星闔者戰象也

興元元年春熒惑守歲星在角亢占曰有反臣角亢鄭也

貞元四年五月乙亥歲星熒惑鎮星聚于營室占曰其國亡地

在衛分

六年閏三月庚申太白辰星合于東井占為兵憂又戊寅熒惑犯鎮星在奎魯分也

憲宗元和九年十月辛未熒惑犯鎮星又與太白合于女在齊

分

十年六月辛未歲星熒惑太白辰星合于東井占曰中外相連以兵

十一年五月丁卯歲星辰星合于東井六月己未復合于東井

占曰為變謀而更事 十一月戊子鎮星熒惑合于虛危 十

二月鎮星太白辰星聚于危皆齊分也

十四年八月丁丑歲星太白辰星聚于軫占曰兵喪在楚分與

南方夷貊之國

十五年三月鎮星太白合于奎占曰內兵徐州分也 十二月

熒惑鎮星合于奎占曰主憂

穆宗長慶二年二月甲戌歲星熒惑合于南斗占曰饑旱又八

月丙寅熒惑犯鎮星在昂畢因留相守占曰主憂

四年八月庚辰熒惑犯鎮星于東井鎮星既失行犯鉞而熒惑

復往犯之占曰內亂

敬宗寶曆二年八月丁未熒惑鎮星復合于東井輿鬼間

文宗太和二年九月歲星熒惑鎮星聚于七星

三年四月壬申歲星犯鎮星占曰饑四年五月丙午歲星太白

象緯  
文獻通考卷三百九十三  
合于東井

六年正月太白熒惑合于羽林 十月太白熒惑鎮星聚于軫  
八年七月庚寅太白熒惑合相犯推曆度在翼近太微占曰兵

起  
開成三年六月丁亥太白犯熒惑于張占曰有喪

四年正月丁巳熒惑太白辰星聚于南斗推曆度在燕分占曰  
內外兵喪改立王公冬歲星熒惑俱逆行失色合于東井京  
師分也

武宗會昌二年六月乙丑熒惑犯歲星于翼占曰旱

懿宗四年十月癸未太白熒惑合于南斗咸通中熒惑鎮星太  
白辰星聚于畢昂在趙魏之分詔鎮州王景崇被袞冕軍府稱  
臣以厭之

僖宗文德元年八月歲星鎮星太白聚于張周分也占曰內外

有兵為河內河東地

昭宗光化三年十月太白鎮星合于南斗占曰吳越有兵

後唐莊宗同光二年八月甲申歲星熒惑合在翼十四度

三年九月丙辰太白歲星相犯

明宗天成二年正月甲戌熒惑歲星相犯

三年春正月壬申金火合于奎 九月庚辰鎮星歲星合于箕

辛巳太白熒惑合于軫 十二月壬寅金木相犯于斗

晉出帝開運元年十二月癸丑太白犯辰

周高祖天福十二年六月鎮星太白歲星熒惑聚于張占者

帝王興於周者高祖起義自平陽趨洛以應之及隱帝將嗣位

又封周王暨周太祖登位以姬姓之後復繼宗周天人之符乃

有所屬

乾祐二年九月庚戌太白犯鎮 丁卯太白犯歲鎮自元年八

月巳丑入太微垣犯上將執法內屏謁者句巳往來至是歲十一月辛亥而出凡四百四十三日十一月辛酉太白犯木

周太祖廣順元年十一月辰星歲星合宿於尾幽燕之分占其地合有變兼主饑饉疾疫

宋太祖太宗真宗三朝五星聚舍

太祖建隆三年十一月壬申歲星熒惑合于房乾德四年六月巳亥太白熒惑合于張五年三月五星如連珠聚于奎當魯分從鎮星晨見東方占曰有德受命大人奄有四方子孫蕃昌從鎮星王者以重致天下重福明年真宗降誕六年正月壬寅歲星鎮星太白合于婁開寶三年五月庚戌太白鎮星合于畢相去二寸許六月乙未太白歲星合于東井相去四寸許五年十月甲辰太白熒惑合于牽牛

太宗雍熙二年七月丙戌熒惑歲星合于軫三年五月丙戌熒

惑太白合于畢四年十二月丁巳太白鎮星歲星合于南斗魁端拱二年九月乙巳鎮星熒惑合于南斗相去尺餘十一月壬辰歲星熒惑合于危淳化二年正月癸丑鎮星太白合于須女三月癸丑太白歲星合于婁太白在歲星南三年正月丙辰太白熒惑合于婁歲星在胃日官鄭昭晏言測金火行度合相犯今火行而南金稍北有若相避五年六月丙午歲星太白合于柳相去三寸許至道元年五月庚戌歲星太白太陰同度不相犯乙卯鎮星熒惑合于東壁相去七寸許丙辰太白歲星合于七星不相犯

真宗景德三年七月巳酉辰星歲星太白合于柳四年七月五星當聚鶉火既而近太陽同時伏占云猶臣避君之明九月戊子歲月合于翼太中祥符元年九月乙酉太白歲星合于角亢占在交州之野其年東封泰山十月庚寅五星順行同色六年

正月癸巳五星順行五色占曰天下兵偃天禧二年八月癸丑  
歲星熒惑合于張占曰東宮大慶其年仁宗升儲

仁宗英宗兩朝五緯相犯

仁宗天聖元年三月丁丑火犯木占曰天下受福二年九月戊  
申金犯火三年五月癸巳金水相犯於井五年六月辛卯火犯  
土壬辰掩土七年五月辛未金犯土在畢宿一度半八年六月  
乙酉金犯火景祐元年閏六月庚辰金犯土二年五月丁亥又  
犯土九月辛巳火犯土相去二寸許在張六度三年五月丁亥  
日官言太歲及熒星在北方宜飭邊備四年九月辛亥火犯土  
在翼十五度康定元年九月壬申水犯土慶曆三年九月甲申  
金犯木皇祐三年十一月丁丑火犯土至和三年九月乙巳金  
犯木嘉祐三年閏十二月甲戌火犯木躔斗四度占云有子孫  
喜臨分有兵五年正月壬辰金犯木占曰為戰陣大將有憂宜

飭兵備六年三月癸巳火又犯木在營室占曰衛地有兵又為  
赦令七月己丑金犯土躔井十二度占曰秦分兵饑七年正月  
庚申又犯木占曰為饑為兵營室衛分六月丁丑又犯火在翼  
一度半占曰內有盜臣又為兵事翼楚分也八年四月己丑又  
犯木在胃占曰趙分兵饑是日熒惑晨見東方先是自七年八  
月庚辰夕伏積二百四十九日祈禳於集英殿其日始見五月  
庚申火犯木在昴四度占曰子孫之福又宜察趙分兵謀之事  
英宗治平元年十一月庚午水犯金在尾十六度占曰辰星與  
太白合為陰謀為兵憂在燕趙分二年四月丁巳金犯木占曰  
為兵饑亦主后妃有憂戊子金犯土在張五度占曰太子不安  
周分有兵八月己亥火犯木躔柳七度半占曰秦分有兵謀亦  
為赦令十月丙申又犯土在翼二度占曰南楚之分兵起三年  
十二月癸卯金犯火躔危四度占曰有兵謀事

慶曆三年十一月壬辰五星皆在東方占曰中國安寧

神宗哲宗徽宗欽宗四朝五緯相犯

治平四年九月癸巳太白犯鎮主兵或饑十月甲子熒惑犯鎮主兵大起十一月己卯又犯歲主赦及天下受福熙寧元年十一月己丑太白犯熒惑主兵客敗主勝或防逆謀三年正月己未熒惑犯歲主赦或子孫喜十月乙酉太白犯鎮主衛分兵八年三月庚寅又犯鎮主燕分兵十年七月癸酉又犯歲主秦分饑元豐二年五月庚寅熒惑犯歲主兵四年十月乙亥又犯太白主兵五年三月丙戌太白犯鎮主兵戰女主災十二月丙寅辰犯歲主兵七年十一月甲寅太白犯歲主大將凶元祐元年閏二月戊申八年四月乙卯太白犯熒惑皆主兵起紹聖元年閏四月庚午熒惑犯鎮主兵起及後宮宜崇福三年九月丙午太白犯鎮主楚分有兵元符元年十二月乙未太白犯熒惑主

大兵西國敗二年十月乙巳太白犯鎮主鄭分饑及後宮憂十二月辛亥熒惑犯鎮主兵起及後宮崇寧三年四月丙辰熒惑犯鎮主兵起大戰又曰女子當之十一月庚寅太白犯辰主國不安先起兵者凶大觀元年十二月乙酉太白犯熒惑主君病太子憂二年正月甲寅太白犯歲主大戰民饑王者有疾十月丁酉太白犯鎮主太子不安十一月壬申太白犯歲主大戰民饑王者有疾三年三月辛未太白犯歲四年三月辛巳太白犯歲占同五月甲辰熒惑犯歲主兵大起冊太子有赦政和元年二月辛丑太白犯鎮主兵饑太子不安十二月乙未太白犯鎮占同三年七月乙丑熒惑犯太白主君亡天下兵起四年十月甲子熒惑犯歲主兵起冊太子有赦七年正月癸卯熒惑犯歲占同宣和二年十月己卯太白犯熒惑主君亡天下兵起二年閏五月壬午熒惑犯歲主兵起冊太子有赦七年七月乙未太

白犯歲主王者有疾大戰民饑靖康元年六月辛丑太白犯歲  
占同六月丙辰土火金木聚主大盪其下兵喪並起君子憂小  
人流

高宗建炎四年六月戊子熒惑與鎮合于亢占主兵喪旱是歲  
虜再犯淮立僞齊江湖群盜大起鄭后討至次年隆祐太后崩  
十一月辛丑太白歲星合于南斗占為戰大將死又西方凶於  
是張浚以五路之師敗于富平誅趙哲自秦州退軍興州次年  
陝西皆陷

紹興元年十一月乙卯太白與鎮星合

四年三月乙亥辰星與太白合于畢占為兵憂又曰西方有兵  
不戰是秋岳飛敗虜于襄鄧張憲破之於唐州襄漢悉平

五年正月乙卯太白鎮合于南斗 閏二月丙午熒惑歲星合  
于昴占為內亂臣有謀為旱為饑北軍困甚歲亢旱

七年四月丁巳金火合於東井占為燦為喪其下之國不可舉  
事用兵又曰大人憂主兵不勝有破軍殺將又曰有兵兵罷國  
安於是王倫歸虜許和又許還河南諸州 五月乙亥水金火  
三星合于井占是謂驚立絕行有兵喪民饑是年劉豫為金人  
所廢 甲申火木金合于柳戊子水火金木合于柳占是謂大  
盪有兵喪君子憂小人流 閏十月丁卯火水合于氐占為北  
軍用兵舉事大敗

九年三月癸卯金火合于井度占為燦為喪其下之國不可舉  
兵又曰有破死將於是金人入東京河南陝西相繼陷 九月  
丁未水木合于角庚申金木合于角占大將死 十月壬申金  
木合于氐占同次年岳飛死于獄  
十年十一月丁未金土合于危占為疾為內兵 十二月戊子  
土金又合于室

十一年三月庚子朔土金復合于室

十七年五月乙丑木與金合占大將死白衣會

十九年六月壬戌金星行犯土星占太子不安憂於是秦檜動  
搖皇子 七月丁未金木水合張占其分國內外有兵災民饑  
改立王侯是歲完顏亮絀其主而自立

二十八年十月乙未水星順行犯土星占夏寒雨雪妨女后閏

六月己巳火星犯木星占冊太子當有赦明年始正皇子名

孝宗隆興元年七月壬寅熒惑辰星合于柳占周分赤地千里  
又為饑有覆軍殺將在秋為兵為大旱是年有宿離之敗

乾道四年二月壬子水金合于胃占為變謀為兵憂同夜昏度

瞻見金土晨度瞻見木火水是為水金火土木星俱見占五星  
並見其年必惡 八月己亥水金火土木五星又俱見

六年五月乙亥五星俱見 七月乙巳火星犯木在畢占冊太

子當有赦次年立恭王惇為皇太子 十月庚申五星俱見

八年十月癸卯五星見

九年三月辛丑火木合于柳四月乙丑火木合于星占皆云為  
內亂臣有謀又云當其野旱以饑亡是歲浙東江東西湖北諸

州旱

淳熙十三年閏七月戊午夜五星皆夕伏至戊辰五星伏聚在  
軫又至八月乙亥日月五星俱聚軫占是謂易行有德受慶亡

德受殃

光宗紹熙四年三月辛巳水星與金星會于昴宿內占為兵起  
為變謀

寧宗慶元元年四月辛酉木金合于井占為白衣會將相死  
六月庚午金木合于井占西方凶又歲星所在太白從之伐者

利

象緯

文獻通考卷二百九十三

三年八月甲戌金火木三星合于翼占三星合是謂驚立絕行  
 其分國內外有兵喪兵饑改立王侯後二年光宗上僊  
 四年八月甲戌火與土合于虛占為兵亂旱喪  
 五年八月辛丑火星犯木星占用太子當有赦  
 六年四月癸巳火土合于室及火犯土星占為憂主孽卿會大  
 人惡之又曰女子當之於是慈懿皇后李氏光宗皇帝相繼崩  
 嘉泰二年正月丁巳金火合于南斗占三星合為驚立絕行於  
 是金國盜起邊釁始開 五月庚戌火星順行犯土星占大戰  
 開禧二年二月壬申金木土三星合于昴宿占其分國內外有  
 兵喪民饑改立王侯

文獻通考卷之二百九十三下

文獻通考卷之二百九十四

宋鄱陽	馬	端臨	貴輿	著
明蘄陽	馮	天馭	應房	校刊

象緯考 瑞星

漢武帝元封元年望氣王朔言候獨見鎮星出如爪食頃復入  
 有司皆曰陛下建漢家封禪天其報德星云德星即鎮星也言天以德星報帝  
 晉孝武太元二年七月己卯老人星見  
 三年七月乙酉老人星見南方十月丁巳老人星見  
 梁武帝天監四年八月庚子老人星見占曰老人星見主壽昌  
 自以每年恒以秋分後見於參南至秋分而伏武帝壽考之象  
 云

宋太祖皇帝開寶四年八月辛卯景星見

真宗景德三年 四月戊寅周伯星出氏南騎宮西一度狀半月

象緯

文獻通考卷二百九十四

一

工



有芒角煌煌然可以鑿物歷庫樓東八月隨天輪入濁十一月復見在氏自是常以十一月晨見東南方八月西南入濁占曰天下無兵國大昌又氏爲露寢即天子正寢也

大中祥符七年正月己酉含譽星見其年九月丙戌又見似彗有尾而不長與周伯星同占

太祖太宗真宗三朝壽星見

乾德三年八月辛酉四年八月乙卯六年正月戊申開寶二年七月乙亥太平興國四年八月乙亥五年八月己卯六年八月己卯八年八月辛卯雍熙三年八月己酉四年八月辛亥端拱元年八月乙卯二年八月癸亥淳化元年八月丁卯二年八月辛未三年八月戊寅四年九月己亥五年八月己丑至道元年八月己亥二年閏七月己亥至道三年八月辛丑咸平元年八月癸丑二年八月癸亥三年八月丁卯四年八月甲子五年八月

月乙丑六年八月丙子景德元年八月癸酉二年八月庚辰三年八月庚寅四年二月己卯八月甲午大中祥符元年正月丁亥八月丙申二年二月壬辰八月乙巳二年二月辛巳八月己酉四年正月戊寅八月癸丑五年正月辛巳八月己未六年正月庚子八月丙寅七年正月癸丑八月己巳八年七月癸酉九年正月甲寅八月壬午天禧元年八月癸巳二年正月丁巳八月辛卯五年二月辛卯八月己亥四年八月己亥五年二月丙午八月乙巳皆出於丙

仁宗英宗兩朝壽星見

天聖元年二月己亥二年八月丙子四年七月壬申景祐二年正月己丑至和三年二月辛卯八月己未嘉祐二年八月庚申三年八月丙辰四年正月庚戌八月癸未五年八月庚午六年正月癸丑八月壬辰七年正月辛亥八年正月辛酉治平元年

二月己丑七月癸巳二年二月癸巳八月己亥三年正月庚辰  
八月庚戌皆見

神宗哲宗徽宗三朝老人星見

治平四年二月癸巳八月戊申老人星見其後熙寧元年正月  
乙未八月己卯二年二月乙卯八月壬戌三年正月甲寅八月  
癸酉四年二月乙未八月丁丑五年二月己未閏七月乙亥六  
年正月庚午八月丁酉七年二月甲申八月庚寅八年二月己  
丑八月庚戌九年二月丁酉八月庚子十年正月己卯九月戊  
申元豐元年二月己酉八月丙午二年二月壬戌八月乙卯三  
年二月甲寅八月己未四年八月丁卯五年二月甲戌八月己  
巳六年二月己未八月丁丑七年二月辛巳八月己卯八年二  
月庚辰八月辛巳元祐元年二月戊寅八月庚子二月庚寅九  
月辛亥三年二月癸巳八月己亥四年二月壬子八月丁未五

年正月甲午八月辛亥六年二月己亥閏八月壬戌七年正月  
壬子八月壬戌八年二月丙寅八月己巳九年二月乙丑紹聖  
元年八月庚子二年二月壬午八月丁丑三年二月庚午八月  
癸未四年二月甲申八月甲申五年二月庚辰元符元年八月  
辛卯二年二月乙未九月壬辰崇寧元年二月壬寅八月癸丑  
二年二月甲寅八月庚戌三年二月戊午八月辛酉四年二月  
庚申八月丙寅五年二月戊辰八月甲戌大觀元年二月乙亥  
八月丁丑二年二月甲午八月壬午三年二月戊子八月癸巳  
四年二月乙未閏八月丁酉政和元年二月癸卯八月己亥二  
年二月乙巳八月己酉三年二月甲午八月己未四年二月己  
酉八月辛未五年二月庚申八月甲子六年閏正月壬戌八月  
丁卯七年正月戊午八月丙子八年二月壬申八月乙亥宣和  
元年二月癸未八月癸未二年二月辛巳八月己丑三年二月

丙戌八月癸巳四年二月己亥八月辛丑五年二月庚子八月  
丙午六年二月戊申八月辛亥七年二月癸丑八月庚申皆見  
於丙主人君壽昌天下安寧賢士進用自太平興國以來星見  
必賀至熙寧四年詔罷賀禮

客星

漢武帝元光元年六月客星見于房占曰為兵起其二年十一  
月單于將十萬騎入武州漢遣兵三十餘萬以待之  
昭帝元鳳四年九月客星在紫宮中十樞極間占曰為兵其五  
年六月發三輔郡國少年詣北軍  
宣帝地節元年六月戊戌甲夜客星居左右角間東南指長可  
二尺色白占曰有姦人在宮庭問其丙寅又有客星見貫索東  
北南北至七月癸酉夜入天市芒炎東南指其色白占曰有戮  
卿一曰有戮王期皆一年遠二年是時楚王延壽謀逆自殺四

年霍氏謀反誅

黃龍元年三月客星居王梁東北可九尺長丈餘西指出閣道  
間至紫宮其十二月宮車晏駕

元帝初元元年四月客星大如瓜色青白在南斗第二星東可  
四尺占曰為水饑其五月渤海水大溢六月關東大饑民多餓  
死琅邪郡人相食

二年五月客星見昂分居卷舌東可五尺青白色炎長三寸占  
曰天下有妄言者其十二月鉅鹿都尉謝君男詐為神人論死  
父免官

孟康曰姓謝名君男者兒也  
不記其名直言男耳

光武建武三十一年十月有客星猶二尺許西南行至明年二  
月二十二日在輿鬼東北六尺所滅凡見百一十三日輿鬼尸  
星主死亡客星居之為死喪後二年光武崩

按漢書嚴光傳帝即位思光召之至京入宮論道舊故

因共偃臥光以足加帝腹明日太史奏客星犯御坐甚急帝笑曰朕故人嚴子陵共臥耳通鑑載徵光事在建武五年然史志五年不言客星之事云

孝明永平四年八月辛酉客星出梗河西北指貫索七十日去梗河為胡兵至五年北匈奴七千騎入五原雲中貫索貴人之牢其十二月陵鄉侯梁松坐怨望誹謗下獄死

十年三月庚戌客星光氣二尺所在太微左執法南端門外凡見七十五日

八年十二月戊子客星出東方

九年正月戊申客星出牽牛長八尺歷建星至房南滅見至五十日牽牛主吳越房心為宋後廣陵王荆楚王英謀逆事覺自殺廣陵屬吳彭城古宋地

十三年十一月客星出軒轅四十八日

十四年正月戊子客星出昂六十日在軒轅右角稍滅昂主邊兵後一年漢遣竇固耿秉等將兵擊匈奴一曰軒轅右角為貴相昂為獄事時考楚事未竟司徒虞延坐楚王英交通自殺孝章元和元年四月丁巳客星晨出東方在胃八度長三尺歷閣道入紫宮留四十日滅閣道紫宮天子之宮也客星犯入留久為大喪後四年帝崩

孝和永元十三年十一月乙丑軒轅第四星間有小客星色青黃軒轅為後宮星出之為失勢其十四年六月陰皇后廢

十六年四月戊午客星出紫宮西行至昂五月滅昂為趙後一年和帝崩又一年殤帝崩無嗣太后遣迎清河孝王子即位是為安帝清河趙地是其應也

孝安永初元年八月戊申客星在東井弧星西南占為大水是歲郡國四十一縣三百一十五雨水四瀆溢傷稼壞城郭殺人

民

三年六月甲子客星大如李蒼白芒氣長二尺西南指上階星指上階為三公後太尉張敏免官

元初二年十一月甲午客星見西方巳亥在虛危南至胃昂謂

日客星入虛大人當之又曰客星守危彊臣執國命在后族又且大風有危敗黃帝星經曰客星入守若出危大饑民食貴

延光三年十一月客星見天市占為貴人喪四年帝崩

孝順永建六年十二月壬申客星芒氣長三尺餘西南指色蒼

白在牽牛六度客星芒氣白為兵牽牛為吳越後一年會稽海

曾於等殺長吏拘奪吏民揚州六郡逆賊章何等稱將軍犯四

十九縣大攻畧吏民

陽嘉元年閏月戊子客星氣白廣二尺長五丈起天苑西南主

馬牛為外軍色白為兵是時敦煌太守徐白使疏勒王盤等兵

二萬人入于窰界虜掠斬首三百餘級烏桓校尉耿晷使烏桓

親漢都尉戎末瓌等出塞鈔鮮卑斬首獲生口財物鮮卑怨恨

鈔遼東代郡殺傷吏民是後西戎北狄為寇害以馬牛起兵馬

牛亦死傷於兵中至十餘年乃息

孝靈中平二年十月癸亥客星出南門中大如筵五色喜怒稍

小至後年六月消占曰為兵至六年司隸校尉袁紹誅滅中官

大將軍部曲吳匡攻殺車騎將軍何苗死者數千人

光和五年六月丁卯客星如三升掘出貫索西南行入天市至

尾而消占曰天市為貴人喪明年宮車晏駕

魏文帝黃初三年九月甲辰客星見太微左掖門內占曰客星

出太微國有兵喪十月帝南征孫權是後累有征役

明帝景初三年十月癸巳客星見危逆行在離北宮騰蛇南甲

辰犯宗星巳酉滅占曰客星所出有兵喪虛危為宗廟又為墳

墓客星近離宮則宮中將有大喪就先君於宗廟之象也三年

正月帝崩

高貴鄉公甘露四年十月丁丑客星見太微中轉東南行歷軫宿積七日滅占曰客星出太微有兵喪景元元年帝為成濟所

弒

晉惠帝永興元年五月客星守畢占曰天子絕嗣一日大臣有誅時諸王擁兵其後惠帝失統終無繼嗣

海西公太和四年二月客星見紫宮西垣至七月乃滅占曰客星守紫宮臣弒主六年桓溫廢帝

孝武太元十一年三月客星在南斗至六月乃沒占曰有兵有赦是後司雍充冀常有兵役十二年正月大赦八月又大赦

十八年二月客星在尾中至九月乃滅占曰燕有兵喪二十年慕容垂寶伐魏為所破死者數萬人二十一年垂死國遂衰亡安帝元興元年十月有客星色白如粉絮在太微西至十二月

入太微占曰兵入天子庭二年十二月桓玄篡位放遷帝后於

尋陽三年二月劉裕盡誅桓氏

宋文帝元嘉十九年客星在北斗化為彗詳見門

陳廢帝光大二年六月壬子客星見氏東

周武帝保定元年九月丁巳客星見於翼

天和三年七月己未客星見房心白如粉絮大如斗漸大東行

八月入天市長如匹所復東行犯河鼓右將突未犯匏瓜又入

室犯離宮九月壬寅入奎稍小壬戌至婁北一尺所滅凡六十

九日占曰兵起若有喪白衣會為饑旱國易政又曰兵犯外城

大臣誅

建德二年二月戊午客星大如桃青白色出五車東南三尺所

漸東行稍長二尺所至四月壬辰入文昌丁未入北斗魁中後

出魁漸小凡見九十三日占曰天下兵起車騎滿野人主有憂

又曰天下亂兵大起臣謀主其七月衛王直舉兵反討禽之十月始州民王鞅擁眾反討之

唐文宗太和三年十月客星見于水位

開成二年三月甲申客星出於東井下戊子客星別出于端門內近屏星四月丙午東井下客星沒五月癸酉端門內客星沒壬午客星如孛在南斗天筮旁

昭宗乾寧三年有客星三一大二小在虛危間乍合乍離相隨東行狀如鬪經三日而二小星沒其大星後沒虛危齊分也

光化三年正月客星出于中垣宦者旁大如桃光炎射宦者宦者不見

天復二年正月客星如桃在紫宮華蓋下漸行至御史丁卯有流星起文昌抵客星客星不動已巳客星在杠守之至明年猶不去占將相出兵

梁太祖乾化元年五月客星犯帝座

宋太祖建隆二年十二月己酉客星出天市垣宗人星東微有

芒彗三年正月辛未西南行入氐宿二月癸丑至七星沒

太宗太平興國八年二月甲辰客星出太微垣端門東近屏星北行占曰主弼臣失禮免端拱二年七月丁亥客星出北河星西北稍暗微有芒彗指西南淳化元年正月辛巳客星出軫宿逆行至張七十日經四十度乃不見占云有土功又云有使來

真宗景德二年八月甲辰客星出紫微天棓側字孛然如粉絮稍入垣內歷玉女華蓋凡十一日沒占曰后妃災踰年莊穆皇

后崩三年三月乙巳客星出東南方大中祥符四年正月丁丑客星見南斗魁前占曰有赦令其年親祀汾陰后土大赦天禧

五年四月丙辰客星出軒轅前星西北大如桃連如經軒轅大星入太微垣掩右執法犯次將歷屏星西北凡七十五日入濁

沒占曰周雒之分大臣憂

仁宗明道元年六月乙巳客星出東北方近濁木星太微有芒彗至丁巳凡十三日而沒至和元年五月己丑客星出天關東南可數寸歲餘消沒

神宗熙寧二年六月丙辰客星出箕度中至七月丁卯犯箕乃散主民饑大臣有見棄者或大水河溢泛漲船行平地三年十一月丁未客星出天囷主倉庫憂火災

哲宗元祐六年十一月辛亥客星出參度中犯掩扇星主有暴兵米貴晉分兵災壬子犯九游星又十二月癸酉入奎至七年三月辛亥乃散主邊兵動

高宗紹興八年五月客星守婁魯分也虜將悟室占之太史曰無傷至七月虜殺魯交滕虞等二十一王虜亦應天象也九年客星守亢亢陳分也九月虜將悟室被誅悟室封陳王云八年

六月己巳客星出奎宿犯傳舍口客星亦妖星天之使禍見於天而無常所入列舍以示休咎星大者事大而禍深色白其分有兵喪今客星出紫微外座傳舍星宜備姦使邊夷侵境又云出奎宿為兵姦臣偽惑天子於是金虜遣使來爭執進書儀甲戌客星守傳舍第五星九年正月癸酉客星始不見自去年六月己巳至是凡一百八十五日乃消伏時虜使久在館至是乃去

寧宗嘉泰三年六月乙卯東南方泛出一星在尾宿青白色無芒彗係是客星如土星大占客星者天之使者偶見於天而無常所入列宿以示休咎色青憂疾白為兵喪兵革罷民饑死於是韓侂冑方謀用兵

雲氣 虹蜺

漢昭帝元平元年正月庚子日出時有黑雲狀如淡風亂鬢音



轉出西北東西行轉而西有頃亡占曰有雲如衆風是謂風師法有大兵其後兵起烏孫五將征匈奴二月乙酉祥雲如狗赤色長尾三枚夾漢西行詳見流

成帝永始二年二月癸未夜東方有赤色大三四圍長二三丈索索如樹南方有大四五圍下行十丈餘皆不至地滅占曰東方客之變氣狀如樹木以此知四方欲動者明年十二月巳卯尉氏男子樊並等謀反賊殺太守劫畧令丞自稱將軍皆誅死庚子山陽鍊官亡徒蘇令等殺傷吏民取庫兵聚黨數百人爲大賊踰年經歷郡國四十餘一日有兩氣同時起並見而並令等同月俱發也

哀帝建平元年正月丁未日出時有著天白氣廣如一疋布長十丈餘西南行謹如雷西南行一刻而止名曰天狗傳曰言之不從則有大禍詩妖到其四年正月二月三月民相驚動謹譚

奔走傳行詔壽祠西王母又曰從日入當來又十二月白氣出西南從地上至天出參下貫天厠廣如一疋布長十丈餘十餘日去占曰天子有陰病其三年十一月壬子太皇太后詔曰皇帝寬仁孝順奉承聖緒靡有解怠而久病未瘳夙夜惟思殆繼體之君不宜改作春秋太復古其復甘泉泰畤汾陰后土如故王莽地皇四年漢兵起南陽至昆陽莽遣王尋王邑將諸郡兵號百萬圍昆陽城數重軍勢甚盛晝有雲氣如壞山墮軍上軍人皆厭所謂營頭之星也占曰營頭之所墮其下覆軍流血三千里袁山松書曰惟皇書行時光武將兵救昆陽殺王尋莽軍敗散王邑還長安莽敗俱誅死營頭之變覆軍流血之應也

和帝永元十二年十一月癸酉夜有蒼白氣長三丈起天園東北指軍市見積十日占曰兵起十日期歲明年十一月遼東鮮卑二千餘騎寇右北平



乃滅占曰大兵起明年王彌起青徐汲桑亂河北毒流天下  
懷帝永嘉三年十二月乙亥有白氣如帶出南北方各二起地  
至天貫參伐中占曰天下大兵起四年三月司馬越收繆胤等  
又三方雲擾攻戰不休五年三月司馬越死於甯平城石勒攻  
破其衆死者十餘萬人六月京都焚滅帝如虜庭  
愍帝建興元年十月己巳夜有赤氣曜於西北荊州刺史陶侃  
討杜弢之黨於石城戰敗

宋文帝元嘉三十年正月乙亥朔會群臣於太極前殿有青黑  
氣從東南來覆映宮上是年二月元凶劭構逆帝崩于合殿又  
三月武陵王討劭建牙于軍門有紫雲二蔭于牙上

陳宣帝太建四年有白氣如虹自北方貫北斗紫宮又十二年  
二月壬寅白虹見西方占曰有喪後一年帝崩

北齊後主天統三年五月戊寅甲夜西北有赤氣竟天夜中始  
滅十月丙午天西北頻有赤氣占曰有大兵大戰後周武帝總  
衆來伐

周武帝天和二年十月辛卯有黑氣一大如杯在日中甲午又  
加一經六日乃滅占曰臣有蔽主之明者

六年二月己丑夜有蒼雲廣三丈經天自戌加辰

建德四年十月癸亥帝率衆攻晉州是日虹見晉州城上首向  
南尾入紫宮長十丈餘庚午克之丁卯夜白虹見長十餘丈頭  
在南尾入紫宮中占曰天下兵戰流血又曰若無兵必有大喪  
至六年正月平齊

靜帝大象二年六月甲戌有赤氣起西方漸東行徧天

唐太宗貞觀十一年七月一日黃氣竟天大雨穀水溢

睿宗景龍元年九月十八日有赤氣竟天其光燭地三日乃止

代宗寶應元年七月西北方有赤光亘天貫紫微漸流于東彌

漫北方照耀數十里

德宗貞元二年正月大雨雪平地深尺餘雪上有黃黑色狀如

浮埃

敬宗寶曆元年十二月乙酉夜有霧起須臾遍天霧上有赤氣

或深或淺久而乃散

懿宗咸通元年七月戊戌白虹橫亘西方十一月丁酉戌時妖

星初出如匹練亘空化為雲而沒在楚分

僖宗中和二年七月丙午夜西北有赤氣如絳竟天

昭宗光啓二年九月白虹見西方

光化二年春有白氣竟天如練自西南徹東北而旋

虹蜺

武德初隋將堯君素守蒲州有白虹下城中

唐永隆元年六月戊子虹蜺亘天蜺者斗之精占曰后妃陰脅

王者又曰五色疊至照于宮殿有兵

延和元年六月幽州都督孫佺帥兵襲奚將入賊境有白虹垂

頭于軍門占曰其下流血

至德二載正月丙子南陽夜有白虹四上亘百餘丈

元和十三年十二月丙辰有白虹闊五尺東西亘天

會昌四年正月己酉西方有白虹

咸通元年七月己酉朔白虹橫亘西方九年七月戊戌白虹橫

亘西方光啓二年九月白虹見西方十月壬辰夜又如之

天復三年三月庚申有曲虹在日西北

後唐明宗天成二年十二月壬辰酉時西南方有赤氣如火燄

燄約二千里占者云不出二年其下當有大兵

晉高祖天福二年正月十一日夜初北方有赤氣西至戌亥地東

北至丑地南北闊三丈狀如火光赤氣內見紫微宮及北斗諸

星至三點後內有白氣數條次西行至夜半子時方散

八年正月丙戌黃霧四塞

九年正月乙未大霧中二白虹相偶四月庚戌大霧中有蒼白

末帝開運元年正月乙未大霧中有白虹相偶占者云海滄所  
興其將有戰時帝在澶州與契丹相守

周太祖廣順元年十一月甲子白虹竟天

宋太祖太宗真宗三朝雲氣

乾德三年七月己卯夜西方起蒼白氣長五十尺貫天船五車  
亘井宿占曰主兵動六年十月己未旦西北起蒼白氣三道長  
二十尺趨東散占曰游兵之象太平興國四年四月己未夜西  
北有白氣壓北斗雍熙三年正月己未夜赤氣如城占為兵四  
年正月癸酉夜白氣起角亢經太微垣歷軒轅大星至月傍散

端拱元年十月壬申遲明巽上有雲氣過中天連地濃潤前赤  
黃後蒼黑色先廣後大行勢如截占曰將領行陣有大克捷十  
一月戊午夜西方有赤氣如日脚高二丈至道二年二月丙  
子夜西方有蒼白氣長短八道如彗掃稍經天漢參錯如交蛇  
占曰所見之方主兵勝咸平三年十月辛亥黑氣貫北斗占曰  
兵起人疫十二月庚午黑氣長三丈餘貫心宿入天市垣抵帝  
座久方散四年三月丙申白氣二亘天十月辛亥黑氣貫北斗  
五年正月白氣如虹貫日久而散七月戊戌白氣如陣貫東井  
六年四月己巳白氣東西亘天丁丑白氣貫日五月辛亥白氣  
出昂至東壁沒六月辛未赤氣出婁貫天庾占曰食廩有火災  
丙子白氣出河鼓左右旗分為數道沒七月癸卯白氣如彗起  
西南方占曰有兵喪景德元年三月白氣貫軒轅蒼白氣十餘  
如布亘天七月辛亥黃氣出壁長五尺餘占曰兵出十一月癸

丑黑氣十餘道衝日二年正月丙寅黃白氣環之二月丁亥白氣五道貫北斗占為大風幸臣憂十月丙子白氣出閣道西亭李有光占曰宮中憂三年三月丙辰北方赤氣亘天白氣貫月十月甲午黑氣貫北斗魁占曰夷兵起四年三月己未白氣東西亘天庚申白氣出南方長二丈許久而不散四月庚午白氣貫北斗長十丈占為大風庚寅白氣如布襲月三丈許甲午南方有黑氣貫心宿長五丈許占大水十一月己巳中天有赤氣如掃長七尺在輿鬼南占曰秦兵疫大中祥符元年正月癸亥朔黃氣出於艮占曰主五穀熟丁丑白氣二東西亘天七月西北方白雲氣如彗帚三十餘條占曰主兵戰二年九月戊午黃氣如柱起東南方長五丈許三年四月丁巳中天有黑氣東西亘天占為水十二月癸亥青赤氣貫太微五年二月壬寅白氣長五丈出東井貫北斗魁及軒轅占為兵為雷雨七年九月有

氣出紫微為宮闕狀光燭地天禧三年四月黃氣如柱貫月占

曰女后喜

仁宗英宗兩朝雲氣

天聖七年二月己卯夜蒼黑雲長三十尺貫弧矢翼軫占曰荆楚水明道元年十月庚子夜黃白氣五貫紫微垣十二月壬戌西北有蒼白氣亘天景祐元年八月壬戌夜有黃白氣如彗長七尺餘出張翼之上凡三十三日不見四年七月戊申夜黑氣長丈餘出畢宿下寶元二年正月壬子夜蒼黑雲起西北長三十尺漸東南行歷婁胃昂畢及火木相次中天而散占曰水灾倉穀腐敗胡王死邊兵憂若七日有雨則不占三月甲寅夜細黑雲起西北方長三十尺貫王良及營室占曰衛分大人憂康定元年三月丙子夜東南方近濁黑氣橫亘數丈闊尺許良久散占曰東南有水憂六月壬子黑氣起心宿西長五十尺首尾

侵濁久之散占曰大雨水二年八月庚辰夜東方有白氣長十尺許在星宿度中至十日長丈餘衝天相居星宿大星南九十餘日没壬午夜黑氣起西南長七丈貫危宿羽林入濁至天津良久散癸卯夜蒼白雲起西北闊二尺許首尾至濁良久漫占曰其下有兵慶曆二年十一月壬申黑氣貫北斗柄八年甲申白氣貫北斗三年正月戊戌中天有白氣長二十尺向西南行貫日占曰邊兵憂四月癸卯白氣二生西北隅上中天首尾至濁東西行良久散占曰其下有兵寇十日有大風雨則不占七月戊辰夜西南生黑氣長三丈許經天而散占曰雨水八月壬子夜白氣貫北斗魁四年五月甲子夜黑氣起東北方近濁長五丈許良久散占曰大雨水宜治津梁九月辛巳夜中天有白氣長二丈許貫卷宿南河東北行少頃散占曰風雨之候十一月壬子夜蒼白雲起南近濁久方散占曰南方有兵寇七日有

大風雨則不占八年正月丁酉夜黑氣生首尾至濁漸東行久之不散占曰水災二月辛卯夜西方近濁生黑氣長三丈許良久散占曰水災皇祐四年十一月壬寅夜黑氣生東方南北至濁貫參宿軒轅占曰主邊境有火憂辛酉夜白氣起北方近濁長五丈許歷北斗久之散占曰多大風治平元年六月戊午夜蒼白雲起東北方長一丈許貫畢占云有兵禍二年二月乙未夜蒼黑雲起西北方長五丈許貫東井及北斗良久散占曰大水民疾病四月癸巳夜蒼黑雲起西北方長三十尺西至軒轅太民北抵鉤陳占曰雨水後宮有疾病之憂丙午夜西北方有白氣漸東南行首尾至濁貫角宿移西北久方散占曰有兵戰疾疫事九月庚申夜西北蒼黑雲長三丈許貫營室壘壁陣及天河占曰土功興及雨水三年六月丁未夜東方有蒼白雲長一丈許貫畢占曰歲不收亦陰雨之候

神宗哲宗徽宗欽宗四朝雲氣

治平四年二月癸巳夜蒼白雲起南方長三丈闊尺貫南門星  
主兵出閨三月辛巳蒼黑雲起南方兩首至濁闊尺貫尾箕斗  
牛庫樓騎官主陰雨五月戊寅夜蒼黑雲起北方長三丈闊尺  
貫紫微垣王良主蕃國有暴兵及奉車官憂壬寅夜蒼黑雲起  
北方長三丈闊尺貫紫微垣主暴兵六月癸亥夜白雲起東北  
方長五丈上闊下東貫天船閣道傳舍紫微垣天棓主嗇夫遇  
賊亦為雨候八月乙亥夜黑雲起西北方長丈闊尺貫北斗主  
陰雨十月庚申夜黃氣一上下貫月中主女主憂十二月庚戌  
夜蒼黑雲起南方長三丈闊二尺貫五車東井五諸侯主陰雲  
熙寧元年正月乙酉夜蒼白雲起西南方長四丈闊尺貫月及  
南河鬼軒轅主秦分暴兵六月己酉夜蒼黑雲起北方長二丈  
闊尺貫北斗魁東貫文昌主三公疾民憂十月庚申夜蒼黑雲

起北方東西兩首至濁貫織女天棓紫微垣北斗魁主暴兵三  
日有雨則解二年四月甲辰夜蒼白雲起東南方長二丈闊尺  
貫天市垣主人多疾疫七月甲申日下有五色雲十一月每夕  
有赤氣見西北隅如火至人定乃滅三年二月庚辰夜蒼黑雲  
起西北方長三丈闊二尺貫王良扶箱天厨占同上四年六月  
己未夜蒼黑雲起西北方長丈闊貫五車又起西北方長丈餘  
貫北斗魁文昌主大臣憂五年七月丁亥夜白雲起南方長丈  
貫氐房心六年五月庚申夜蒼黑雲起東北方長五丈闊二尺  
貫雲雨閣道七年三月壬子蒼白雲起西南方長二丈闊尺貫  
經中天過白氣如帶主兵四月壬申夜蒼白雲起北方長五丈  
闊二尺貫北斗魁鉤陳王良閣道東至奎六月辛未夜蒼黑雲  
起天河中長五丈南北兩首至濁貫尾箕又蒼黑雲起東方長  
五丈貫羽林軍外屏丙戌夜蒼白雲起南方長二丈貫危室壁



及八魁主齊衛分憂或土木功壬辰夜蒼白雲起西北方長二  
丈貫天棊紫微垣主分爭與刑罰藏兵禦難備非常人之處有  
憂又主牛畜多死七月庚戌夜蒼白雲起東方長丈餘貫參旗  
及參宜察臣下八年二月己巳夜蒼黑雲起東方長三丈貫心  
天市垣列肆宗星主物貴五月癸亥夜蒼黑雲起西方長三丈  
貫軒轅太微垣五帝座主諸侯憂十月庚子夜黑雲起西北方  
長三丈貫畢大陵鉤星九年四月庚寅夜白氣長丈起東北方  
天市垣辛亥夜蒼黑雲起南方長二丈貫庫樓騎官積卒心尾  
主憂六月乙未蒼白雲起東北方長四丈貫室壁閣道主兵憂  
七月己卯夜蒼黑雲起南方長四丈貫軍市天園主兵十月乙  
酉夜蒼黑雲起西北方長四丈貫北斗鉤車府主雨十年六月  
癸未夜蒼黑雲起南方長三丈闊尺貫龜鼈天淵主多雨水七  
月雨子夜蒼黑雲起北方長丈貫北斗魁主民憂貴臣獄或多

雨八月庚辰蒼黑雲起東北方長三丈貫參井北河五諸侯主  
諸侯憂或大水九月庚申夜蒼黑雲起北方由北斗魁杓貫紫  
微垣至天棊元豐二年四月戊申夜白雲起南方長三丈貫庫  
樓積卒龍尾主將死或大臣黜五年四月壬申夜蒼白雲起北  
方長三丈出太微垣貫五帝座常陳主人主大喜八年七月庚  
申夜蒼黑雲生北方長三丈闊尺貫北斗文昌天槍主三日內  
有雨及大臣黜元祐三年七月戊辰夜東北方近濁天明照地  
如月將出漸徧西北有白氣經天主兵宜防西北二鄙紹聖二  
年十一月桂楊監慶雲見元符二年九月戊辰夜赤氣起北方  
紫微垣北斗星東南次有白氣十道各長五尺主兵及大臣黜  
崇寧元年十一月己酉赤氣隨日没主大旱及外有告急二年  
五月戊子夜蒼白氣起東南方長三丈貫尾箕斗主蠻夷入貢  
舊臣來歸政和元年十一月甲戌夜蒼白氣起紫微垣貫四輔

主相凶五年四月庚子有白雲自北直徹中天漸成五色如華  
蓋七年五月乙卯夜赤雲白氣起東北方主大旱民饑喪宣和  
元年六月辛巳夜赤氣起北方半天如火主臣叛君二年二月  
戊戌夜赤雲起東北漸向西北入紫微垣主臣叛君天下兵起  
三年九月壬午夜蒼白氣長三丈貫月主其下有亂者四年九  
月丁丑西方日下有赤氣七年四月壬子夜有赤雲入紫微垣  
主兵起靖康元年正月丁丑夜赤白氣起西方主所向兵至九  
月戊寅有赤氣隨日出十一月乙丑日下有赤氣閏十一月丁  
酉赤氣亘天二年正月己亥夜西北陰雲中有火長二丈餘闊  
數尺時時見丁未霧氣四塞人對面不相視二月壬午夜白氣  
如虹自南亘北漸移西南至東北二月戊子夜白氣貫斗  
高宗建炎元年八月壬申東北方有赤氣  
四年五月壬子赤雲亘天中有白氣十餘道貫之如練起於紫

微垣犯北斗及文昌由東南而散占兵大起又所向兵至宮中  
有喪

紹興元年二月己巳白氣亘天占有暴兵

七年十一月癸卯有赤雲如火隨日入

八年九月甲申正北方有赤氣如火影

二十七年二月乙酉赤氣出紫微垣

三十年二月壬申西北方正北方東北方一帶約五處赤氣如

火影十一月甲午西南方白氣自尾宿歷壁宿婁宿昂宿止十

二月戊申夜白氣出尾宿歷心房氏亢角宿入天市貫太微至

即位止有類天漢白氣主兵明年虜亮大入寇

三十一年十二月辛丑白氣自斗歷牛女虛

孝宗隆興元年十二月壬午白氣自危宿歷室壁婁胃昂宿

二年正月甲寅白氣自壁宿歷奎婁昂畢觜參

乾道元年正月庚午夜白氣出奎漸上經婁胃昂貫畢入參占  
主殺伐主邊城三月戊辰夜白氣自參宿至角宿與天漢相接  
其白氣約廣七丈已來占有暴兵四月丁酉夜蒼白氣自西北  
漸上東北入天市垣辛丑入北斗魁中乙巳入紫微垣內至天  
極天樞中十一月丙寅白氣出女歷虛危室壁上奎婁胃昂宿  
十二月庚午白氣亘天

四年三月己丑四方皆昏濛若下塵占名曰霾語云天地霾君  
臣乖

五年正月甲申昏霧四塞又曰黃霧

六年十月庚午赤氣隨日出占曰氣如火隨日出者軍行有兵  
憂十一月丁丑赤氣隨日入占有告急者或檄天下召兵不行

七年六月壬寅十月戊午赤氣隨日出

八年十月乙巳赤氣隨日入丙午赤氣隨日出占君側有佞臣

九年十月壬申日出前東方并日入後西方有雲氣若煙非煙  
若雲非雲青赤黃三色光潤占凡氣有三色名曰禱雲禱雲見  
則國有慶乃人君修德而致

淳熙元年十月戊寅東北方生曲虹

二年十月庚辰東南方生青赤黃蠖虹

三年八月丁酉赤氣隨日没戊戌赤氣隨日出

十年正月戊子西南有白氣如天漢而明南北廣六丈東西亘  
天占有兵起

十四年十一月甲寅赤氣隨日入

光宗紹熙四年十一月甲戌夜赤雲白雲見占赤雲如火影見  
者如疋帛天下多兵

二年六月壬寅白氣如帶道亘天己酉亦然喪之象也於是孝  
宗崩寧宗受禪

寧宗慶元四年八月庚辰赤氣如帶亘天占有暴兵  
五年二月癸酉夜白氣如帶道亘天

嘉泰四年二月庚申赤氣亘天次月臨安大火迫近太廟十一  
月壬申白氣如帶道亘天占有暴兵

嘉定六年十月乙卯有赤氣隨日出十一月辛卯有赤氣隨日  
入

宋中興天文志曰書星變而至于蜺虹雷雹非時塵霧雲  
氣雜見必書何也凡皆氣也張自明曰一元肇判分陰分  
陽輕清爲天重濁爲地逆生五行順布五氣故五氣之會  
其精秀靈明者爲日爲月爲星爲河漢五氣之散颺而爲  
風和而爲雨鬱而爲霧結而爲雲舒而爲霞凝而爲露肅  
而爲霜冽而爲雪戰而爲雹擊而爲雷爍而爲電駁而爲  
虹其變十有二無非氣也而是氣之忽合忽分又各有形


有象始不可徧舉其爲災爲祥亦或有應有不應或應焉  
而人莫之知也然而推步宿曜之道度爲晝垣舍之名數  
覘象色之所見驗躔分之攸屬參之於璣衡候之於晷漏  
探應感於精祲求形驗於事情以考以告以戒以勸以慮  
以備占其有益於人國太史遷曰孔子六經紀異而說不  
書至于天道不傳傳其人不得告告非其人雖言不著有  
味其言哉所志者占云

虹蜺

建炎四年三月辛亥白虹貫日京房易傳曰蜺日旁氣也白蜺  
雙出日中茲謂擅陽紹興八年二月辛巳日中有白虹亘天二  
十七年二月壬寅白虹貫日三十年十二月辛酉曲虹見日之  
西占曰虹蜺陰陽交錯之氣曲虹冬見異之尤甚也乾道三年  
十月丙申虹出非時淳熙元年十月戊寅曲虹見日之東二年

十月庚辰虹生非時五年十月丁巳曲虹見日之東慶元元年  
正月丙辰白虹貫日嘉泰二年七月壬午亦如之四年十一月  
虹生非時嘉定十一年二月丙辰白虹貫日

文獻通考卷之二百九十四



象經

文廟遺教卷三十一

三十一